

تبعات تاريخيه صحيفه لری

454

احمد رفیق

454

بیرانس امیر اطوری لری

بیرانس تاریخنه مدخل - امیر اطوری چه لرك طرز حیاتی
ته تودورا - آته نایس - ایرهن - دیندار ته تودورا
ته توفانو - زوئی - آتنا قومنه نوس




طابع و ناشری

مخبره کتیبخانی - استانبول

۱۳۳۱

ایکده طبع







(راوه تا کلیسا سینه)

ایمپراطور بچه نو دورا

بیزانس ایمپراطور بچه کری

تبعات تاريخيه صحيفه لری

Ahmet Refik

احمد رفیق

بیزانس امپراطوری لری

بیزانس تاریخچه مدخل - امپراطوریمچہ لک طرز حباتی
تہ ثودورا - آتہ نایس - ایرہن - دیندار تہ ثودورا
تہ ثوفانو - زوئی - آتناقومنہ نوس

Bizans imparatoriseleri



طابع و ناشری

منہار غلام کتب خانہ نایس - استانبول

۱۳۳۱

1321 [1321]

ایکینجی طبع

Grad

DF

506

.A45

1915

Buhr



تسویل طباعت مطبعه سی

بیزانس تاریخنه مدخل

هیچ بر کوزل تصور ایدیه مزله، حسنی و جاذبه سی،
 رونق و لطافتی، زینت و احتشامی نفر تیر و موأخذه لره
 یاد ایدلسین. هیچ بر شهر تصور اولونا ماز که، طبیعتک
 اگ مستتی، اگ طراوت دار، اگ صاف کوزل لکری نی احتوا
 ایتدیکی حالده تاریخنک، فقط پک بی انصافانه، موأخذاته
 هدف اولسون. بو بدبختلغه، بو حقسنز موأخذه لره
 معروض یالکنز بر شهر وارددر: بیزانس ...

بیزانس شهری، من القدیم، فساد اخلاقی،
 منازعات مذهبییه سیله تاریخنه مهم بر موقع اشغال
 ایله مشدی. ازمنه قدیمه دن زمانمزه کلنجه یه قدر،
 بیزانس کله سی دیدی قود بجلغه، اخلاقسنز لفه علم اولارق
 قوللانیلش، صوک زمانلرده (سفیل بیزانس) ی
 سونکولره پارچالامق فکر لری بیله ایشیدلمشدی!
 فقط بوتون بو جرأتلر و موأخذه لره، صرف بیزانسی
 ای طانیماقدن ایلری کلیور. لسانمزه، جلال اسعد

بك برادریمزك (اسكى استانبول) نامنده كى تأليف كزىنى
 مستنى اولمق اوزره، پاتختمزك تام برتاریخی بيله موجود
 دكل . بیزانس تاریخی ایسه؛ کلیاً مجهول . حال بوکه بز
 عثمانیلر ایچون بیزانس تاریخی لایقيله بيلمکه ، بو
 تاریخک بوتون صفحاتی کمال دقتله تدقیق ایتمکه بویوک
 بر احتیاج وار . چونکه عثمانلی سلطنتی بیزانس
 طوبراغنده تأسس ایتمش ، عثمانلی عادات و عنعناتنه
 بیزانسلیلرک بویوک تأثیرلری اولمشدر . بیزانس
 ایمپراطورلرینک عصر لرجه اداره ایتمک لری طوبراقلر ،
 بیزانس خلقنک برابر یاشادقلری عنصرلر، آلآن سوکیلی
 وطنمزده موجود . بناء علیه بیزانسه صاحب اولمق ،
 بیزانس طوبراغنده تاریخی و عنعنوی تأثیرلری نظر اعتباره
 آلهرق علمی بر صورتده ترقی ایتمک ایسته یورسه ق ،
 تاریخ درس لریمزده بیزانسه بویوک بر قسم آیرمق ، حتی
 دارالفنونلریمزده بیزانس تاریخنه دائر جدی ، عالمانه ،
 فنی قونفه رانس لر ویرمک ، بزم ایچون بالخاصه نظر دقته
 آلّه حق بر وظیفه در .



بیزانسی نظرلرده کوچوک دوشورن مهم وتاریخی
 سیبلر واردی : بیزانس شهرنده بك چوق سرای

آنزیکه لری ، ضربہ حکومتار ، عسکری اغتشافلر وقوعه گلشدی ؛ خلق ، سیرق او یونلرینه ، عقائد دینه مناقشه لرینه ، وحشیانه اعتیاداته مجلوبدی ؛ حتی بیزانس رجالی آردسندہ بر چوق پسپایہ روحلر ، غدار سیالر یتشمشدی . فقط مدنی ، ذوق وشہوتہ مجلوب ، متعصب بیزانسلک یانندہ ، اصل حقیقی بر بیزانس موجوددی کہ ، معظم منظرہ لری ، محتشم سیالری احتوا ایدیور ، فکر وضعت ، عزم ومتانت خصوصندہ پک پارلاق نمونہ لر کوستریوردی .

بیزانس ایمپراطورلنی ، تمام اون عصر سلطنت سورمشدی . بو اون عصرلق دولتک عثمانلی سلطنتی ایله پک بویوک مشابہتی واردی . دہا طوغروسی عثمانلیلر ، بیزانسلیلرک عاداتی ، اعتقاداتی ، مراسمی ، پک چوق جہتلردن اقتباس ایتشلردی . بیزانسدہ مختلف عنصرندہ اقوام یاشایوردی . بو اقوام بینندہ یکانہ رابطہ پی (وحدت دینہ) تشکیل ایدیوردی . عثمانلیلردہ ہمہ عین حال حکم فرما اولیور ، بیزانسلیلردہ اورتودوقسلنی قبول ایدنلر اک مهم منصبہ نائل اولدقلری کچی ، عثمانلیلردہ اسلامیتہ داخل اولانلر دولتک اک مهم اموری نی اداره ایدہ جک موقعلرہ صعود ایدیورلردی . بیزانسلک سرای آنزیکه لری ، حرم جنایتلری ، عثمانلیلردہ

عینلە واقع اولمشدی . یالکز ، عثمانلیلر بیزانسی مقر
 اتخاذا ایله دکدن سوکرا ، خرستیانلق عالمه تعرض
 ایچون بیزانسی ققطه استناد اتخاذا ایله مشلردی؛ بیزانسلیلر
 زماننده ایسه ، اصل بیزانس شهری غوللرک ، هونلرک ،
 آوارلرک ، اسلاولرک ، عربلرک ، بلغارلرک ، روسلرک ،
 مهاجمانه هدف اولمشدی . فقط بوتون بو مهاجمات ،
 بیزانسیک سورلری اوکنده ازیلمش قالمشدی ...

بیزانس اکثریا بوتون ولایتلرندن محروم اولمش ،
 موجودیت سیاسیەسی یالکز مازغالی سورلرینه انحصار
 ایتمشدی . فقط بو ذکله برابر بویوک بر علویت دوری
 کچیرمشدی ؛ ژوستینیانوس زماننده بیزانس اسکی
 رومانک عرفان وکالاتنه توارث ایدیور ، ما کدونیاالی
 ایمپراطورلر دورنده جنوباً سوریه ، شمالاً طونهیه
 طوغرو ایلریلیوردی . قومنه نلر زماننده ایسه اهل صلیب
 مهاجمانه مقاومت ایدیوردی . بیزانس ، میخائل
 پالەئوغوسک غیرتیلە لاتین حاکمیتدن قورتولمش ،
 نهایت عثمانلیلرک عزم و متاتلرینه قارشى سرفرو ایتمشدی .
 فقط بو انحطاط و تدنی دورلری حلول ایدنجهیه قدر
 بیزانسیده پک پارلاق انتباه دوره لری وجوده کلشدی .
 بیزانسلیلر پک چوق دفعه لر اوروپای آسیالیرک مهاجمانه
 قارشى مدافعه ایله مشلردی .

بیژانسک تاریخ بشریتده کی وظیفه سی ، خلاصه ،
 بوندن عبارتدی . فقط بوتون بو وقایع ، خارق العاده ،
 جاذب ، مددب ، محتشم تفرعات ایله مزین برصورتده
 کذار ایشمدی . آیاصوفیه نك یالديزلی قه لری آلتنده ،
 مقدس سرایک پارلاق سالونلری ایچنده ، اک نظر فریب
 مراسم اجرا اولونمشدی . اطرافه رنگین دیبالر ،
 ایپکلی قاشلر ، قیمتدار خالیر سریش صوفه لرده ،
 مرمرلری اوزرینه پنه کل یاقلری سریش قالدیریملرده ،
 آرقه لرنده کوموش زرهلر ، آلرنده آلتون قالقانلر ،
 اوموزلرنده ایکی طرف کسکین بالظه لره ، سرایک
 مظنن بر اوپه سنده مینلر و الماسلره پارلایان تاجلر ،
 مدید بر ماضی شان و شرفی ارئه ایدن آلتون نقشلی
 اثوابلر و مشعش تختلر مشاهده اولونوردی . تختک
 آیاق اوچنده طوران آلتون آرسلانلر ، آلتون آغاجلر
 اوزرنده مینلی آلتون قوشلر بوتون سفیرلرک نظر
 حیرتی جلب ایدردی . ایمپراطور عرض اندام ایدر ایتمز
 آلقیشلر یاییلیر ، آلتون اورغلره آلپلر ترم ایدیلردی .
 ایمپراطور ، بو مشعش ، صیرمه لی قاشلر ایچنده ،
 انساندن زیاده روحانی بر صنمی آندیرردی .
 واسیله وس سوقاغه چیقدینی زمان بوتون جاده لره
 چیچکلر سرپیلیر ، یوللرده آلپلر تغمی ایدیلردی .

آیا صوفیه ده مراسم اجرا اولندیغی وقت، یالدی زلی و معظم قهبلر آلتنده، موملرک تترهك ضیاسی مجوهراتك نظر قریب شعشعلریله امتزاج ایدر، البسه لرك رنكا رنك قاشلریله شایان تماشا، حیرت آور بر منظره وجوده کتیرردی. بوتون بو زینت و احتشام ایچنده برته ئودورانك، برته ئوفاتونك، ویا برزوئینك الماسلر و اینجیلرله رونقلر صاچان تاجلر آلتنده لطیف سیاسی، صاریشین و نظر نواز صاچلری، جاذب و مائی کوزلریله، مهابت و روحانیت ایچنده ذی حیات برنشئه کبی تجلی ایتدیکی کورولوردی.

بو کوزل ایمپراطوریمچهلر، اکثریا عادی بر طبقه دن اک یوکسك موقعلره قدر صعود ایدرلردی. فقط پارلاق، مدبذب بر صورتده کچن بو حیاته، اکثریا بو یوک آطه نك قایالق ساحلرلنده، زمردین چاملر آلتنده، حزین آقشاملرک پنبه و مزهر افقلری قارشیسنده، صدای ناقوسك الملی عکسلری ایچنده نهایت ویررلردی...



بیزانسک بو شاعرانه و احتشام پرورانه حیاتی یاننده، بشریته نافع، اقتصادی و سیاسی بر حیاتی ده

واردی . بیزانس امپراطورلنی روما امپراطورلنک طوغرودن طوغرویه وارثی ایدی . غریبه باربار استیلاسیله زوال بولان روما عنعناتی ، بیزانس امپراطورلنغه تماماً باقی ایدی . قرون وسطی حکومتلری ازمئه قدیمه دن میدانه چیقدفقری ائنده ، یالکز بیزانس ، هیچ بر صدمه یه اوغرامادن ، تدریجی و محسوس بر تکامل تعقیب ایله مشدی . حکومتله کلیسا بئنده کی مناسبت ، دره بکلك مسئله لری ، اجتماعی مسئله لر ، بیزانسه غایت واضح بر صورتده حل ایدلمش ، اراضی قانونلری بیزانسه اساسلی و پایدار دستورلرله حکم فرما اولمشدی . دها طوغروسی ، قرون وسطاده عرب مدینتی شرق وغریبه حاکم اولدینی بر صروده ، بیزانس سورلری ایچنده ده ازمئه قدیمه مدینتک صوگ شعله سی دیندارانه و صنعتکارانه بر اهتمام ایله محافظه اولونمشدی . بودورده ، اوروپانک الک بویوک شهرلری زینت و انتظامجه همان وسط درجه ده ایدی . (استانبول) ایسه ، بوتون شهرلر ایچنده (مالکۀ ظرافت) عد ایدیله بیله جک درجه ده مترقی ایدی . بیزانس چارشیلری مدینت عالمک حقیقی مراکزندن معدود ایدی . کائناک بدایع محصولاتی بوراده مبادله ایدیلوردی . قرون وسطانک زینت و مجوهرات نامنه طانیدینی انافس آثاری بیزانس

صنعتکار لری اعمال ایدیور ، ایشله مه لی اییک قماشلر ، آلتونلر کچی پارلایان ظریف دیبالر ، کوموش طاقلر ، اینجیلر و الماسلرله کوزلر قاماشدیران مجوهرات ، نارین و اینجه او یولمش فیل دیشی چکمجه لر ، نظر ربامینیا تورلرله بزه نمش کتابلر ، کوموش قاقه لی طونجیلر ، آلتون مینه لی دعا کتابلری ، هپ بیزانسک صاف و مائی سهای آلتنده وجوده کلیوردی . بو قلمون و کورولتوجی خلق ایله طولو سوقاقلرده ، جسیم قابولر و سرایلرله مزین جاده لرده ازمئه قدیمه نك اك کزیده آثار صنعتی کورولور ، کلیسارک مهیب قبه لرنده ، رنگارنگ صوما کیلر آره سنده ، موزایقلرک کوز قاماشدیریحی پارلیلری ، سرایلرک زینت و احتشامی ، سیاحلرک نظر حیرتی جلب ایدردی .

بیزانس صنعت معماریسی ازمئه قدیمه صنعت معماریسی ایله خرستیان تزیناتی یکدیگرینه مزج ایتمش ، شرقه مخصوص بر بیزانس طرزى وجوده کتیرمشدی . استانبولده بر چوق دارالفنونلر آچیلیور ، بر چوق مناسترلرده رهبان ایله برابر یوزلرجه مستسخلرک ، عالملرک ومؤلفلرک چالیشدقلری کورولیوردی . غرب ، ظریف و مدنیت پرورانه حیاتی بیزانسدن اوکره نیوردی . بوتون قرون وسطی عالمی ، استانبولده یالذیلر و روتقلر

ایچندہ ، مشعشع وکریده بر شهر تصور ایدیوردی .
استانبول، زمانمژده اولدینی کبی ، قرون وسطی عالمندده
بوتون مخیلهلرده فسونکار بر تأثیر حاصل ایله یوردی .
بیزانس ، تاریخ مدنیتده بویوک بروطفه ایفایتمشدی .
ازمنه قدیمه نک بوتون عنعنات و خزانانی بیزانس صاقلامش
و بشریته بیزانس تعمیم ایله مشدی . (نوع بشرک حافظ
کشی) عنوانی قازانان بیزانسلیلر ، تاریخده دوراتبهاک
حصولنده ، بالواسطه ، یاردم ایتمشلردی . ژوستینیانوسک
ازمنه قدیمه دن طوپلادیغی قانونلری اوروبالیلره
اوکره تن بیزانسلیلر ، بوصورتله ، یازلمش بر قانونکده
ایلک اساسلرینی وضع ایله مشلردی . مؤرخ رامبونک
دیدیکی کبی : « روما ، غرب و جرمن علمی ایچون نه تأثیر
اجرا ایتمدیسه ، بیزانس ده اسلاو و شرق علمی ایچون
عین تأثیری حاصل ایله مشدی » . ایوم اوروپانک شرقده
و شرق جنوبیسنده بولونان اسلاولر ، بلغارلر و اولاحلر ،
هپ بیزانسیک نفوذی آلتده یاشامشلر ، بیزانسیک دینی ،
اصول اداره سنی ، ادبیاتی ، صنعتی و مدنیتی اقتباس
ایتمشلردی . اورتودوکسلنی روسیه ایچلرینه قدر نشر
ایدن ، کیریل الفباسنی وجوده کتیرن ، اسلاو ادبیاتی
احیا ایله یین ، روس پرنسلیرینه حکومت فکرینی ، شکل
اداره یی آکلانان ، فکری و اخلاقی تربیه یی تلقین ایدن ،

ہپ بیزانسلیرایدی . اسلاو عالمک مربی فکر و صنعتی ،
 بیزانس ایدی . (کھف) و (موسقووا) کلیساری ،
 ہپ بیزانسک تأثیری آئندہ انشا ایدیلیور ، (قرہ مل)
 سرایلرنڈہ بیزانس عنعناتی ، بیزانس مراسمی حکم فرما
 اولیوردی . بیزانس ایمپراطورلنی سیاسی موجودیتی
 غائب ایتدیکی حالده ، بیزانس قوۃ تمثیلیہ سی اسلاو عالمندہ
 اولانجہ تأثیری مخافظہ ایدیوردی . بوسیدن ، علم
 وتاریخہ بیکانہ نظرلر ایچون (سفیل بیزانس) تلقی
 ایدیلن بومدنی ، کزیدہ شہر ، یونان واسلاو عالمک
 یکانہ غایۃ خیالیسی ، یکانہ امل تاریخیسیدر . کندیلرینی
 بیزانسک وارثی عد ایدن اسلاو و یونان عالمی ایچون
 استانبول ، غایۃ خیال عد ایدیلن بر پایتختدر .

بیزانس ، سفاهت و اخلاقسنزلغیلہ عثمانلیلر اوزرینہ
 اجرای تأثیر اتمہ مشدر ؛ مذینتک یوکسکلکی ، قوۃ
 تمثیلیہ سنک تأثیریاہ ، اسلامیتہ صوکدرجہ مربوط اولان
 عثمانلیلر اوزرنڈہ بیلہ ، بونفوذینی اجرالیاہ مشدر . بیزانس ،
 کوزللیکی ایاہ نظرلریمزی جذب ایدن ، حساس شاعرلریمزہ :

انصاف دکلد ر آنی دنیاہ دکیشمک ،
 کلزار لرین جنتہ تشبیہ خطادر .

حقیقتلرینی احساس ایلہ یں بومعظم پایتخت ، آرتق

ماضیسی ایله ، تاریخی ایله نظرلریمزده جانلانمالیدر . پاتختمزی سومک، عنفاتمزمک، بدرجهیه قدر، منشائی اوکرمک ایچون بیزانسی تدقیق ایدهلم . کوزلریمزمک اوکنده ، غروبک آتشین ضیالری آرهسنده ، دلنشین سهاره طوغری یوکسهلن آبدهلرک قیمتی آکلایالم . غرب عالمک، صرف علم نامنه ، بیزانسی اوکرمک ایچون تشکیل ایتدکلری مؤسسهلردن ، کتبخانهلر طولوسی نشر ایلدکلری آثاردن عبرت آلام . علم ومعرفته رغبت ایتمز ، هر تشبده علمی وحقایق تاریخیهیی رهبر اتخاد ایله مزسهک ، بزم ایچون چاره نجات یوقدر . استقبالی تأمین ایچون ماضینک تجربهلرندن علمی بر صورتده استفاده ، عثمانیلر ایچون صوک درجه لازمدر . بوتون فلاکتلریمزمک اسبابی ، علمه قارشى لاقدیمز ، حقایق ماضیهیی اهلکارانه تلقیمز ، شخصی منافعی وطن محبتنه ترجیح ایتمکلکمزدر . بومملکتده جهل سوندیلمدکجه ، بوتون عثمانیلر براوروپالی کبی دوشونمدکجه ، علم قوتی قوه بازویه ترجیح ایلمدکجه ، یکرمنجی عصرک نور معرفتی قارشیسنده موجودیت سیاسیهمزکده اریه جکئی قطعياً آکلایالم . عثمانیلرک اک بویوک سبب فلاکتلرندن بریده ، طوپراقلرینه ، یوردلرینه مربوط اولاملریدر . یورده مربوطیت ، وطن طوپراغنی اکوب یچمکه ،

وطنك قيمتى تقدير اتمكله ، ماضي سنى تجليل ايله مكله
 ممكن اولاييلير . بزده بومبجل حسلرى آنجق بيزانس
 و عثمانلى تاريخلرى ، اسلام تاريخلرى توليد ايده جكدر .
 بناءً عليه بوتون بشريتك بيزانسه ويرديكي اهميتى ،
 حضرت پيغمبرك بيزانس حقه ده كى علوى تبشيراتى
 اولسون دوشونه لم :

كوزل بيزانسى سوه لم !



بیزانس شهرى عموم عثمانليغك پاختى اولوق حيثيتى
 ايله ده نظر لريمزده بويوك بر قيمتى حاضردر . تاريخمزمك
 اك پارلاق صحنه لرى ، اك مدبذب دورلرى بيزانسه
 كچمشدر . بيزانس ، بوتون عثمانلى قىلبرينى آنا يورده
 باغلايان ، الماسلر و پيرلانظه لر ، چيچكلر و مجوهر لره
 مزين ، رنگين بر رابطه در . بوسبیدن بيزانس صنايعى ،
 بيزانس مدنيتنى بوتون عثمانلى كنجلىرى هر كسدن
 زياده بيلمك ايجاب ايدر .

خصوصيله بوكون بر حيات اولان عناصرى اون
 عصر مدت اداره ايدن ، تاريخ مدنيتسه مهم برموقع
 اشغال ايله ين بيزانس ایمپراطورلغك اصول اداره سنى ،
 تشکيلات ملكيه و مؤسسات تجار يه سنى ، طرر . مواصلا سنى ،

سائر دولتلرله مناسبات اقتصاديه وسياسيه سني نظر اعتباره
آلمق، عين وطنده وجوده كتيريله جك اصول ونظاماتك
روابط تاريخيه وعنويه سني، مؤثرات اجتماعيه سني محافظه
ايله بيلمك نقطه نظرندن ده بيزانس تاريخي تدقيق
ايله مك لازمدر .

اوروپاده بو كجي تدقيقاتي جامع يوزلرجه اثرلر
ومجموعه لر وجوده كتيرلمشدر . از جمله شارل ديبل ،
شولومبه رژه ، هه رچه رغ ، و رامبو كجي بيزانس ايله
اشتغال ايدن مؤرخلر ، بيزانس ايمپراطورلغلك تاريخي
صوك عصرده جدا احيا ايله مشلدر . شارل ديبل
(بيزانس سيالري) ايله (بيزانس حقه ده تبعات) ي ،
شولومبه رژه نك (بيزانس مفاخرى) ايله (پرنس آطه لري) ،
رامبونك (قسطنطين پورفير و كه نه طوس) ي ايله (بيزانس
تدقيقاتي) ، هه رچه رغك (بيزانس تاريخي وعثمانلير) ي
صوك عصرده بيزانس تاريخنه دائر يازيلان اك كزیده
آناردن معدوددر . ايمپراطوريچي لرك حياتي تصوير
ايچون بالخاصه بو اثرلر ماخذ آتماخذ ايدلمشدر .

بويوك آطه ، نيسان ۱۱ ۳۲۹

احمد رفيق



بیزانس ایمپراطوریمچه لری

ایمپراطوریمچه لرك طرز حیاتی

بیزانس ایمپراطوریمچه لری ایمپراطورلنگ اموراداریه
وسیاسیه سنده مهم بر وظیفه ایفا ایدرلردی . بو سببدن
بیزانس ایمپراطوریمچه لرینگ طرز حیاتی، اداره حکومتده کی
وظیفه و صلاحیتلری جدا تدقیقه شایان بر مسئله در .

بیزانسه ایمپراطوریمچه لرك انتخابی هیچ بر سبب
سیاسی یه مستند اولمازدی ؛ بیزانس تختنه کچه جک
قادینگ ، بالخاصه ایمپراطورک آمال و حسیاتنه موافق
بر حسن و آنده اولماسی کافی ایدی . بونک ایچون
ایمپراطور اولنه جکی زمان ، مملکتک همان هر طرفه سرایدن
مأمورلر تعیین اولونور ، ایمپراطوره زوجه اوله بیله جک
اک کوزل و مستثنی بر قیز بولمایه چالیشیلیردی .

ایمپراطوریمچه ایرهن، اوغلی قسطنطینی اولندیرمک ایسته دیکی زمان ایمپراطورلغک هر طرفه مأمورلر کوندره رک اوغلنه بر زوجه آراتمشدی . فقط بو مأمورلرک وظیفه سنی قولایلاشدیرمق ایچون اتخاب اولونه جق قیزک یاشنی وبونیده تعین ایتمشدی . ولی عهدلر اکثریا بو صورتله اولندیریلدیکی کبی ، بعضاً شدید و غلیانلی بر معاشقه نتیجه سنده تاهل ایدلیدیکی واقع اولوردی . ژوستینیانوس ، ته تودورا ایله بو صورتله ازدواج ایتمشدی . بوکبی حاللرده زوجه لکه اتخاب اولونه جق قادینک اصالتدن زیاده کوزللیکنه اهمیت ویریلیدی . او زمان ، کرک ازدواج ، کرک تاج کیمک ایچون یاپیلان مراسم ، اک فقیر بر قیزک بیله ماهیت ونفوذینی دیکشدرر ، اوکا فوق البشر بر خاصه بخش ایله دیکی کبی ، کندیسنی قدرت و روحانیتک ذی حیات بر تمالی شکلنده تحویل ایلردی .

بیزانسه رسم تنوج ازدواج دن اول واقع اولوردی . ایمپراطوریمچه مقدرات الهیه تاثیریه اتخاب اولوندینی ایچون کندیسنه اولات تاج کیدیریلیدی . رسم تنوج اجرا اولوندقن صوکر و اسیلیسا ، معیتده یالکرز ماینجیلری ایله قادینلر بولوندینی حالده سرایدن چیقار؛ عسکرلر ، اعیان وزادکاندن مرکب صقلر آراسندن کچر؛ بوتون اردو ایله اهلینک بولوندینی محله یوکسک

بریره چیقار؛ صیرمه ایشله مهلی، پارلاق بر لباس ایله
 یکی تبعه لرینه قارشی عرض اندام ایدردی. او زمان
 ایمپراطور یچه نك اوکنده بوتون بایراقلر اکیلیر؛ اهالی
 ایله اکابر رجال یوزلرینی طوپراقلره سوره رک زانوبزمین
 اولورلر؛ عسکرلر ایمپراطور یچه بی صیمی بر صورتده
 آلقیشلارلردی. واسیلینسا ایسه غایت وقورانه،
 ایکی ائنده موملر بولوندینی حالده اولاصلییه قارشی
 اکیلیر، سوکرا خلقک: «الله آوغوستانی اسیرکه سین!»
 ندالری آره سنده ملتی سلاملاردی. ایمپراطور لک
 رسم تتوجلری آیا صوفیه کلیسا سنده اجرا اولوندینی
 حالده ایمپراطور یچه لک کی سرایده اجرا اولونوردی.
 رسم تتوجک ختامنده، واسیله وس ایله واسیلینسا (سنت آتیه ن)
 کلیسا سنده برله شیرلر، ایکسی ده بر تخت اوزرینه
 اوطورارق سرای رجال ونسوانه کچیدرسی اجرا
 ایتدیرلردی. بو مراسم اثناسنده قادین وارکک،
 ایمپراطور ایله ایمپراطور یچه نك اوکلرنده چوکه رک دیزلرینی
 اوپرلردی. رسم ازدواج (آتیه ن) کلیسا سنده اجرا
 اولونور؛ ختامنده زوج و زوجه، بوتون سرای رجال
 ونسوانی معیتلرنده بولوندینی حالده، حجره زفافه طوغرو
 حرکت ایدرلردی. یولدن کچرلرکن بوتون اهالی ایکی
 صره دیزله رک یکی ایمپراطور یچه بی سلاملارلردی. خلق

حجرہ زفافہ، حتی صیر مالی یاتاغہ قدر کلہ رک زوج و زوجہ یہ سعادت تمنی ایدر لردی . آقشام ، دوکون یمکنده بوتون اکبر رجال حاضر بولونور لردی .



ایمپراطوریمچہ لری ، سرایک اک ہجرا بر گوشہ سنده ، سایہ دار آغاچلر ، زمزمہ ساز صورلہ طراوتدار باغچہ لری اورتاسندہ اقامت ایدر لردی . سرایک ہان ہر طرفی قیمتدار مرمرلر ، پارلاق و مشعشع موزایقلرہ مزین بولونوردی . ایمپراطور برنجی واسیلیوسک انشا ایتدیردیکی (یکی سرای) ک بویوک سالونندہ یشیل وقیرمیزی مرمردن ستونلر آراسندہ مظفر جنراللری کوسترر تابولر نظر دقتی جلب ایدردی . خصوصیلہ ایمپراطور ایلہ ایمپراطوریمچہ نک یاتاق اوٹہ سی بر خارقہ ایدی . اوٹہ نک یوکسک طاوانی آلتون کچی پارلاق ییلدیزلراہ مزیندی . بوتون بو مزیناتک اورتاسندہ ، تمثال نجات و سلامت اولق اوزرہ ، یشیل موزایقندن بر صلیب بولونوردی . دوشہمہ تحتہ سی ، سادہ موزایق ایدی . اورتا یردہ کی دائرہ نک ایچندہ ملون توپلو بر طاوس ، درت گوشہ سنده یشیل مرمر اوزرندہ قانادلری آجیق ، اوچایہ مہیا بر قارتال رسمی بولونوردی .

بونک ده اوزرنده قویو یالیزیلی بر زمین اوزرنده ،
ایمپراطورک تختنده اوطورمش وضعیته بر رسمی
کورولوردی .

سرایک (اینجیلی دائره) تعمیر اولونان قسمی آو
رسملریه مزین اولدینی کبی ، (قاریا) مرمرلریه انشا
اولونان دائره ده بالخاصه ایمپراطور یچه نک قیشلق
دائره سنی تشکیل ایدردی . خصوصیه بو دائره ده
ایمپراطور یچه نک یاتاق اوطه سی آهنگ والوانک انموذج
بدیی شکلنده ایدی . بونلردن باشقه (سلطنت اوطه سی)
نامیله بر سالون دها واردی که ایمپراطور یچه لر
چو جقلرنی بوراده طوغور لرردی . بو سالونلرک
همان کاملاً قاپیلری کوموش وفیل دیشی ایله ترین
ایدلشدی . یرلره صیرما ایشله مهلی ، حیوان و چیچک
رسملرنی حاوی خالیلر سر یلشدی . ایشته ایمپراطور یچه بو
ظریف اقامتگاهنده قادینلری و حرم آغاری ایله بر لکده ،
اوطورر ، حیاتی پاتختک هیجانلی کورولتورلندن
اوزاقدی ، چیچکلی باغچه لک قلبه سکون بخش ایدن
آغاجلری اورتاسنده امرار ایدردی .

بیزانس ایمپراطور یچه لری بو صورتله منزویانه یا شادقلری
حالده ، امور حکومتی سائر دولتلرده کندن دها زیاده مداخله
ایدلرردی . هیچ بر حکومتده ، بیزانسه اولدینی

قدر، ایمپراطوریچہ لریک امورسیاسیہ و حکومتک مقدراتہ
مداخلہ ایتہلرینہ جواز ویریلہ مشدی. ایمپراطوریچہ لردن
بر چونغی حسنلرینک تأثیر ویا ذکالرینک فائقیتی
ایله زوجلری اوزرینہ خارق العاده بر تأثیر اجرا
ایله مشلردی. خصوصیلہ قسطنطینیہ ده ایمپراطوریچہ لریک
یالکز باشلرینہ اداره سلطنت ایتدکلری وحتی
ایمپراطورلری ارزولرینہ رام ایده رک ایمپراطورلق وظائفہ
آلشیدیردکلری ده کورولمشدی. ایمپراطوریچہ لری
داخلندہ قدرت و نفوذلرینی کوستردکلری کبی، امور
سیاسیہ دهده امرلرینی انفاذ ایتمکدن خالی قالماشلردی.
ایمپراطوریچہ، حرم دائرہ سنندہ حاکمیت مطلقہ یی
حائز بولونوردی. ایمپراطور کبی اونک ده معیتده
بر چوق قادینلر بولونور، دائرہ سی بر باش ماینجی
طرفدن اداره اولونوردی. حرم دائرہ سنک باش
ماینجیسی ایله سائر خدمتکارلری هپ حرم آغالرندن
عبارتدی. ایمپراطوریچہ نک ده، ایمپراطور کبی،
کیلارجیسی و شرابدار ی واردی. قادینلرک باشندہ
سرای ناظرہ سی بولونوردی، ایمپراطوریچہ نک خدمتہ
تعیین اولونہ جق اشخاص کاملاً ایمپراطور طرفدن
انتخاب اولونوردی. ایمپراطور، سرای ناظرہ سنہ
علامت مخصوصہ سنی کندی ایله ویردیکی کبی، سرای

نسوانتی ده کندیسنه بالذات تقدیم ایدردی . فقط
ایمپراطور یچه ده حرمده بولونان قادینلره کندی امری
آلنده بولوندقلرینی ایما ایچون اونلره بالذات امتیاز
ویرمک صلاحیتی حائز ایدی . ایمپراطور یچه نك
معیتته مأمور قادینلر صیرمه لی البسه ، بیاض مانطو ،
یوکسک سرپوش کیرلر ، واسیله وس ایله واسیلیسایه
قارشى بویوک بر صداقت ابراز ایدرلر ، فقط سلطنت
اوطه سنه کیرر کیرمز ایمپراطوری بردنبره اونوته رق
یا لکنز ایمپراطور یچه ایله مشغول اولورلردی .

ایمپراطور یچه ، معیتی نسواننك صداقتلرندن امین
بولوندیغی جهتله جرم دائره سنده بوتون حاکمیتی ابراز
ایدر ، حائز اولدیغی حریتی کندی مزاج وطیعته
کوره استعمال ایلردی . بیزانس ایمپراطور یچه لر
توالترینه دقت ایتکی اک مهم وظائفدن عد ایدرلردی .
ته ئودورا ، حسن و ظرافته پک زیاده اعتنا ایله دیکی جهتله
اکثر اوقاتى توالهت ماصه سنك اوکنده کچیرر ، سیاسه
حلاوت و طراوت بخش ایچون صباحلین کچ وقته قدر
اویقواویوردی . بعض ایمپراطور یچه لرده غایت ساده
بر حیات امرار ایدرلردی . ایمپراطور یچه زوئی ،
سرای مراسمك خارجنده غایت ساده کینیر ، بو
ساده لکی کندیسنك صاریشین کوزلکنه توفیق ایتکه

بک ماهرانه موفق اولوردی . بوکا مقابل عطریاتدن ده صوکه درجه محظوظ اولوردی . خصوصیه قوزمه تیکلردن بک زیاده حظ ایتدیکی ایچون دائره سفی عاداتا بر کیمیا لابوراتوارینه دوندوردی .

بیزانسه بعض ایمپراطوریمچهرلر زینت و ظرافته او درجه انهماک ائمه یه رک ، بیزانس مؤرخلرینک تعبیری وجه ایله ، شمشه فضیلتله تزین صفات ایتکی ترجیح ایدرلردی . بعضیلری کوزل و مکلف بر سفره نیک ایمپراطوریمچهرلرک لوازمندن بولوندیغه قانع اولور ، بر قسمی ده کنیش قاصالره پاره بیغمقده لذت بولوردی . بیزانس ایمپراطوریمچهرلرینک برچوغی دیندار ایدی . طاعات و عباداتده بولونمقدن ، مقدس اعززه رسملری اوکنده ساعتارجه دیز چوکمکدن ، صلابت دینه لریله شهرت بولان کیشیلر ایله اوزون اوزادی مصاحباتده بولونمقدن فوق العاده لذتیاب اولورلردی . ایچلرنده ادبیاتدن حظ ایدنلرده واردی . بوکیلر کندیلری ایچون نظماً و یا نثرأ اثرتالیف ایدن مؤلفلری اطرافلرینه طوبلایارق کندیلرینه بول بول مکافاتلر ویرلردی . اکثریا کندیلری ده آنا رادیه وجوده کتیرمکه موفق اولورلردی . بونکله برابر سرای ائتریقهرلی ، مدید معاشقه لرده ایمپراطوریمچهرلرک حیاتنده مهم بر موقع اشغال ایدردی .

مع مافیہ بیزانس ایمپراطور یچه لری حیاتی رنی یالکنز عبادتہ ، توالہ تہ ، رسم قبوللرہ ، ضیاقتلرہ و شنلککرہ تخصیص ایتمز لردی ؛ بر چوق ایمپراطور یچه لر دہا عالی ایشلرلہ مشغول اولشلر ، ادارہ حکومت خصوصندہ بویوک بردرایت ابراز ایلہ مشلردی . ایمپراطور یچه نک کندیسنہ مخصوص خزینہ سی واردی . ایمپراطور یچه ، خزینہ سنی ایمپراطورہ دانیشادن ایستہ دیککی کبی ادارہ ایدردی . اکثریا ایمپراطور یچه نک بو صورتلہ کندی کیفہ حرکت ایتہ سی ایمپراطورک وظائفی اشکال ایدردی . بونکلہ برابر ایمپراطور ، واسیلیسانی کاملاً سربست براقیر ، حتی بعضاً حرم دائرہ سندنہ جالب حیرت وقایع دہ جریان ایدردی . قسطنطنیہ بطریق اُنتموس رافضیلککله اتهام ایدیلہ رک مجلس روحانی حضورندہ محاکمہ ایدلمکک جلب اولوندیغی زمان ، تہ ٹودورانک دائرہ سنہ التجا ایتمشدی . اولا هرکس بطریقک بویلہ اورتادن غائب اولماسنہ حیرت ایتمش ، صوکرا اولدی ظن ایدیلہ رک اونوتیلمشدی . فقط ایمپراطور یچه وفات ایدوبدہ بطریق حرم دائرہ سندنہ میدانہ چیقنجه ، هرکس حیرتلر ایچندہ قالمشدی . بطریق حرمدہ اون ایکی سنہ یاشامش ، بومدت ظرقندہ ایمپراطور ژوستینیانوسک خبری بیلہ اولمامشدی . حتی غریبی ، حرم ارکانندن

ھیچ بر کیمسہدہ بو اسراری فاش ایتہ مشدی .
 کذا ایمپراطور نیکہ فوروس فوقاس علیندم
 حاضر لانان فساد جمعیتی ده ته ئودورائک ترتیبی ایله
 حرم دائرہ سنده تشکیل ایدلمشدی . بو سر او درجه
 کیزی طوتولمشدی که، ایمپراطور ایشدن خبر دار اولوب ده
 حرم دائرہ سنک آراشدیرماسنی امر ایتدیکی حالده
 دائرہ ده هیچ کیمسہ بی بولمایه موفقیت حاصل اولمامشدی .
 ایکی ساعت سوکرا، قارا کلک و فیرطنه لی بر کیجه ده، فساد
 جمعیتک رئیسی بر سیت ایچنده اولدینی حالده پنجره دن
 ایله ایچری آینمش ؛ ایمپراطور، او طه سنده، مدافعه سز
 بر حالده باصیلارق مدھش بر قیلج ضربه سیله قافاسی
 پارچه لائمش ، وجودی دلیک دشیک ایدلمشدی .
 حرم دائرہ سیله سلاملق بیننده آشیلماسی غیر ممکن
 مانعلر موجود دکلدی ؛ اکثریا ایمپراطوریچہ ، حرم
 دائرہ سنه حرم آغالرندن ماعدا اکابر رجالی ده قبول
 ایده بیلیردی .

ایمپراطوریچہ چوجوق طوغوردقن سوکرا
 بوتون سرای ارکانی ایمپراطوریچہ نک اوکنده کچیدرسی
 اجرا ایدرلردی . او زمان ، یاتاق او طه سی صیرمالی
 قاشلرله سوسله نیر ، سالون غایت ظریف و پارلاق
 لامبالرله تنویر ایدیلیردی . ایمپراطوریچہ صیرمالی بر

یاتاغہ یاتار ، بشیکدہ یانندہ بولونوردی . بر مدت
 سوکرا سرای ارکاتی ، سوکرا سلسلہ مرتبہ رعایہ
 سرای قادینلری ، دہا سوکرادہ زادگان صنفی ،
 سناتورلری ، پروونسوسلری ، پاتریچیلری واسیلیسانک
 اوطہسنہ ادخال ایدردی . هرکس ایمپراطوریچہ نک
 اوکندن کچدکجہ کمال احترام ایله اکیلیر، تبریکاتی تقدیم
 ایدر ، یکی طوغان چوجوق ایچون یاتاغک اوچنہ
 اوافق بر ہدیہ براقیردی .

ایمپراطوریچہ نک وظائفی صرف حرم دائرہسنہ
 منحصر دکلدی . خارجدہ رسمی آلایلردہ ، حکومتک
 امور ادارہسندہدہ واسیلیسانک کندیسنہ مخصوص
 وظیفہلری واردی . سرای مراسمندہ ایمپراطورلہ برابر
 ایمپراطوریچہ نکدہ بولونماسنہ شدتله لزوم واردی .
 بریزانس مؤرخنک دیدیکی کبی : «ایمپراطوریچہ بولونمادینی
 زمان ، مراسمہ رعایہ ضیافتلر ویرمک وشنلکلر اجرا
 ایتک اصلا ممکن اولامازدی . بو سبیدن واسیلیسا ،
 سلطتہ اشتراکی اولدینی کبی ، حکومتک معاملات
 عمومیہسندہدہ مهم بر عامل وظیفہسی ایفا ایدردی .
 پاسقالیا یورطیلرندہ آیاصوفیہ کلیسا سنک اورتاسندہ
 بوتون ارکان حکومت حضرت یسوعک دیریلدیکندن
 طولایی ایمپراطورہ بیان تبریکات ایله دکلری صیرادہ ،

کلیسایانک صرف قادینلره مخصوص غاله ریلرندهده
ایمپراطوریچه بر تخت اوزرینه اوطورمش بولوندیغی
حالده سلسله مراتبه رعایه بوتون اکبر رجال
قادینلرینی قبول ایدردی . بو صورتله بر چوق مراسم
انسانده ایمپراطوریچهده بو قادین اردولرینک کندی
اوکندن مرور ایتدیکنی تماشا ایلردی .

ایمپراطوریچه‌نک وظیفه‌سی یالکز قادینلری
قبول ایتمکدن عبارتدی . اکثریا زوجی ایله برلکده
رسم قبولده ایفا ایدردی .

سرای ضیافتلرنده سفره‌یه زوج‌سیله برلکده
اوطورور ، بویوک قوشو کونلری آت میدانه
ایمپراطورله برابر کیدردی . او زمان خلق ، بوتون
صفوت و صمیمیتی ایله ، ایمپراطوریچه‌ینی سلاملاردی .
بعضاً ایمپراطوریچه‌نک یالکز باشنه مراسمه ریاست
ایتدیکیده واقع اولوردی . ازجمله آیاصوفیه
کلیسایانک ، ایمپراطوری سفردن دونوشده استقباله
یالکز باشنه کیدردی . دها طوغروسی بیژانس
ایمپراطوریچه‌سی ، ایمپراطورک سلطنتده شریکه‌سی
وهر درلو مراسمده ناقابل انفکاک بر رفیقه‌سی
ایدی .

ایشته بوکجه صلاحیتلری حائز ایمپراطوریچه‌لر ،

بیزانس نفوذی آئندہ بولونان مملکتی اداره
ایچون یک بویوک بردایت کوسترمشلر ، سرای
سفاهترینک انتظامسزقلری ایچندہ بر ذکا ابراز
ایدہ رک اکثریا ادارہ حکومتدہ ارککلرہ بیلہ تفوق
ایلہ مشلردی .



ته ئودورا

(راوه نا) ده ، (سن ویتال) کلیسا سنک دیوار لرینی
تزیین ایدن موزاییقلر ایچنده ظریف وجاذب بر قادین
سیاسی نظر دقتی جلب ایدر ، بو سیا (هیودروم)
صحنه لرندن ییزانس تختنه ارتقا ایدن، عشوہ سی وجاذبه سیله
کوکلر تسخیر ایله یین ته ئودورانک سیای تابنا کیدر .
ته ئودوراء، میلادک آلتنجی عصر نده تیاترو صحنه لر نده
عرض اندام ایله دیکی زمان، ولوله لی بر شهرت قازانمشدی .
سوریه نک مائی سیاسی آلتنده یتیشن بو جاذب چیچک،
ییزانس صحنه لر نده بوتون انظار مفتونیتی جلب ایتمشدی .
ته ئودورانک باباسی، تیاترولرک بر نده آبی بکجیسی ایدی .
آنه سی عفت و ناموسده لایالی ، تیاترو قولیس لر نده
امرار حیات ایدر بر قادیندی . ته ئودوراء، ایشته بو عائله نک
ازدواجندن دنیایه کلشدی (۵۰۰) .

ته ئودوراء ، حاکیتی آلتنه آلاجنی خلقی اولاجاذبه سیله
تسخیر ایله مشدی . باباسی آقاچوس، آنه سنی اوچ
قیز ایله کیسه سز، بی وایه بر اقمش ، قادینجغز اولاد لر یله
برابر معیشتتی تأمین ایچون باشقه بر یله مناسبانده بولونمایه

باشلامشدى . فقط بو آدمه‌ده قوجاسنك مأموريتنى
تأمين ايتك لازم كلديكى ايجون ، ته‌ئودورانك آنه‌سى
اوچ قيزنى چيچكلرله سوسله‌يه‌رك صخنه‌يه چيقارمش ،
مايىرله يشيللر فرقه‌سندن مايىرك توجهنى جلب
ايدەرك مقصدىنى تحصيله موقق اولشدى . ته‌ئودورا ،
او زمانلر يشيللر كوستردكلرى لاقيدى يى عمرى
اولدجه اونوتامامش ، بوصولته (هيودروم) قوليسلرنده
امرار حيات ايله مکه باشلامشدى .

ته‌ئودورا ، آز زمان ايجنده صخنه‌ده عرض اندام
ايدنجه ، كنديسنه بر چوق لابلاليانه مناسبلر تأمين
ايتمشدى . ته‌ئودورانك صخنه‌ده كى وظيفه‌سى رقاصه‌لك
ومغنيه‌لك دكلدى ؛ اونك بوتون آرزوسى ، غرور
و افتخاردن سينه‌سى قابارتان كوزلكنى تشهير ايتك ،
عريان وجودىنىك مستنى بديعه‌لرني اورتايه قويمقدى .
ته‌ئودورا ، جداً دلبردى . بويى اورتا ، فقط جاذبه‌سى
خارق‌العاده ايدى . اوچوق بكزى ، معنيدار ، آتش
عشق ايله مملو نظرلرينك پارلاقنى ايله تنور ايدردي .
ته‌ئودوراده حسندن باشقه اوصاف‌ده موجوددى .
ته‌ئودورا ، ذكى ، روح استيناس ، ذوق پرور برقاديندى .
قلبي دائماً اينى دكلدى ؛ اكثرثيا استهزا كارانه سوزلر
سويلر ، آرزو ايتديكى زمان ، كوكلر تسخير ايتك خصوصنده

بویوک برصنعت کوسترددی . بونکله برابر جرأتکار،
متشبت ایدی . هرکسک حرمت و تقدیرینی عشوه لری
وتبسملریله جلب ایتمک اصولنی بیلیردی . کندیسنده
عشقه بویوک بر استعداد اولدینی ایچون تیاتروده سریع
موفقیتلر استحصال ایتمشدی . ته ئودورا ، فضیله او
درجه لزوم کوسترمن بر مسلکه سلوک ایتش ، بوتون
بیزانسی جاذبه سی و سرگذشتلریله طولدیرمشدی .

ته ئودورا، صحنه ده رذالت عد اولونه بیله جک وظیفه لر
ایفا ایدردی . خصوصیه شهرده آقشایلیقلری ،
لابالایانه سوزلری، عاشقلرینک چوقلنی ایله نام آلمشدی .
بو حاللری او درجه شایع اولمشدی که ، ته ئودورا
سوقاقدن کچدیکی زمان ارباب ناموس دائماً اوزاقدن
کیتمکه باشلامش ، ته ئودورایه تصادف ایتمک عادتا
شامت عد ایدلمشدی . بو صره ده ته ئودورا ، هنوز
یکرمیسنده ایدی .

ته ئودورا ، بردنبره اورتادن غائب اولمشدی .
ته ئودورانک سوریه لی هه که پولوس اسمنده بر عاشقی
واردی . بو ذات آفریقایه تعین اولونمش، ته ئودوراده
عاشقنک پیشندن آیریلماق ایسته مشدی . فقط بو حیات
عاشقانه چوق سورمه مشدی . هه که پولوس ته ئودورایی
قوغمش ، زواللی قادین سفالت و احتیاج ایچنده

سورونمشدی . او زمان اسکندریه‌ده اقامت ایتمش ، پوراده سنلردن بری دوام ایدن عقائد دینه منازعاتی ته‌ئودورانک دماغی اوزربنده‌ده اجرای تأثیردن خالی قالمشدی . ته‌ئودورا ، اسکندریه‌ده بطریق تیموته‌نک وعظللرندن متنبه اولارق بردرجه تصحیح اخلاق ایتمکه موفق اولمشدی . صوکر قسطنطینییه کلش ، براز عقلانمش ، یاشی کالنی بولمایه ، لطیف وجودنده حیات سفیهانه‌سنک یورغونقلرینی طویمایه باشلامشدی . ته‌ئودورا بو تاریخدن اعتباراً عقیفانه بر حیات امرار ایله‌مشدی . ایشته ژوستینیانوس ، ته‌ئودورایه بو آشناده ، اوافق بر اوده تصادف ایتمشدی .

ژوستینیانوس ، ته‌ئودورای کوردیکی زمان بوتون موجودیتی ایله سومشدی . ته‌ئودورانک عشوه‌کار طورلرینه فریفته اولان ایمپراطور آرتق اونندن هیچ بر شیشی دریغ ایتمه‌مشدی . ته‌ئودورا پارديه صوکه‌درجه دوشکوندی ؛ ایمپراطور اونی ثروت وسامانه غرق ایتمشدی . ته‌ئودورا حرمت وشانه مجلوبدی ؛ ایمپراطور ، عالمه‌سنه‌سرایه آلاق بو ارزوسنی‌ده یرینه‌کثیرمشدی . ته‌ئودورا خریص ، و تحکمه‌صوکه‌درجه میالیدی ؛ ایمپراطور دائماً اونک سوزلرینی دیکلشمش ، ته‌ئودورانک توجه وعداوتلرینی حرفیاً اجرا ایله‌مشدی . ده‌ها صوکر

اودرجه به کشدی که ، ته ئودورا ایله ازدواجی کنیدی
 اینچون بویوک بر سعادت عد اتمشدی . ایمپراطورک
 بو ارزوسنه ، اقرباسی بر درجه به قدر قرشی طور مقی
 ایسته مشردی . یانکز ژوستینوس ، هیچ سنی
 چیقاراماشدی . بیزانس قنونلری موججه اعیان
 و اکابر رجالک عادی قادینلر ، خدمتکارلر ، آقریسلر
 و فحشه لرله ازدواجی ممنوعدی . ژوستینوس بو قاتونی
 فسخ ایتمش ، نهایت آیا صوفیه کلیسا سنده موملرک پارلاق
 ضیالری اورتاسنده ، ته ئودورانک تنوج مراسمی اجرا
 اولونمشدی . سوکرا ته ئودورا ، بیزانس عادتنه اقتفاء
 (هیودروم) ه کلش ، بر زمانلر جاذبه سیله تسخیر
 ایتدیکی خلقه ، شمدی شوکت و سلطنتی توقیر ایتدیرمشدی .



ته ئودورا ، ایمپراطوریجه یعنی واسیلیسا اولدینی
 زمان ، تزیناته پک زیاده دوشکونلک کوسترمشدی .
 ته ئودورانک (سن ویتال) کلیسا سنده کی موزاییق
 تصویری ، بو تمایلاتنک پارلاق بر خاطره سیدر .
 ته ئودورا غایت مشعشع بر لباس کیردی . البسه سنک
 رنگی منکشه به یاقین ارغوانی ، آنکلری صیرما ایشله مه لی
 ایدی . باشه آلتون مجوهرات ایله مزین بر تاج کیر ،

صاچلارنى كوز قاماشدېرىجى الماسلارلە تىزىن ايلردى .
 تەئودورا، عادى برعائەلە دن يتشمش ايكن ايپراطوريجەلق
 حياتنە پك چابوق آلمشمدى . تەئودورا ، بوتون
 معناسيلە قاديندى : ظريف كينمك ، هر كسك خوشنە
 كيتمك يكانە آرزوسى ايدى . تەئودورانك دائرەسى غايت
 مطمئن ، البسەسى مشعشع ، مجوهراتى نفيس ، سفرەسى
 اك مكممل يىمكلرلە مالى ايدى . حسننە صوك درجە
 اهميت ويرردى . سياسندە طاتلى برسكون حاصل
 ايتمك ايچون يىمكدن صوكرالرى اويقوايله كچيرردى .
 لون ورونقى محافظە ايچون صيق صيق بانىو ياپار ،
 صوكراساعتلرجه استراحت ايدردي . تەئودورا ،
 بوتون نفوذىنى آنجق حسنى ايله اجرا ايدەجكنى پك
 اىي بيليردى .

تەئودورانك معيتدە محتشم بر سراى اركانى ،
 محافظلر ومقبيلرواردى . بو صوكرادن كورمە واسيليسا ،
 يىزانس مراسمنك هر نوعنە بويوك بر مفتونيت
 كوسترردى . هر كس تەئودورانك خوشنە كيتمك
 ايچون كنديسنە عرض احترام ايدر ، قارشيسندە يرلرە
 قدر اكيليردى . غرورى فوق العادە اولدېنى ايچون
 وقتيلە كنديسنە لابلالېانە معاملە ايدن اكابر دولتە قارشى
 ايپراطوريجە البسەسى آلتندە وقورانە سلاملر ويرردى .

ته ئودورا آرتق حیات خصصیه سنی صیقی بر انتظام آلتنه آلمش، ازدواجندن سوکرا اسکی حیاته کلیاً وداع ایله مشدی . اولندیکی زمان اوتوزنده ایدی . بو یاش ، اونک ایچون کنجلیکنک صوگ دوره سی ایدی . بوندن باشقه ، اسکی سفیهانه حیاته دوام ایدرک موقعی دوشورمکده ایسته مزدی . خصوصیه کندیسنده موجود بعض اوصاف وطبایع اونی تکرار بو درکده دوشمکدن منع ایده بیلیردی . ته ئودورا مغرورانه بر متانته ، مردانه بر ثباته ، ساکتانه بر جسارته مالکدی . بو سیدن یکریمی بر سنه ژوستینیانوسله برابر اجرای حکومت ایتیش ، کندیسنی پرستش درجه سنده سوهن زوجنه قارشی بویوک ، عینی زمانده مشروع بر نفوذ اجرا ایله مشدی .

ته ئودورا بوتون متانتی ۱۸ کانون ثانیده خلقتک سرای قاپیلرینه هجومی ائناسنده کوسترمشدی . بو صیراده ژوستینیانوس تأثرندن شاشیرمش ، قاجقدن باشقه چاره بولامامشدی . هرکس تلاش وهیجان ایچنده ایدی . ویريله جک مقررات ایچون عقد اولنان مجلسده ته ئودوراده حاضر بولونیوردی . ته ئودورا سکونتتی اصلا بوزمامش ، کمال سکون ایله آیاغه قالقارق ایمراطوره :

— فراردن باشقه چاره نجات قالمش بيله اولسه
 بن ينه قاچماياچم . باشنده سلطنت تاجی طاشيانلر ،
 او تاجله برابر اولميدرلر . خلق نجی ايمپراطوريجه ديه
 سلاملامادقدن سوکرا ، ياشاماق بيم ايچون اولادر .
 سه زار ! سن قاچق ايسته بورسك ، ايسته ميدان !
 پارهك وار ، كميلر حاضر ! فقط بن ثبات ايده جكم . بيم
 ايچون ايمپراطوريجه لق لباسی اك كوزل بر كفندير .
 ديمشدى . او كون ايمپراطورلغك سقوطنی ته‌ئودورا
 عزم وماتتی ايله ازاله ايتمشدى . ته‌ئودورا بو ماتتی
 ايله جدا تميز ايتمش ، او آنه قدر ايمپراطورك ضعف
 قلبی يوزندن اشغال ايله ديكي ييزانس تختی شيمدی بحق
 احرازه لايق اولديغنی كوسترمشدى . او زمان ايمپراطور ،
 كنجلكك بوتون حرارتيله سوديكي بو ظريف قادينه
 حياتك صوك دقيقه لرينه قدر پرستش ايتمش ، بو مستنی
 ذكايه ، بو متين وعزم پرور قادينه قارشى نه شان
 وشرفی ، نه ثروت وسامانی ، هيچ بر شيئی دريغ
 ايتمه مشدى ...



ته‌ئودورا ، خلقك ده حرمت وتوجهنی جلب ايله مشدى .
 خلق ژوستينيانوس ايچون يابدقلىر كچي ته‌ئودورا نامنه ده
 هيكللر ركز ايتملردى . كذا ژوستينيانوسه يابدقلىر

کبی ته ئودورایده صدقت یمینی ایتمشردی . ایمپراطور
 اک مشکل زمانلرده ، (بنم اک طاتلی جاذبه م) دییه یاد
 ایله دیکی رفیقه حیانتک نصیحتلریله حرکت ایتمشدی .
 ته ئودورا ، یکریمی بر سنه دوام ایدن سلطنتی ائناسنده
 هر شینه پارماغنی صوقمشدی . حکومت مأموریتلرینه
 بیلدکلرینی برلشدیرمش ، دیپلوماسی وکیسا ایشلرینه
 قادیشمش ، پاپالری و بطریقاری ایسته دیکی کبی عزل
 ونصب ایله مشدی . او درجه ده که ، اکثریا ایمپراطورک
 ارزولرینه شدتله مانع اولمش ، ژوستینیانوسک امرلرینی
 فسخ ایتدیره رک کندی او امرینی اجرا ایتدیرمشدی .
 اک بویوک ایشلرده قوجاسنه صوکه درجه یاردیم ایتمشدی .
 واقعا بعض کره لر حرص و شدتی ، غرور و تکبری
 الیم نتیجه لر حاصل ایله مشدی ؛ فقط ، سیاست
 و تدبیری ایله ده بیزانسی اک قوتلی حکومتلر عدادینه داخل
 ایده بیله جک بر نفوذ نظر ابراز ایتمشدی .

ژوستینیانوس دایما روما ایمپراطورلغک احیاسی
 فکرینی تعقیب ایله دیکی حالده ، ته ئودورا دها اینجه ،
 دها دور اندیشانه دوشونهرک ، نظر دقتنی شرقه توجه
 ایدردی . ته ئودورانک سوریه کشیشلرینه بویوک بر
 محبتی واردی . اکثریا اونلری سراینه قبول ایدر ،
 قبا قیافتلرینی ، خشین سوزلرینی نظر اهمیته

آلمایارق دعالرینی تمی ایلردی . تەئودورادە بوتون بیزانس کنجلی کبی دیندار ایدی . غایت ذکی و فوق العادە فکریسیاسیە مالک اولدیغی ایچون خریستیان بر حکومتدە دینی مسئلهلرک نە درجە حائز اهمیت اولدیغنی ، بو مسئلهلرە لاقید قالغله نە درلو نتایج تولید ایدیله جکئی بیلیردی . آناطولی ایله سوریه و مصرک منبت ، محصولدار صحرا لری ایمبراطورلنگک اک مهم اجزاسندن ایدی . دینی اختلافلر یوزندن بو یرلرک الدن چیقماسی بیزانس ایچون بویوک بر ضیاع اولاجقدی . بو سبیدن تەئودورا دینی اختلافلرە قارشى تمايلاتنە مانع اولور ، ایمبراطورک سیاستنی دائماً بو نقطەیه توجیه ایدردی . ژوستینیانوس قلباً دینە مجلوب اولدیغی ایچون دینی مسئلهلرە قاریشیردی . تەئودورا ایسە دینی منازعلرک موقت و متبدل فورطنه لرینە اهمیت و یرمیه رک مسئلهنک دائماً اساسنی نظر اعتباره آیلردی . بو سبیدن رافضیلری حمایه ایتمش ، پاییه قارشى طورمش ، متردد و پریشان خاطر زوجنی بیلدیکی یوله سوروکلیرک دینی مبارزلرە بوتون موجودیتیلە آتیلمشدی .

تەئودورا ، اداره حکومتدە بو درجە بویوک بر ذکا و اقتدار کوستردیکی حالده قادینلغنی اظهاردن ینە کندینی آلاماشدی . بو خصائصنی ، زینت و احتشامه

ابتلاسی ، احتراصلری و عداوتلریله کوسترمشدی .
 ته ئودورا ، منفعتنه طوقوناجق بر شی اولور اولماز تردد
 و مساحه اصلا طائمازدی . ارزوسنه مانع اولانلری بلا
 تردد آتار ، دویردی . نفوذینی قیرمق ایسته ینلری
 بلا ترحم آزر ، محو ایدردی . نفوذ و حاکمیتنی محافظه
 ایچون هر درلو وسائطی ، اهاتی ، یالانی ، فساد
 اخلاقی ، حیلہی ، شدتی مشروع کوروردی . بعضاً
 ارزوسنی یرینه کتیره مزسه ، صوکرانتقام آلمقدن خالی
 قالمزدی . ته ئودورا هر شیده حاکم اولمق ایسته مش
 و موفق اولمشدی .

عداوت باغلا دینی زمان هیچ بر شیدن قورقماز ،
 قتلی ، رذالتی ، هر شیئی کوزینه آلدیرردی .
 سرای اکابرنی کندیسنه مطیع قلمق ایچون پک ایجه
 دیسه لر قوللانیردی . مثلاً جنرال به لیزه ری نفوذی
 آلتنه آلمق ایچون زوجہ سی آنطونینی آلدہ ایتمشدی .
 آنطونین زوجہ دائماً اهانت ایدردی . ته ئودورا
 آنطونینک مناسبتلرینی قصداً التزام ایتمش ، اونی کندیسنه
 رام ایله دکدن صوکر بو واسطه ایله به لیزه ره حاکم
 اولمشدی . او درجه ده که ، به لیزه ر زوجہ سنک بو غیر
 مشروع حاللرینی بیلدیکی حالده ته ئودورا بونلرک کافه سنی
 عفو ایتدیرمشدی . ته ئودورا ، واقعا بو حرکت ایله

عفتسزلكى التزام ايتمشدى . فقط طلاق و غير مشروع
 مناسبات حقنده كى قانونلى اصلاح ايتديره رك از دو اچك
 قدسيتنى ده تا مینه غيرت ايله مشدى . ته‌ئودورا قسطنطينيه نك
 ملوث كوشه لرينه واقف اولديغى ايچون بورالى تصفيه يه
 غيرت ايتمش ، هيودوروم صحنه لرنده يتيشن بو آلفته
 قادين ، شمدى پايتختك اخلاقنى ده اصلاحه باشلامشدى .
 ته‌ئودورا سوابق حياتنك آجيلرني اونوتمامش ، حتى
 بر امرنامه يه شو جمله لرى يازدير مشدى : « حيدودلره
 و خيرسزله جزا ايتك ايچون حاكمر تعين ايتدك ده
 ناموس و عفت حيدودلرى حقنده ده احق اوله رق نه دن
 تعقيات اجرا ايتمه يه لم ؟ »

ته‌ئودورا عقل و عرفانى ايله ده حكومتى اداره ايتمش ،
 فقط احتراصات و دسائسى ايله سرايى و حكومتى آلت
 اوست ايتمشدى . ذكا و حسنى ايله ژوستينيانوسك قلبى
 او درجه تسخير ايله مشدى كه ، وفاتنده ايمبراطور پك
 آجى كوز ياشلرى دو كمشدى (٥٤٨) . ژوستينيانوس
 ته‌ئودورايه حياتنده پرستش ايتمش ، وفاتنده ايسه هيچ
 بر زمان خاطره سنى ذهندن چيقارامشدى .



آته نایس

آته نایس ، بیزانس ایمپراطور یچه لری آره سنده علم
وعرفانی، قدرت شاعرانه سی ایله تمیز ایتمشدی. آته نده
پتپرست برعائله ایچنده یتیشن بومستنا چیچک، بیزانسک
مائی سمانی آتنده بوسبتون تبدیل فکر و ماهیت ایتمش ،
ایمپراطور یچه لکه قدر صعود ایله دکن صو کر (قدس) ک
عحرق کونشی آتنده، حزین و مؤلم بر صورتده تباہ اولمشدی.
آته نایس ، ایمپراطور ته ئودوزیوسک زوجته سی
ایدی. ازدواج لری نتیجه عشق اوله رق و قوعه گلشیدی.
ته ئودوزیوس ، تأهل ایده جک بر سنه کلدیکی زمان
اولنکی دوشونمش ، همشیره سی یولخه ریبانک متادیا
باشنی آغریتمایه باشلامشدی. ته ئودوزیوس آله جنی قیزک
اصیل و زنکین اولسنه باقما یور ، اک زیاده ، کوزل ،
وحتی شاهانه بر کوزلکه مالک اولسنی تمنی ایدیوردی.
بونک ایچون یولخه ریبا قاردشک آرزو ایتدیکی کوزل لکده
برقیز آرامایی کندیسنه وظیفه ایدینمش ، بو آراییشلرک
نتیجه سی اوله رق ده آته نایسه تصادف ایتمشدی. آته نایس ،
آته دارالفنون معلملرندن له ئوتتیوسک قیزی ایدی .

باباسنك وفاتنده حقى ديكرا ايكي قاردشك غصب ايتمش
 اولمرندن طولايى (قسطنپينه) يه شكايته گلش ،
 اجباسندن ايكي قادينك دلائييه پوخله ريبايه تقديم ايدلمشدى .
 اوصرده آته نايس يكرمى ياشنده ، بويولو بوصلو ،
 خارق العاده بر حسنه مالكدى . قيويرجبق صارى
 صاچلرى لطيف سيماسنى زرین برهاله ايله احاطه ايدبيور ،
 سيماسنك رنگ دلاويزنى بوتون قيمتيله ميدانه چيقار .
 بيوردى . لطيف ، ذكا وشدتله مالى كوزلرى حجابندن
 اوكه متمایل بولونیور ، اكثر يافيدياسك هيكلرنده كورولن
 صنعتكارانه برونى ، نجيبانه طورى ايله قلبه حس
 پرستش اوياندير بيوردى . پوخله ريبايه آته نايسى قاردشك
 ذوقه پك موافق بولمش ، عائله سنى صورمش ، صوكر
 قاردشنه اولدينى كچي تصوير ايتمشدى . ته ئودوزيوس ،
 آته نايسك تصويرينه غيابه بر مجلوبيت حس ايتمشدى .
 نهايت آرقداشى پوله ن ايله برابر بر پرده آرقه سنه
 صاقلانارق بونفيس قادينى تماشا ايتمش ، بر قاچ هفته
 صوكراده آته نايس واقترزردن ودینی مراسمدن صوكر
 بيزانس ايمپراطور بچه لغنه ارتقا ايتمشدى .



آته نايس بيزانس ايمپراطور بچه سى اولدينى زمانلر ،

بیزانس سراینده پوخله ریپانک نفوذی جاری ایدی . پوخله ریپا اوصره ده یکر می ایکی یاشنده ، ذکی ، حریص ، سیاسی برقادیندی . آرقادیوسک وفاتی اوزرینه بوتون عالنهك رئیسه سی قانجه ، قاردشنه وصیه اولمش ، (آوغوستا) نامنی آلهرق حکومتی اداره به باشلامشدی . پوخله ریپا غایت دیندار ایدی . حکومته هیچ کیمسه یی تشریک ایتمک آرزوسنده بولونمادیغی ایچون ، اون آلتی یاشنده ایکن هیچ اولنمه مکه یمین ایتمشدی . سرای ، پوخله ریپانک زماننده عادتا بر مناستر حاله کیرمشدی . کیجه کوندوز دینی السپلر اوقونور ، پارلاق البسه لره ، مسرورانه آلفیشلره بدل راهلرک ماتم آلود البسه سی ، السپلرک قسوت آور نغمه لری ایشیدباپردی . پوخله ریپا سرایدن آشفته ندیمه لری کاملاً چیقارمش ، قاردشنی دینی بر تریبه آلتنده بو یوتمشدی . ته ئودوزیوس ، قیز قاردشک سایه سنده مکمل بر تحصیل کورمش ، یونان ولاتین لسانلری ایله علم هیئت ، ریاضیه ، تاریخ طبیعی ورسم اوکر نمشدی . ته ئودوزیوسک مطالعه یه ده مراقی واردی . ظریف وجسیم کتبخانه سنده کیجه کبج وقته قدر چالیشیردی . پوخله ریپانک تریبه دینه سی دماغنده اساسلی بر تأثیر حاصل ایله مشدی . پوخله ریپا قاردشنه آداب معاشرتی ده اوکر تمش ، مراسمده کی طور وحر کته

داثر ته ئودوزیوسه کوزل بردرس ویرمشدی. بناءً علیه ته ئودوزیوس، قیز قاردشک تربیه سیله یتیمش ، فقط زمانک قاریشیق و اختلالرله مالی حادثه لرینی اداره ایده بیله جک متانت طبیی اکتساب ایده مه مشدی .

بو ایکی قاردشک یاننده آته نایس ده مهم بر موقع اشغال ایده بیلردی. آته نایس دنیا به کلدیکی زمان آته، شرق عالمنک مرکز عرفانی، پتپرست ادبیاتنک مقری، یونان قدیم آثارینک مشهری حکمنده ایدی. آته نایس ادبیات عتیقه انافس آثارینی اوقومش، هومره ک قصادی، ده موسته نیسک نطقلریله تنویر افکار ایتشدی. علم هیئت و هندسه یه ده وقوفی اولان بو کنج قادین، عینی زمانده یکی افلاطون فلسفه سنی ده تدقیق ایله مشدی. آته نایسک تربیه سی صرف پتپرست تحصیله مستند اولدینی ایچون خریستیانلغک خفیف جلاسی روحنده مندمج افکاری دوچار ضعف ایده مه مشدی. بوسبیله واسیله وسک بو کنج آته لی ایله ازدواجی یزانسده پتپرستلکک غلبه سی کی تاقی ایدلشدی. ذاتاً اوصره ده قسطنطینه ده پتپرستک آثاری قسماً موجوددی. قسطنطین و خلفلری شهری ازمنه قدیمه معبدلری، یونان آثار هیکل تراشیسی ایله تزین ایتیشلر، سرایده بیله معین مراسمده پتپرست عاداتی محافظه ایله مشلردی. بوسبیدن آته نایسک

ایمپراطوریمچه اولماسی بیزانسیک خریستیان عالمده اندیشه بی موجب اولمشدی .

آته نایس ، وافتیز ایدلدکدن سوکرا (نه وودوقسیا) نامنی آلمشدی . ازدواجنک همان ایرتسی کونی ایلك ایشی، ایران حربنه دائر برمنظومه انشاد ایدرک قوجاسنک محبتنی جلبه غیرت ایتمک اولمشدی . ینه او سنه دنیاہ بر چوجوق کتیرنجہ ، ته ئودوزیوسک یاننده بوسبوتون قیمتی آرتمشدی . آته نایس ، سرایده کی نفوذینی آرتدردنجه ایمپراطوره بعض وصایاده بولونمغه باشلامش ، حتی قسطنطنیہ دارالفنوننک تأسیسنه پک زیاده یاردیمی طوقونمشدی . دیندار بر محیط ایچنده یاشادینی ایچون محیطنک تأثیرندن نفسنی تجرید ایدمه مشدی . دینی مباحثه لره دها زیاده مفتونیت کوسترمش ، قسطنطنیہ بطریقی نستوریوس ایله اسکندریه بطریقی کیریللیوس بیننده وقوعه کلن دینی مناقشه لر ائناسنده قوجاسنک طرفنی التزام ایتمشدی . آته نایس بو صورتله کورویمچه سی پوخله ریبیانک رینه قائم اولمغه باشلامش ، سرایده کندیسنه طرفدارلر تشکیل ایتمش ، بوسبیدن واسیله وس ، واسیلیسا و آوغوستا بیننده اختلاف حاصل اولمشدی . پوخله ریباقسطنطنیہ بطریقہ دشمن اولدیغندن کیریللوس ده دشمننه غلبه ایچون سرایده پوخله ریبیا طرفدارلرینی الده

۲ تیمکه چالیشمش و بو تشبندده آلدانامشدی .



آته نایسك نفوذی بیزانس سراینده حکمفرما
 اولدینی صرهدده ایدی که، روما غرب ایمراتورلغنه کچن
 هونوریوسك همشیره سی غاللاپلاچیدایده چوجقلریله
 برابر (بیزانس) ه کیشدی. آته نایس، قیزی نه وودوقسیایی
 هونوریوسك همشیره زاده سنه تزویج ایتمک و بو صورتله
 روما غرب ایمراتورلغنه ده اجرای نفوذ ایلمک
 ایسته مشدی . حتی بو آرزوسی برینه کلیرسه، (قدس) ه
 قدر کیتمکه عهد ایتمشدی . اون درت سنه سوکرا بو
 تصورک قوه دن فعله کلسی اوزرینه آته نایس قدس یولنی
 طوتمشدی .

آته نایس ایلمک اول (آنطاکیه) شهرینه اوغرامشدی.
 بو شهرده ، آتاری آلآن مشهود اولان پتپرستک
 بقایاسی ، کوکلنده کنجک خاطره لرینی او یاندیرمشدی.
 حتی (آنطاکیه) سناتوسنده مجهر لرایچنده پارالیان تحت
 اوزرنده ، شهرک اعیان و اکابرینی حضورینه قبول
 ایلدیکی زمان ، باباسندن آلدینی درسلی تخطر ایدرک
 کندیسنه حسن قبول کوسترن اهالی حقنده بر نطق
 ایراد ایتمش ، بونطقده سوریه ساحل لرینه قدر انتشار

ایدن اسکی یونان مدینتی تحیل ایدرک نطقنه هومهرک بر مصر عیله نهایت ویرمشدی. (انطاکیه) رجالی واسیلیسانک بونطقنی آلفیشلرله تلقی ایتمشلر، آته نایسک خاطره مبعجله سی اولمق اوزره بلدییه دائره سنه آلتون بر هیکل وضعنه قرار ویرمشلردی .

آته نایس قدسه موصلتنده برسنه قدر او طورمش، بوتون زماننی دینی عبادتلرله کچیرمشدی . صوکر، بورادن آلدینی اعزه اشیا سنی قسطنطینییه کتیرمشدی. آته نایس بر قاچ سنه صوکر قدسی تکرار زیارت ایتمش، فقط بوسفر ختام عمرینه قدر اوراده قالمشدی .

قدسدن ایلاک عودتنده قسطنطینییه داخل اولدینی زمان، شان و اقبالک مرتبه کالنده بولور. نیوردی . قیزی بر ایمپراطورله اولمش، کندی آلفیشلر و دبده لرله بوتون شرقی طولاشمشدی. آرتق آته نایس، کورووجه سی نه وودوقسیا ایله آچقندن آچیغه مبارزه یه کیریشه بیله جک بر نفوذ اکتساب ایله مشدی . سرایده کوندن کونه دوستلری چوغالمشدی . فقط پتپرست علومنه و قوفیله اشتهار ایدن کیریللوس ایله مناسبت پیدا ایتسی، پوخله ریپانک پک زیاده جاتی صیقمشدی . آته نایس، بو ذاتی ایمپراطورده توصیه ایتمش، سرایده ایمپراطور اوزرینه اجرای نفوذ ایدن خادم آغالریله

بر لشه رك پوخله ریبایی بوسبوتون سرایدن اوزا قلاشدر مایه،
 کندیسنی واسیل سالفه اعلا ایدن ولی نعمته اهانت ایتمکه
 قدر جرأت کوسترمشدی . پوخله ریبیا بر مدت
 کندی اقامتگاهنه چکیلمش، فقط آته نایس ایله مجادله دن
 ینه خالی قالمشدی . اورتودوقسلر کاملاً پوخله ریبیا به
 طرفدار اولدقلرندن آته نایسه بو پارلاق مظفریتنی پک
 بهالی به مال ایتمک ایچون پوخله ریبیا تدابیر لازمه اتخا زینه
 باشلامشدی .

آته نایسک ایمپراطوریچه تختنه جلوسی کبی سقوطی ده
 غریب اولمشدی . بو دورده سرای رجالتدن پولهن ،
 کرک ایمپراطور و کرک ایمپراطوریچه نزدنده بویوک بر
 اعتبار قازانمشدی . پولهن ، ایمپراطور عائله سی میانه
 قبول ایدلدیکی جهته سرایده فوق العاده بر نفوذ اکتسابنه
 موفق اولمشدی . ایمپراطور ایله ایمپراطوریچه نك یانه
 هر ساعتده کیره بیلیر ، سرایده امر مستقل کبی حرکت
 ایدردی . پولهن ، عین زمانده یاقیشقلی وظریف ایدی .
 روایت کوره ، حال وطوری پوخله ریبایی بیله منجذب
 ایتمکدن خالی قالمشدی . آته نایسک دشمنلری ایشته
 بو پولهنی آلت اتخا ز ایتمک ایسته مشلر ، ایمپراطوریچه
 ایله مناسباتی ایلری به سوره رك ته تودوزیوسک قیصقانجلفنی
 تحریک ایله مشلردی .

ایمپراطور بر کون کلیسایہ کیدیورمش. پولهن،
 راحتسز بولندیفی ایچون مراسمہ اشتراک ایدہ مہ مش.
 ایمپراطور یولدہ کیدرکن، کویلونک بری کندیسنه غایت
 یویوک برفیریکیا آلماسی تقدیم ایتمش ... تہ ٹودوزیوس
 آلمانک پارہ سنی ویروب آلمش. زوجہ سنہ صوک درجہ
 محبتی اولدینی ایچون آلمایی درحال آتہ نایسہ کوندرمش.
 آتہ نایسہ دہ بردوستلق اثری اولہرق پولهنہ یوللامش.
 پولهن ایسہ ایمپراطوریچہ نک آلمایہ اہمیت ویردیکنی
 تقدیر ایتہ مش. ایمپراطورہ تقدیم ایتمک اوزرہ کوندرلدیکنہ
 ذاہب اولہرق آلمایی تہ ٹودوزیوسہ ویرمش. ایمپراطورک
 بوکا پک زیادہ جانی صیقلمش. سرایہ کلیر ککز آتہ نایسی
 چاغیر تمش. کمال حدت و غضبہ: «سکا یوللادیغ آلمایی
 نہ یابدک؟» دیہہ صورمش. آتہ نایسہ بردنبرہ: «یہ دم!»
 دینجہ، ایمپراطور طوغر و سنی سویلہ مسنی رجا ایتمش،
 آتہ نایسہ سوزندہ اصرار کوسترمش. اوزمان ایمپراطور
 آلمایی البسہ نک آلتندن چیقارارق یالانجی زوجہ سنہ
 کوسترمش. بونک اوزرینہ زوج و زوجہ آراسندہ
 غوغا باشلامش. ایمپراطور قیصقانجیغندن، حدتندن
 طایانہ میہرق آتہ نایسدن آیریلش، پولهن دہ (قصری) بہ
 نفی ایدیلہ رک اورادہ تلف ایدلشدی.



آته نایس زوجدن آیرلقدن سوکرا حقدنه کی
 افترا اردن ، پوله نك قتلندن حیثیت و اعتبار سزلقدن
 دلخون اولمش ، ایمرا طوردن قدسه کیمک ایچون مساعده
 ایسته مشدی . ته ئودوزیوس واسیلیسانك بوتمنیسه کمال
 ممنونیتله مساعده ایتمشدی . بر زمانلر بوتون روحیه
 سودیکی بو حسنا قادینه قارشى شمدى قلینده عداوتدن ،
 شبه دن ، کیندن باشقه بر شی حس ایتمه مشدی . حتی
 آته نایس دن آیرلق اوکا هیچ تأثیر ایتمه مش ، پرستش
 درجه سنده سودیکی بر قادیندن افتراق کوکلنده اوفاق
 بر تأثیر بیله حاصل ایده مه مشدی .

آته نایس ، قدسده وفاته قدر اون سکر سنه
 یاشامشدی . بو حزرین و مؤلم حیات ، واسیلیسانك طبیعتی
 غرب پر صورتده تبدیل ایله مشدی . آته نایس قدسده ،
 مناستر لره و کلیسار لره ، حضرت یسوعک خاطر اتیله مالی
 اولان بو شهرده روحنك صلح و سکون ایچنده مستریح
 اوله جغه قائل اولمشدی . فقط دشمنلرینک کین و عداوتی
 اونی منافسانده بیله تعقیب ایتمش ، زوجنك شبه لری
 نفسنی الیم بر حقارت آلتنده آزمشدی . یزانس دن کلیر کن
 برابرنده کتیردیکی ایکی پاپاس ، ایمرا طوره خبر ویرلمش ،
 ته ئودوزیوس ایکیسنی ده طوتدیروب تلف ایتمه مشدی .
 ایمرا طور یچه بوجایتلردن بوسبوتون دوچار حقارت

اوله رق آرتق قان ایله انتقام آلمایه قرار ویرمشدی .
اولا برقاچ کشی به پاره ویره رک قدس والیسنی اولدیرتمش ،
صوکر ا مجروح و متأثر روحنی مستریخ ایتمک ایچون
عباده حصر حیات ایتمش ، کشیشلر و راهبلر آراسنده
امرار اوقات ایله مشدی . اوتاریخندن اعتباراً ، زوجی
ته ئودوزیوسه مذهبلرنی قبول ایتدیرمکه چالیشان
مونوفیزیتلر ، یعنی حضرت یسوعک بر جوهری بولوندیغنه
ایمان ایدنلر صره سنه داخل اولمش ، قوجه سندن بو
صورتله انتقام آلمایه قرار ویرمشدی . آته نایس بو
مجادله به بوتون موجودیتی ایله آتیلمشدی . دوستلرینک
آمالنی تسهیل ایچون بوتون نفوذینی ، اولانجه ثروتی
استعمال ایتمشدی . بومسلك (قاضی کوی) مجلس
روحانیسی طرفدن صورت قطعه ده تلغین ایدلدیکی
حالده ، آته نایس اونفرت ایتدیکي بولخه رییادن وقاردشدن
انتقام آلمق ایچون بومسلكده ینه ثبات کوسترمشدی .
حتی مخالفلرک جسارتی کمال شوق ایله آرتدیرمش ،
ایمپراطورک عسکرلرینه قارشى عاصیلری سلاح بدست
اوله رق محاربه به تشویق ایتمشدی . آته نایسی اورتو -
دوقسلاخه ارجاع ایچون قیزی ، دامادی ، حتی پاپابویوک
له ئون پک چوق اصرارده بولونمشدی . نهایت پاپانک
تکلیفنی قبول ایتمش ، کندیسنه وعد ایلدیکي (شان

ابدی) یه نائل اولق ایچون فلسطین راهلرینی تسکین
ایله مکه قرار ویرمشدی .

آته نایس بوندن سوکرا ألم و کدر ایچنده امرار
حیات ایتمشدی . بو صرهده قوجاسی ته ئودوزیوس ،
کوروججھسی یولخه ریا وفات ایتمش ، غریبه قیزی
وطورونلری وانداللرک الینه اسیر دوشمشدی . شرقده
ته ئودوزیوسک تختنه یکی برخاندان کچمشدی . آته نایس
آرتق هرشیدن محروم، دنیادن مایوس برحالده قالمشدی .
قلبی حس و شعرا یله مالی اولان بو بدبخت ایمپراطوریچه
حیاتدن بزمش، دینی السهلرک نغماتیله متهیج، کلیسالر،
مناسترلر و خسته خانهلر انشاسیله وقت کچیرمش، پتپرست
عالمک بو پارلاق وزرین ییلدیزی قدسک صاف سمانده
حزین بر صورتده افول ایتمشدی ...



ایره‌ن

بیزانسه تصاویر اعزه مجادله‌لری جریان ایله‌دیکی
صیراده ایدی که ، اختیار ایمپراطور بشنجی قسطنطین ،
اوغلی له‌ئونک دوکون مراسمی اجرا ایدیوردی
(۷۶۸) . له‌ئونک کوزل ایره‌نله رسم ازدواجی پک
بارلاق اولمشدی . اوکون صباحین ایمپراطورک شخصه
مخصوص قایق‌لر ، بارلاق ، ایپکلی قوماشلرله تزین
ایدلمش ، بوغاز ایچنک آناطولی ساحلندن دلبر واسیلدیبایی
آلارق بیزانسه کتیرمشدی . بر قاچ هفته صوکراده
مقدس سرایک تخت سالوننده تئوج مراسمی اجرا
اولونمشدی . قسطنطین ایله اوغلی آلتون تخت اوزرینه
اوطورمشلر ، ایره‌نک کوزل سیاسی اورتن دوواغی
قالدیرمشلر ، باشه الماسلرله مزین تاجی قومیشلردی .
صوکر (سنت نه‌تیه‌ن) کلیساسنده بارلاق بر رسم قبول
اجرا ایدلمش ، بوتون اکابر رجال ، سناتورلردن وسرای
قادیلرندن مرکب محتشم بر آلایله عودت اولونمشدی .
ایره‌ن ، آتنده طوغمشدی . اوکسوز ، بیچاره
بویومش ، ملاحظت و طراوتی سایه‌سنده اختیار قسطنطینک
کلینی اولق شرفه نائل اولمشدی . بو دورده آتیه

بوسبوتون تبدیل ماهیت ایله مشدی . بشنجی عصرده کی آتسه ایله یدنجی عصرک آتسه سی بینده پک بویوک فرقلر حاصل اولمشدی . دور قدیم مدینتک بو محتشم پایتختی آرتق بردارالفنون شهری ، علوم وفنون مقری ، اسکی محررلرک ، مشهور حکیملرک خاطره سیله مشبوع بر شهر دکلدی ؛ آتسه ، ایره‌نک یاشادینی دورده ، اوفاق ، ساکن ، دیندار بر بلده حاله کلشدی . آتسه‌نک بو محیطی ایره‌نک افکار و دماغی اوزرنده بویوک بر تأثیر اجرا ایله مشدی . ایره‌ن ، بو تأثیرک نتایجی بیزانسی سنه لردن بری صارصان مهم و دینی بر مسئله‌نک حلنده کوستره جکدی .

بو دورده بیزانسی تصاویر اعزیه عبادت مسئله سی اشغال ایدیوردی . فقط بو مسئله آرتق دینی اولقدن چیقمش ، سیاسی بر شکله کیرمشدی . ایمپراطورلر اعزیه تصاویرینه عبادتک کلیاً علیهنده بولونیورلردی . اونلرک فکرینجه ، تصاویره عبادت پتپرستلکک نوعما احیاسی ایدی . ذهنلرینی اک زیاده مشغول ایدن تقطه ده ، منکت داخلنده کلیسانک فوق العاده اکتساب نفوذ ایتمش اولماسی ایدی . کشیشلر ، ثروتلری و نفوذلری ، تصاویر اعزیه طرفدارلریله بویوک بر قوت تشکیل ایدیورلردی . ایمپراطور قسطنطین بوروحانی

قوته قارشی اولانجه عزیمله مجادله به باشلامشدی .
ایمپراطورک امری ایله بعضاً جبری، بعضاً قانلی اجرا آتده
بولونلش، مناسترلردن کشیشلر طرد ایدلش، حبسلره،
منفالره کوندرلمشدی . بیزانسه هان هیچ بر کشیش
قلامشدی . بیزانس خلقی فکراً متعصبی . بوسبیدن
تصاویر اعزه مجادله سنده ایکی فرقه به ایرلمشدی . بر
طرفی مأمورلر و کبار صنفی ایله اردو، دیگر طرفی ده
رهبان، عوام طاقی، اهالی وقادینلر تشکیل ایدیوردی .
خصوصیله قادینلر عبادت مراسمک پارلاقلغنه، کلیسارک
زینته مجلوب اوله رق کندیلرنجه معجزه نما، محترم عد
اولونان تصویرلردن بردرلو واز کچه میورلردی .
بوطبقه به ایرنده داخل اولمشدی . حتی ایرهن،
فضله اوله رق آتنده، تصویرلر وهیکلره اک زیاده
برستش ایدیلن بر شهرده دنیا به کلشدی . ایرهنک
تصاویر اعزه به محبتی اولدیغنه هیچ شبهه یوقدی . فقط
بیزانس سراینه داخل اولدیغی زمان تصاویر اعزه
مجادله لری پک زیاده شدت کسب ایتمشدی . قسطنطین
کبی تصاویر اعزه دشمنی بر ایمپراطورک قارشیسنده
ایرهنک افشای حسیات ایده میه جکی طبیعی ایدی .
بوسبیدن ایرهن، دینی وحسیاتی هر کسدن صاقلامش،
حتی قان پدیرینک اصراری اوزرینه، تصاویر اعزه بی

قطعياً قبول ایله‌مه‌جک‌نه‌ دائر پارلاق برده یمین‌ایتمش‌دی . ایره‌نک‌ بوی‌مینی‌ ظاهری‌ایدی . چونکه‌ اختیار قسطنطنیک و فاتیله‌ زوجی‌ دردنجی‌ له‌ئون‌ ای‌مپراطور اولور اولماز ، قوجاسی‌ اوز‌رینه‌ اجرا ایلدیکی‌ نفوذ سایه‌سنده‌ اسکی‌ شدت‌لری‌ تخفیف‌ ایتدیرمه‌ک‌ه‌ موفق‌ اولمش‌دی . ذاتاً سرایده‌ بر چوق‌ قادی‌نار تصاویر اعزیه‌ کیزلی‌ کیزلی‌ عبادتده‌ بولونیورلردی . ایره‌ن ، آرتق‌ بونی‌ بوسبوتون‌ آچیغه‌ اورمش‌دی . بر کون‌ قوجاسی‌ ، ایره‌نک‌ او‌طه‌سنده‌ اعزه‌ تصاویرینه‌ تصادف‌ ایتش ، زوج‌ه‌سنگ‌ بو‌حرکتدن‌ صوک‌ درجه‌ متأثر اولمش‌دی . ایره‌ن‌ یالانلر و تاویل‌لرله‌ ایشی‌ قاب‌آتمق‌ ایسته‌مش‌دی . فقط‌ له‌ئون ، ایره‌نک‌ یالانجی‌ یینلرینه‌ اصلاً قانماش ، زوج‌ه‌سنگ‌ قارش‌ی‌ صوغوق‌ معامله‌ ایتمه‌ک‌ه‌ باشلامش‌دی . نهایت ، له‌ئونک‌ آنی‌ بر‌صورتده‌ وفاتی‌ ایره‌نی‌ سربست‌ براقش‌دی . بیزانس‌ تخننه‌ کچه‌جک‌ ای‌مپراطور آلتنجی‌ قسطنطین‌ هنوز اون‌ یاشنده‌ ایدی . ایره‌ن ، اوغلنک‌ وصیه‌سی‌ وعینی‌ زمانده‌ نائبه‌ سلطنت‌ اولدینی‌ ایچون‌ آرتق‌ بوتون‌ ای‌مپراطورلنی‌ یالکز باشنه‌ اداره‌ ایده‌جک‌دی ...



ایره‌ن ، ملاحظ‌ وجهیه‌ مالک ، عقیف‌ بر‌قادی‌ندی .

هنوز کنج بریاشده بیزانس سرایلرینک متفسخ محیطه آتیلدینی حالده عفتنی دائماً محافظه ایله مشدی . ایرهن دیندار ایدی . یکانه ارزوسی ، افکار و دماغی اوزرینه اجرای تأثیرایدن یکانه حرصی ، سلطنت و تحکم ایدی . بوتمایلات اونی دائماً زبون بر اقمشدی . ایرهن کنج و کوزلدی ؛ فقط حاکمیت آلتنده یاشاماق ، روحنی معنوی بر جاذبهیه اسیر ایتیمک ایچون هیچ کیمسه یی سومه مشدی . ایرهن اولاد صاحبی ایدی ؛ لکن حرص سلطنت اونده محبت مادرانه یی بیله محو ایتمشدی . ایرهن ، تصور ایتدیکی غایبه وصول ایچون هر شیئی مباح کورردی . کتم حقیقت ، ظلم ، اهانت اونک نظر ننده اک مشروع وسائطدن معدوددی . ایرهن بوتون قابلیت فکریه سنی ، بوتون غرور نفسانیسی یالکز بر نقطه یه توجیه ایتمشدی ؛ اوده سلطنت سورمکدی . حتی دیندار لغنی بیله بوتمایله آلت اتخاذا ایله مشدی . ایرهن ، کندی فکر نیجه ، اراده الهیه یی یرینه کتیرمک ایچون بر واسطه ایدی . دنیا ده ایفا ایده جکی بر وظیفه وارسه ، اوده دینی محافظه ایتک ، هیچ بر کیمسه یی اوکا تجاوز ایتدیرمه مک ایدی . بوسیدن ، منافع شخصییه ایله حب سلطنتی حسیات دینه ایله مزجه موفق اولمشدی . حقوقه و وظیفه سنه قطعی براعتاد حاصل ایتمش اولدینی

ایچون، تعقیب ایلدیکی مقضده کمال عزم ایله توجه ایلش، هیچ بر مانعه اهمیت ویرمه مشدی . ایره‌ن ، مغرور و حریص ، ظالم و حدید ایدی . طبعنده شدتلی بر عناد موجود اولدینی ایچون وصولنی ارزو ایتدیکی غایه یه کمال عزم ایله یورردی . خصوصیه دسیسه ترتیب ایتکده مهارت کامله صاحبی ایدی . طبعاً بو اوصاف و ماهیتی حائز اولدینی کبی، ظاهر آده زینت و احتشامه میالدی . مدبدب آلایلر ، محتمم بنالر، عظمت و سلطنت ، افکاری اوزرنده درین بر جاذبه تأثری اجرا ایدردی . چونکه ایره‌ن ، هر شیدن اول ، بر قادیندی .

ایره‌نده بویوک بر ذکا واردی . اکثریا بوتون معاملاتنده حیله کار بر قادین شیطنتی کویسترر ، بعضاً قادینلق ضعفنه مجلوب اولور ، بر شیئه موفق اولمادن اعلان مباهات ایدردی . ۷۹۷ ده اوغلنک سقوطنی تأمین ایدن ضربه حکومتی احضار ایلدیکی زمان ، تام نتیجه قطعیه حصوله کله جکی صره‌ده کندینی غائب ایتش، دهشتلی بر قورقویه کرفتار اولمش ، بوتون اترقیه لرینک عقیم قالدیغنه ذاهب اوله رق تذلل ایتک ، تصورندن واز کچمک ایسته مشدی . دها صوکره ، کندی علیهنده اتفاقلر عقد ایدیله رک سقوطنه چالیشلدینی ائشاده، ایره‌ن

هیچ سس چیقارمادن متوکلانه تسلیمیت کو سترمشدی. ایرهن، مغلوبیت حالنده زبون، مظفر اولدیغی زمان ظالم ایدی.

دردنجی له‌ئون وفات ایتدیکی زمان ایرهن بوتون نفوذ و اقتداره صاحب اولمش دیمکدی. فقط اطرافنده مدهش رقابتلر، ظالمانه احتراصلر حکمفرما اولوردی. سرایده، قوجاسنک قاردشلی کندیسنه دائمًا رقابت ایدیورلردی. بشنجی قسطنطین، وفاتندن اول، مشروع حکمدار علینه قیام ایتیه جکلرینه دائر بوتون چوجوقلرینه یمین ایتدیرمشدی. فقط دردنجی له‌ئون ایمپراطور اولور اولماز، هپسی ده یمنلرندن دونمشلردی. ایرهن، بو رقابتدن بک زیاده اندیشه‌ناک اولوردی. چونکه بوتون سرای رجالی تصاویر اعزه طرفدارلرندن مرکبدی. کلیساده بیله تصاویر اعزه طرفدارلری بولونیوردی. ایرهن، بو هیئتله، بو فکرده بولونان رجال حکومتله، بالطبع هیچ برایش یابامازدی. کذا اونلرده ایمپراطور پچه‌نک حسیاتنه اعتماد ایده میورلر، پایتختده یکی برارتجاع وقوعه کله جکندن قورقیورلردی. بو سیدن ایمپراطور پچه، دیندارانه حسیاتی قوه‌دن فعله کتیرمک، احتراصاتنک بوتون خولیلرینی عقیم بر اقامق ایچون، باشقه استنادلره، باشقه معاوتلره محتاج بولونیوردی.

ایشته ایره‌ن ، بوتون ذکا و مهارتی بو واسطه‌لری تدارک خصوصنده کوسترمشدی. ایره‌ن ، رقیلرینک بر قسمنی جبر و ظلم ایله قیرمش ، بر قسمنی حلم و سکونتله بر طرف ایتمشدی . بشنجی قسطنطینک اوغلرینی تحته اجلاس ایچون خفی بر جمعیت تشکیل ایدلمشدی . ایره‌ن بو فرصدن استفاده ایدرک قوجاسنک قاردشلرینی دائره اتقیاده دعوت ایتمش ، آیاصوفیه کلیساسنده اجرا ایدیلن ییل باشی مراسمنده کافه‌سنی حاضر بولونمایه اجبار ایله‌مشدی . دیگر طرفدن سرای رجانی‌ده برر برر دیکشدریمکه باشلامشدی. ایره‌ن ، بوتون مناصبی‌کندی آدملرینه ویریور ، قاردشنی ، یکننی ، سائر اقراباسنی برر مهم موقعه اصعاد ایدیوردی . اختیار قسطنطینک جنرال‌لرینی برر برر عزل ایدیور ، یرینه سرای خادم آغالرینی ، اک شایان امنیت کوردیکی کیمسه‌لری تعیین ایله‌یوردی. ایره‌ن حکومتک اک مهم موقعه‌بو کبی ذواتی تعیین ایتمش ، ایچلرندن استاورا کیوسی ناظر انتخاب ایله‌مشدی .

استاورا کیوس ، ایره‌نک اک زیاده اعتماد ایتدیکی بر ذات اولدینی ایچون آز زمانده سرایک اک صاحب نفوذرجالی میاننده داخل اولمشدی. عسکرک و دیپلوماسیده مهارت کامله صاحبی اولان بو ذات ، عربله شرائط

صلحیه بی مذاکره ایتمش ، اسلاولر عسیناتی یاتیشدیر -
 مشدی . ایرن ، یگانه استناد کاهنک نفوذ معنویسی
 آرتدیرمق ایچون (هیودروم) ده پارلاق برظفر آلابی
 ترتیب ایتدیرمشدی . استاورا کیوس ، ایمپراطوریمچه نك
 حمایه سنه استناد ایدرک بعض مناسبتنر حاللرده بولونمش ،
 فقط ایرنك نفوذیه برابر کندی نفوذینك ده تدنی
 ویاترقی ایتدیکنی کورمشدی .

ایرن ، سرای رجانی ارزوسنه کوره دیکشدردیکی کبی
 ایمپراطورلغک عمومی سیاستنی ده تبدیل ایله مشدی . بو
 صروده شرق محاربه لری بیتمشدی . ایرن ، شمدی غریبده
 پاپالغه یانا شمشق ایسته بور ، شارلمان ایله مقاوله عقدینی تصور
 ایدیوردی . خصوصیه دینی مسائله اهالی یه قارشى بویوک
 برمساحه ده بولونیوردی . ایرنك بو مساحه سی پك زیاده
 نظر دقتی جالبدی . آرتق دیندار کیمسه لر سربست سربست
 حسلرینی آکلاتیورلر ، سلامت ابدیه یه مظهر اولمق
 ایسته یئرلر گوشه ازوایه چکیلیورلر ، مناسترلر اسکی
 رونقلرینی اکتساب ایله یورلردی . قسطنطنیه یکیدن
 کشیشلرله طولمایه باشلامشدی . دیگر طرفدن ایرن ،
 دور سابقک دینه قارشى تجاوزلرینی ده برر برر تعمیر
 ایدیور ، دردنجی له ئونك آیا صوفیه دن قالدیردینی
 تاجی محتشم بر آلیله یرینه وضع ایله یوردی . او زمان

دیندار لر کروهی ، ایمپراطور یچه لرینک بو دینی مسامحه لرندن پرشوق و سرور ، ایره‌نک سلطنتی غیر مأمول بر معجزه کبی تحیل ایدیور لردی .

بو ائنده ایره‌ن ، ماهرانه بر دسیسه تعقیب ایدرک بطریق لکی ده نفوذی آلتنه آلمایه موفق اولمشدی . بطریق پول ، اعزّه تصاویرینه قارشی ایشله دیکی کناهر دن متأذی اوله رق گوشه عزالتی اختیاره قرار ویرمش ، اوزمان ایره‌ن منحل قالان بطریقک مقامنه معتمد لر دن برینی ، رهبان صنفی ایله هیچ مناسبتی بولونمایان سرای کاتبلر دن طارازیوسی تعیین ایله مشدی . طارازیوس غایت ماهر ، هر یوله کلیر برذات اولدینی ایچون ایره‌نک کندیسنه تحمیل ایتدیکی وظیفه بی شایان حیرت بر صورتده ایفا ایتمشدی . طارازیوس ، ایره‌نک آمالی تقویه ایچون اولابوتوجهی قبول ایتمه یوز کبی کورونمش ، ایمپراطور یچه‌نک اصراری اوزرینه قبول ایتمشدی . عینی زمانده خلقه ده بو تعینی مصیب کوسترمک ایچون کلیسانک اَلم بر حالده اولدینی ، شرق و غرب کلیساری بیننده کی اختلافک پک زیاده کسب شدت ایلدیکنی ، ۷۵۳ ده تصاویر اعزّه علینده عقد اولونان مجلس روحانینک کآن لم یکن حکمنده بولوندینی بیان ایتمش ، صوکر ا مناصب روحانیه‌نک کافه‌سنی بردن

احراز ایدرک پطریقک مقامنه صعود ایله مشدی .
ایرهن ، بو قیمتدار متفق ایله آرتق آلتدن آلته
حرکت ایده بیلردی . حتی مظفریته شمیدین اعتماد
کوستریله رک ایمبراتور لنگک بوتون پاپاسلری قسطنطینییه
دعوت ایدلمش ، بشنجی قسطنطینک خاطرهنه حرمت
ایدن برصنف رهبانک مخالفت جهتی التزام ایده جکلری
خاطره کتیرله مشدی . فقط مجلس - فاتح جوارنده -
سنت آپوٹر کلیسا سنده انعقاد ایدر ایتمز ، یاپیلان خطانک
فرقه واریلشدی . ایرهن ، اوغلی ایله برابر بوجلسده
حاضر بولوندیغی صروده دعالر اوقونمایه باشلامش ،
بو اثناده عسکر لرک مسلح بر حالده کلیسایه هجومی
ایشه باشقه بر رنک ویرمشدی . ایرهن ، قارغشهنی
تسکینه صوک درجه همت ایتمشدی . فقط بو همتدن
هیچ نتیجه حاصل اولمامشدی . تصاویر اعزه طرفداری
راهلره حقارتلر ایدلمش ، جمله سی کلیسادن چیقارلمش ،
اعزه تصاویریته دشمن اولانلر غالبیت آوازه لریله نشئه
وموفقیترینی ابرازدن کری طور مامشلردی .
ایرهن بوتشبنده پک عجله ایتمشدی . فقط صوکره ،
دها عاقلانه ، دهامدبرانه حرکت ایتکی دوشونمشدی .
واسیلیسا ایله برابر ناظری ، مقصدلرینه موفق اولمق ،
تصاویر اعزه ی احیا ایتک ایچون نه قدر حیله ودسیسه

وارسه جمله‌سنه مراجعت ایتمشلردی. اوزمان ، پایتخته بولونان عسکرلره دائماً رقابت کوزیله باقان آناتولی عسکری پاره ایله آلدن ایدلمشدی . عربلره قارشلی سفر اعلان ایدیلهرک خاصه عسکرلری سوق اولومش ، یرلرینه صداقتلرینه شبهه ایدیله‌ین عسکرلر کتیرلمشدی . صوکره، حدوده سوق اولونان عسکرلری زبون براققی ایچون ماللری مصادره اولومشدی . ایرن بوصورتله تشبثاتنک اساسلرینی تقویه ایتدکن صوکره ازنیقده بر مجلس روحانی عقد ایتدیرمش (۷۸۷) ، ۷۵۳ ده تصاویر اعززه علیهنده ویریلن مقرراتی فسخ ایتدیره‌رک تصاویر اعززه عبادتی تأسیسه موفق اولمشدی . صوکره، مجلسک قسطنطنیه‌ده (ماغاورا) سراینده وقوع بولان صوکره انعقادنده، ایرن اک زیاده سوذیکی اعتقاداتی تأسیسن متولد برسرورایله کلیسامقرراتی امضالامشدی . ایرن ، آرتق پک ممنوندی . کلیسای ده، احتراصات دینه‌سنی ده تماماً ممنون ایتمشدی . احتراصاته مانع هرنه موجود ایسه آیقلری آلتنده قیرمش ، تشبثاتندن ممنون ومظفر چیقمشدی . هرکس ایرنی مظفر بر واسیلیسا کبی سلاملا یور ، (حضرت یسوعک استنادی) صفتیه تجیله مسارعت کوستریوردی .

ایره‌ن تصاویر اعززه طرفدارلرینه قارشلی مظفر

اولدینی صروده ، احتراصاتنه یکی بر مانع ظهور ایتمه باشلا بوردی : آلتنجی قسطنطین آرتق بویومش ، اون یدیسنه کلمشدی . شمدی ، اجرای سلطنتی ارزو ایدن اوغلی ایله ، تحکمه صوکه درجه حریرص والدہسی بینده مجادله باشلا بوجقدی . فقط ایرهن ، حرصنی یرینه کتیرمک ، قلمندن ارزوی تحکمی چیقاراماق ایچون اوغلی ده فدا ایده بیلردی .

قسطنطین اون یدیسنه کلدیکی حالده ایرهن کندیسنه آلآن چوجوق معاملہسی ایدیوردی . سلطنتک ایلاک زمانلرنده اوغله شارلمانک قیزی آلمق ایسته مش ، فقط شارلمانک دامادینه ظہیر اوله رق سلطنته ضربه اورماسندن اندیشه ناک اولدینی ایچون بواز دو اجدن واز کچمشدی . صوکر اوغله باشقه برینی ، قسطنمونیده طوغمش ، ماری اسمنده برارمنی قیزی انتخاب ایتمش ، اوغلی زورله اولندیرمکه موفق اولمشدی . ایرهن اوغله بو درجه تحکم کوستردیکی کبی ، کندیسنی هیچ برایشه قاریشدر مامایده صوکه درجه اعتنا ایدر ، امپراطوری دوستدن ، نفوذدن محروم بر حالده سراینه قاپاردی . ناظری ستاورا کیوس ، ایستدیکی کبی ، مغرورانہ ، ابلہانہ اداره حکومت ایدردی . نہایت قسطنطین بو تحکمه مقاومت ایده مہ مش ، آنہسنہ قارشی عصیان ایتمشدی .

قسطنطینک بوتشبی خبر آلینیر آلیماز، ایره‌ن بوضربه‌نک طوغرودن طوغرویه‌کندی حاکمیتته قارشی اولدیغنی حس ایله‌مشدی . او تارینخدن اعتباراً حرص تحکم قلبنده کی شفقت مادرانه‌بی اولدیرمش، اوغلنی و متفقرینی بی رحمانه ضربه‌لر آلتنده ازمشدی . او درجه‌ده‌که ، متفقرینی محبساره ، منفالره کوندرمش ، اوغلنی عاصی بر چوجوق کبی قیرباج آلتنده اینله‌تمش ، صوکرآ ، مظفریتدن امین و مفتخر ، فالجیلرک و کاهنلرک تخت و سلطنت و عدلریله مطمئن اوله‌رق یاشامشدی . فقط عسکرلرینه یمین ایتدیرمه‌بی ده اونوتما یارق بوتون اردونک تحلیفی اجرا ایتدیرمشدی . تحلیف شو صورتله اولمشدی : « سن یاشادیغک مدتیجه ، اوغلکی اصلا ایمپراطور طانیما یا جغز ! »

ایره‌نک بو تشبئی عقیم قالمشدی . آناتولی عسکرلری ایمپراطور قسطنطین لهنده عصیان ایتمشلردی . ارمنستان قول اردوسنده ظهور ایدن عصیان دیگر اردولرده سرایت ایتمشدی . شمدی بوتون عسکرلر آلتنجی قسطنطینک محبسدن چیقاریلوب ایمپراطور اعلان ایدلمسنی ارزو ایدیورلردی . ایره‌ن ، قادیلق ضعیفه بو عصیاندن قورقش ، عسکرلرک ارزوسنه تابع اولمش ، اوغلنی عفوه ، سلطنتدن فراغته راضی اولمشدی .

اوزمان ایره نك بوتون دوستلری حقارت آلتنده ازیلمشردی .
 ناظر ستاورا کیوس ، صاچلری کسپله رك ارمنستانه نفی
 ایدلمش ، کنددی ده (نهله وته رییون) سراینه چکلمکه
 مجبور اولمش ، نفرت ایتدیکی آدملرك کنج امپراطورك
 اطرافنه طویلاندقلرینی کین وعداوتله سیرایتمکه باشلامشدی .
 قسطنطین ، آنه سندن دائمافلاکت کوردیکی حالده
 ایرنه قارشى هیچ برعداوت اظهار ایتمه مشدی . ایره نك
 سقوطندن بر سنه سوکرا ، امپراطور آنه سنك رجا
 و ابرامنه طایانامایه رق کندیسنه تکرار واسیلیسا نامنی
 ویرمش ، مقدس سرایه کتیرتمش ، کوزده سی ستاورا -
 کیوسی ده عفو ایتمشدی . فقط ایرنه ، بودفه قلبی حرص
 انتقام ایله پرغلیان اولدینی حالده ، رأس کاره کچمشدی .
 شمدی او ، کندیسنه اهانت ایدنلری ظالمانه اورمق ،
 اونلردن قانلی بر انتقام آلمق ، حریصانه امملرینه سد
 چکنلری برر برر تپه له مک ایسته یوردی . ایرنه ،
 آرتق امملرینه موفق اوله جغه مطمئن ، برآن اول
 ارزوسنه نائل اولمق ایچون اوغله حقارتلرایدرک عمومه
 قارشى نفوذینی قیرمایه باشلامش ، فقط بوتشبتك بردنبره
 حصوله کله میه جکنی آکلاینجه ، انتقامنی یرینه کتیرمک
 ایچون الكنازك حبله لر ترتیبی ایله مشغول اولمایى
 کوزه آلدیرمشدی .

بونك ایچون بویوك بر احتیاط و غیرته احتیاج مس
ایدیوردی . ایمپراطور قسطنطین، جسور ، عزم قوی
صاحبی ، مقتدر بر ایمپراطوردی . عمومک محبتنی جلب
ایله دیکی کبی کلیسانک ده حرمتنی اکتسابه موفق
اولمشدی .

واقعا ایمپراطورک سفاهتدن، ذوق و صفایه ابتلا سندن
بحث ایدیلوردی . فقط بو، صرف دشمنلرینک اسناد اتندن
عبارتدی . ایره‌ن، اوغلنی هر کسک کوزندن دوشورمک
ایچون ، اولاقسطنطینی مدافعه ایدرک تحته چیقما سنه
سبب اولان آناتولی قوماندانی ایله بوزوشدیرمق ایچون
اوغلنی قیشقیرتمغه، ثانیاً جنرالی حبس ایتدیرمکه ، حتی
کوزلرینی اویدورتمايه موفق اولمشدی . ایره‌ن بوصورتله
حرکت ایدرک سلطنته تجاوز ایدن برآمدن هم انتقام
آلمش ، هم ده قسطنطینک یکانه استنادکاهی اولان
ارمنستان اردوسنی علیه تشویق ایله مشدی . فی الحقیقه
اردو عصیان ایتمش ، بو عصیان باصدیرمق ایچون
واسیله وسک کیتمه سنه ، اردویه قارشنی ظلملر اجرا
ایتمه سنه لزوم حاصل اولمشدی . ایره‌ن بو کاموفق اولدقن
صوکرآ ، اوغلنی اهلینک کوزندن دوشورمک ایچون
عموجه لرینی علیه تشویق ایتمش ، صوکرآ اوغلنه نصیحت
ویره رک اک بویوکلرینک کوزینی اویدیرمش ، دردینک

دیلمنی کسدرتمش ، بوصورتله خلقی اوغلی قسطنطیندن نفرت ایتدیرمشدی . فقط ایرهن بونکلهده قناعت ایتمه مشدی . قسطنطین ، زوجه سنی هیچ سومز ، دائماً مترسارله یاشاردی . ایرهنک سرایه عودتندن سوکرا معیت قیزلرندن ته ئودورا اسمنده برقیزه دلداده اولمشدی . ایرهن اوغلی تشویق ایدرک زوجه سندن آیرتمش ، پاتخنده رذالت چیقارتمش ، اوغلنک نفوذینی بوسبوتون قیرمق ایچون بو قیزله ازدواجنه یاردیم ایتمشدی . ایرهنک بوبلانلری اجرا ایتدکن سوکرا امید ایتدیکی نتیجه تماماً حاصل اولمشدی . قسطنطینک ازدواجی بوتون رهبان هیئتتی آیاقلاندرمشدی . بو عصیانی بر طرفدن ایرهنده تشویق ایتدکن خالی قالمامشدی . قسطنطین کال سکونت واعتدال ایله عصیانی باصدیرمایه چالیشمش ، تراکت و حسن معامله ایله راهبیری تسکینه غیرت ایله مشدی . فقط تشبثلرندن هیچ بر ثمره حاصل اولمامشدی . اودرجه ده ، راهبیردن بری فوق العاده اصرار ایدرک : « بو اغورده ایجاب ایدرسه ، قائمزی دوکمه یه حاضرز ! » دییه باغیرمشدی . امپراطور بو اصراره قارشى تحمل ایدمه مش ، رهبان صنفی علیه نه جبر استعمالنه قالیشمش ، حبسلر ، نفیلر ، طایاقلر بربرینی ولی ایتمشدی . بوشدت ، احوالی دها وخیم

برد رجه‌یه کتیرمشدی. بوتون ره‌بان صنی ای‌مپراطورک
 علیه قیام ایله‌مشدی. راه‌بلر ای‌مپراطوری یوزینه قارشی
 تحقیر ای‌دیورلر، سراینه کلرک تجاوزه بولونیورلردی.
 ایره‌ن، مظفریتدن امین ومفتخر، قوردینی پلانلرک
 نتیجه‌سنی کمال سرور ایله‌تماشا ای‌دیور، فقط فرصدن
 استفاده ایتمکدن ده خالی قالماوردی.

ای‌مپراطور راه‌بلری یاتیشدیرمق ایچون بروسه‌یه،
 کشیش طاغی مناسترینه کیتدیکی صره‌ده، ایره‌ن ده پلانلرینی
 حاضرلامقدن کیری طورمامشدی. ای‌مپراطور یچه
 ته‌ئودورا حاملدی. حملنی وضع ایتمک ایچون مقدس
 سرایه کلشدی. قسطنطین، چوجنک طوغدینغی خیر
 آیر آلاماز قسطنطنیه‌یه دوغمش، آرتق ایره‌ن مانوره‌لرنده
 کاملاً سربست قالمشدی. ایره‌ن، هدیه‌لری، وعدلری،
 حسنی، شخصی جاذبه‌لری واغفال‌لریله خاصه ضابطاننک
 اک ایلری کنلرینی الده ایتمشدی. ایره‌نک مقصدی قانلی
 برضربه حکومت یایمق، کن‌دینسک یالکز باشه سلطنت
 سورمه‌سنی تأمین ایله‌مکدی.

فقط یالکز مهم برنقطه واردی؛ اوده ای‌مپراطورک
 نفوذ عسکرینسی قیرمقدی، ایره‌ن اوسنه قسطنطینک
 عربله قارشی سفر اجرا ایتمسندن استفاده ایله‌مش،
 سفرده موفقیتمزلک تولیدی ایچون الدن کلن دسائسه

مراجعت ایتشدی . ایمپراطور ، مغلوب و منهزم ، هیودوروم دن کچدیکی صرهده ، بوتون عسکر اطرافنی احاطه ایتک ایسته‌مشدی . قسطنطین ، باشنه کله‌جک فلاکتی ادراک ایتدیکی ایچون درحال بر قایغه بینه‌رک آناطولی ساحلنه فرار ایتشدی . ایرن ، بوتشبنک عقیم قالدیغنی کورونجه چیلدیراجق کبی اولمشدی . او زمان قادیلق ضعیفی بوتون اعصابنه استیلا ایتمش ، اوغلنه یالواریق ، کندیسنی عفوایتدیرمک ایسته‌مشدی . فقط حرص سلطنت قلبنده انطفا ناپذیر بر آتش حصوله کتیردیکی ایچون تأمین منفعت اوغوزنده صوک غیرتی‌ده صرف ایتک ارزوسنده ایدی . ذاتاً سرایده بر چوق کثیر کندیسنه طرفداردی . ایرن ، بونلرک کندیسيله متفق اولدولرینی ایمپراطوره بیلدیره‌جکنی سویله‌مش ، اوزمان ایره‌نک حریص متفقلری ایمپراطورلرینی یا قالا یه‌رق مقدس سرایه ، طوغدینی او طه‌یه قاپاتمشلر ، ایره‌نک امریله کوزلرینی اویدورمشلردی . صوکرکرا زوجہ‌سی ته‌ئودورای‌ده‌یاننه صالحیورمشلردی . قسطنطین ، سرایک بو محتمم و مزین او طه‌سندہ زوجہ‌سنی و اولادلرینی کورمکدن محروم ، آنه‌سنک احتراصاتنه قریبان اوله‌رق سنه‌لرجه علیل و مظلم بر حیات امراز ایتشدی . ایمپراطورک بوفلاکتی ایچون هیچ کیمسه بر داملا کوز یاشی

دوکه‌مشدی . متعصبلر بو فلاکتی الهی بر مجازات
 تلقی ایتشلر ، واسیلیسا ایره‌نی دینی همتندن طولایی
 تجیل و تکریم ایله‌مشردی . یالکز بریزانس مؤرخ،
 ته‌ئوفانوس ، بو مجازاتک شدتی قلباً حس ایدرک‌شوصورتله
 تصویر ایله‌مشدی : « کونش تمام اون‌یدی کون ظلمت
 ایچنده قالارق هیچ بر ضیا نسر ایتمه‌مشدی . او
 درجه‌ده‌که ، کیلر روی دریا‌ده نره‌یه کیده‌جکلرنی
 شاشیرمشردی . هرکس کونشک ابدال ضیا ایتمه‌سنی
 ایمپراطورک کوزلرینه میل‌چکیلمه‌سنه عطف ایدیوردی .
 ایشته ، ایمپراطورک آنه‌سی ایره‌ن بو صورتله تخنه
 جالس اولمشدی . »



ارتق ایره‌ن مرادینه نائل اولمشدی . شیمدی
 یالکز باشنه سلطنت سوریور ، ایسته‌دیکنی اجراه
 سربست بولونیوردی . فقط بو سفرده مظفریتدن
 وحا‌کیتدن سرمست اولمش ، ییزانس تاریخنده مثلی
 سبق ایتهدک احواله جرأت ایله‌مشدی . ایره‌ن کندیسنه
 (ایمپراطور) نامنی ویردیرمشدی . صوگرا ، درت
 بیاض آت قوشولو بر آرابا ایله (سنت آبوطر)
 کلیساسندن سراینه کلش ، مجوهرلر و صیرم‌آلره مزین

الْبَسْمِيْلَه خَلْقَه اَلْتَوْنَلر صَاچَارِق كَنْدِيْسَنِك اَرْتَق ذَرُوْء
اِقْبَال وِعْظَمْتَه صَعُوْد اِيْلَه دِيكْنِي كُوْسْتَرْمَشْدِي . عِيْنِي
زَمَانَدَه حَاكِمِيْتِنِي تَقْوِيَه دِنْدَه خَالِي قَالْمَاْمَش ، قُوْجَاْسَنِك
قَارْدِشَلَرْنَدَه اَوْفَاقْ بَر عِلَامَت عِصْيَان حَس اِيْدَر اِيْمْز
جَمْلَه سَنِي دِهَا اَوْزَاقْلَرَه ، اَنْتَه يَه نَفِي اِيْتَمَشْدِي . كَذَا
كَلِيْسَايِي صَوْكْ دَرَجَه حَمَايَه اِيْتَمَش ، كَشِيْش طَاغْنَدَه كِي
(صَاقْقُوْدِيْيُوْن) مَنَاسْتَرِي اِيْلَه پَايْتَخْتَدَه كِي (سَطُوْدِيْيُوْن)
مَنَاسْتَرِي اِيْرَهَن زَمَانْدَه اِكْ پَارِلَاقْ بَر دَوْرِيَه وَاَصْل
اَوْلَمَشْدِي . اِيْرَهَن بُوْنَكْلَه دَه اَكْتَفَا اِيْمَه يُوْرْدِي : وِيْرِكَلَرِي
اَزَالْتِيُوْر ، لَهْجَه يِي اَصْلَاح اِيْدِيْيُوْر ، كَمْرِكْ رَسْمَلَرِي
تَنْزِيْل اِيْلَه يُوْرْدِي . قَسْطَنْطِيْنِيَه اِهَالِيْسِي ، بُو اَجْرَا اَتْدَن
مَنْوْن وِمَسْرُوْر ، اِيْمْپَرَاطُوْرِيْچَه يِي كَال صَمِيْمِيْتَلَه
اَلْقِيْشَلَا يُوْرْدِي .

فَقَط اِخْتِيَار اِيْمْپَرَاطُوْرِيْچَه نَك اَطْرَافْنَدَه يِنَه اَلْتَدَن
اَلْتَه عِصْيَانَلر وِحِيْلَه لَر حَاضِر لَانْمَايَه بَاشَلَا مَشْدِي . اِيْرَهَن
وَفَات اِيْدَه جَك اَوْلُوْر سَه تَحْت سَلْطَنَت مَنَحْل قَالَا جَقْدِي .
قَسْطَنْطِيْنِك اِيْلَك اَز دَوَا جَدْن اِيْكِي قِيْزِي وَاْرْدِي ؛
اِيْكَنْجِي اَز دَوَا جَدْن اَوْلَانَلر اِيْسَه وِلْد غَيْر مَشْرُوْع
تَلْق اِيْدِيْلِيُوْرْدِي . بُو سِيْدَن ، حَكُوْمَتِي اِدَارَه اِيْدَهَن
اِيْكِي نَاطِر ، سَتَاوْرَا كِيْيُوْس اِيْلَه اَنْتَه تِيْيُوْس ، بِيْزَانْس
تَحْتَه كَنْدِي اَقْرَبَاسِنِي كْچِيْرْمَك اِيْسْتَه يُوْرلَرْدِي . اِيْرَهَن كْ

خسته و اختیار بولونمسی بو املی بر درجه یه قدر تقویه
ایدیوردی . فقط ایرەن ، قانله ، جانیتله آله ایتدیکی
تخت اقبالی صوکه راده یه قدر محافظه ده ثبات ایله یوردی .
سرای بو تخت و سلطنت احتراصلریله آلت اوست
اولیوردی . ستاورا کیوس ، آئه تیوسی محو ایتمک
ایچون اسرارینی افشا ایدیور، عینی سلاخی آئه تیوس ده
رقینه قارشلی استعمال ایله یوردی . او زمان ایرەن ،
بو ایکی حریص ناظر آراسنده متردد، ضعیف و ناتوان
ألریله تخت حاکیمته صاریلش ، نه یاپاجغنی بیلمه یوردی .
ایرەن ، بو صیراده شارلمان ایله مذاکره ایده رک ایکی
ایمپراطورلنی برلشدیرمک عزمنه دو شمش ، فقط او
اثناده ستاورا کیوسک و فاتی آئه تیوسک تزید نفوذ
ایتمه سنه ، ایره نک بوتون تشبثلرینک عقیم قالماسنه سبب
اولمشدی . بو آراق ناظر لردن نیکه فوروس ده خلقک
خشنودسزلغندن استفاده ایده رک تصاویر اعزله دشمنلریله
برلشمش ، اختیار ایرندن انتقام آلمق ایچون قوتلی بر
فرقه تشکیل ایله مشدی .

قسطنطینه ده بو عصیانلر حاضر لاندینی هنکامده ،
ایرەن صیفیه سنده بولونیوردی . قیام ایدنلر آراسنده
اعزله تصاویرینه دشمن ضابطلر، ندیمار، ملکی مأمورلرده
واردی . بوتون بو قافله ، کیجه ساعت او نه طوغرو

مقدس سرایک قایلرینه طایا بمشله ؛ جبر ایله ، تهدید ایله نیکه فوروسک ایمپراطور لغنی اعلان ایتدیرمشلهردی . سوکرا اختیار ایره فی صیفیه سنده یا قالا یارق قسطنطینیه یه ، مقدس سرایه کتیرمشله ، او صباح آیاصوفیه کلیسا سنده یکی ایمپراطورک تنوج مراسمنی اجرا ایتدیرمشلهردی . فقط بو حرکتلیله ایره نیکه نفوذینی قیرمایه موفق اولامامشلهردی . هرکس یکی ایمپراطوری تلین ایتمش ، کچن دوری کمال تحسره یاد ایتمهک باشلامشدی . بیزانس خلقی بو غیر مأمول تبدله بر درلو اینامامشدی . هان هرکس بو مدهش تحولاتی بر رؤیا ، بر خیال کاذب عد ایتمشدی .

ایره ن ، بو سفرده بویوک برضعف ، فقط دینی بر ضعف کوسترمشدی . رسم تنوجک ایرتسی صباحی نیکه فوروسک یالاندن کوزلری یاشارمش بر حالده قارشیسنه چیقیدینی ، حرکتدن کندینی معذور کوسترمه یه چابالادینی زمان ، ایره ن هیچ شکایت واعتراض ایتمه دن مقدرات الهیه یه راضی اولمش ، نیکه فوروسک تقدیر الهی ایله انتخاب اولوندیفنه اعتقاد ایده رک تختنی ، سلطنتنی ، حرصنی ، حاکمیتنی ترک ایله مشدی . حتی نیکه فوروسک طلبی اوزرینه ثروت و خزائنیه ده تسلیم ایتمش ، یالکنز کندیسنک صیفیه سنده ، (نه له و نه ریون)

دیندار ته ئودورا

بیزانس ایمپراطوری ایکنجی میخائل وفات ایتدیکی زمان (۸۹۲)، زوجہسی آفروزینی اوغلی ته ئوفیلوسه وصایت ایتک مجبوریتندہ بولونمشدی . آفروزینی، غایت دیندار ایدی . بویوک آنہسی ایرہنک امریلہ باباسنک کوزلری اویولمش ، کندیسى ایرہن دورینی املا ایدن فاجعہ لردن تنفر ایدرک عالم انزوای ترجیح ایلہمشدی . آفروزینی، بویوک آطہ مناسترلرندن برینہ چکلمش، حیاتی دیندارانہ بر سکون ایچندہ کچیرمکہ باشلامشدی . فقط بو ائنادہ ایکنجی میخائلک کندیسنه دلدادہ اولماسی ، دلبر آفروزینینک مناستر کوشہ لرینی تخت سالونلرینہ تحویل ایتہسنہ مجبوریت حاصل ایلہمشدی . آفروزینی بو محتشم حیاتی پک آز بر زمان یاشامش ، قوجہ سنک وفاتی اوزرینہ تکرار کوشہ عزلتہ چکیلمشدی .

آفروزینی، مقصدیخ تأمین ایچون کنج ایمپراطوری ، اوکی اوغلی اولندیرمک آرزو ایتمشدی . ایمپراطوری اولندیرمک ایچون هر طرفدہ بویوک بر فعالیت حکم فرما اولغہ باشلامشدی . بیزانس سراینک عصرلردن بری

دوام ایدن عادت لرینہ تبعاً، هر طرفه، بوتون ولايتلره مأمورلر
 کوندرلش، ایمپراطورلنگک اک دلبر، اک حسنا قیزلرینک
 پاخته کتیرلشی امر ایدلمشدی. بوقیزلر کاملاً قسطنطنیه یه
 کتیریله جک، کنج ایمپراطور ایچلرندن برینی زوجه لکه
 انتخاب ایده جکدی. فی الحقیقه ایمپراطورلرده کی اک کوزل
 قیزلر کتیرلش، ایمپراطور بونلری بویوک برهيجان ایله
 تماشایتمک باشلامشدی. نهایت ایچلرندن قازیا اسمنده
 برقادین نظر دقتنی جلب ایله مشدی. ته ٹوفیل، کنج
 قادینک یانسه کلش، هیجانندن نه سويلیه جکنی
 شمشیر، اک صوکنده بر سوز اولق ایچون: « بزه
 بوتون فالقلر قادین یوزندن کلیر! » دیمش، قازیا
 صوکندرجه حاضر جواب اولدینی جهته: « اوت،
 فقط بوتون اییلکلرده قادین یوزندن اولور! » طرزنده
 مقابله ایتمشدی. ایمپراطور، کنج قادینک جوابندن
 متأثر اوله رق انتخابدن صرف نظر ایتش، ته ٹودورا
 اسمنده کنج و کوزل بر قیزی انتخاب ایله مشدی.
 ایمپراطورک بو انتخابی قازیا یی پک متأثر ایتمشدی. قازیا،
 مناستر کوشه لرینه چکیلهرک حیاتی دینی شعرلر انشادیه
 یکیرمش، رقیبه سی ته ٹودورانک ده (دافنه) سراینده،
 (سنت آتیه ن) کلیساسنده رسم توجی اجرا ایدلش،
 آلایلر یایلمش، ایمپراطور ییچنک ایکی قاردشی،

پرتوتس ایله برداسه رتبه‌ر ویرنش، اکلنجهر
ترتیب ایتمشدی .



یکی واسینیس، ته‌ئودورا، آخوئیده، (پفلاغونیا) ده
خوغمشدی . شاهسی نیت دیندار ایدی . او دورده
اعزیه تصاویرینه عبادت پک زیاده انتشار ایتشدی .
ته‌ئودورانک اقبایسی تصاویره حرمت و رعایتده پک
زیاده ایلری کیدنلردن ایدی . ته‌ئودورا بویله بر محط
ایچنده یاشادیغی جهته، تصاویره صوگ درجه
ایدردی . ته‌ئودورا ایله زوجی ییتنده یکانه اختلافی ،
ایشته بوتقطه تولید ایله مشدی . فی‌الحقیقه ییزانسه
تصاویر اعزیه مجادلهری اپی زماندن ، یکریمی سهدن بری
باشلامشدی . حتی بومسئله سیاسی برشکل آلمش، کلیسا
ایشلرینه مداخله حقنی طلب ایدن حکومتله ، حریتته
حکومتی مداخله ایتدیرمک ایسته‌مه‌ین کلیسا ییتنده دهشتلی
براختلاف قابوسی آچمشدی . میخائل ، تصاویر اعزیه
طرفداری خصملری بیلاترحم محو ایتمشدی . یکی
ایمپراطور ، ته‌ئوفیلوس ، نهایت ذکی، عزم قوی صاحبی
برذات اولدیغی جهته اوده باباسنک اثرینه اقتفایله مشدی .
بوسبیدن ته‌ئودورانک ، طرفدارلرینی التزام خصوصنده کی

غیر تارندن هیچ برئمرہ حاصل اولماشدی . تہ ٹوفیلوس
 پک سرت ایدی . بر کرہ کوزلرینی قاپایوب ده باغیرمایه
 باشلادیمی ، ایمپراطوریچہ قطعاً اصرار ایدہ مز ، حتی
 کندی بیله ایمپراطوره قارشی حسیات دینہ سنی صاقلامایه
 مجبور اولوردی . اکثریا ، اوزرنده طاشیدینی اعزہ
 رسملرینی کمال دقتله صاقلار ، صندوقلرده حفظ ایدر ،
 بو یوزدن ایمپراطورله طاریلدقلری ده واقع اولوردی .
 بر کون ایمپراطورک مسخرہ لرندن بر جوجه ، ایمپراطوریچہ
 اعزہ یه عبادت ایتدیکی صرہ ده آنسزین اوزرینہ کلیر .
 جوجه ، طبعاً غایت مراقلی اولدینی ایچون ایمپراطوریچہ یه
 بورسملرہ نیچون بویله دقتله باقدیغنی سؤال ایدر .
 تہ ٹودورا ایشی بلای ایتہ مک ایچون : « بونلر ہم بیکلرم .
 چوق کوزل شیلرده اونک ایچون پک زیاده سویورم ! »
 دیر . جوجه دقیقه فوت ایتمز ، وقعہ یی درحال ایمپراطوره
 آکلایر ، ایمپراطوریچہ نک یاصدیغنی آلتسده بیکلر
 بولوندیغنی سویلر . تہ ٹوفیل ایشی آکلار . امرلرینہ
 سراینده بیله اطاعت ایدلمدیکنہ فوق العاده جانی صیقیلیر .
 درحال حرمة کیدر . زوجه سیله شدتلی بر غوغا ایتمکہ
 باشلار . فقط تہ ٹودورا قادیغنی اثبات ایدر ، بو
 ایشدن ده صیریلغہ موفق اولور : « امین اولکنز ،
 بونلر قطعاً خاطریکزه کلن شیلر دکل . یانمده کی

قیزلرله برابر آینه‌یه باقیوردم . یوزلری آینه‌یه عکس ایتمشدی . جوجه او طیه کیردی . بونلری رسم ظن ایتمش ، کلش ، سزه یتشدرمش ! ، دیر . ته ئوفیلوس براز سکونت بولور ، ایشی آکلمازلغه کلیر ، حادثه ده بو صورتله بر طرف اولور . مع مافیله ته بودورا بر کون جوجه‌نی یا قالار ، تمیز بر قیرباچ آتار ، بر دها حرمه ایاق باصامسنی تنیه ایدرک حرصنی تسکینه موفق اولور . بو وقعه اوزرینه ته ئوفیلوسک جانی صیقیلمش ، بوندن بویله قیزلرینک مناسیره کوندرلمسنی تنیه ایله مشدی . ایمپراطورک شو صورتله حرکت ایتمه سندن هیچ بر تأثیر حاصل اولمایه جنی طبیعی ایدی . چونکه اطرافنده کیلر ، ناظرلر ، مشاورلر ، هپ اعزه تصاویرینه عبادت ایدیورلر ، بو حسلرینی صوک درجه کیزلی طوتیورلردی . بونی ایمپراطورده آکلما مشدی . حتی اولوم دوشکنده یاتارکن ، زوجه‌سنی وسرای ناظرینی چاغیرمش ، تعقیب ایتدیکی سیاستی وفاتندن صوکراد کیشدیریمه جکلرینه دائر کندیلرینه پارلاق بریمین ایتدیرمشدی .



ته ئوفیلوسک خلقی اوچنجی میخانله ، هنوز درت یاشنده برصی ایدی . بوسیدن ته ئودوراده ، ایرهن کبی ،

اوغلنه وصایت ایتمش ، اسکی دورک بوتون رجالتی ،
بالخاصه سرای ناظری ته ئوقیتسطوسی مقامنده ابقا
ایله مشدی .

ته ئودوراء، تصاویر اعززه طرفداری اولدینی کبی، ناظری ده
عین حسیاته مالکدی . بوسیدن ایکسی ده اورتودوقسلنی ،
تصاویر اعززه عبادتی احیایه تشبث ایتشلردی .
ته ئودورانک زوجنه صوکه درجه محبتی واردی . خاطرهنه
پک زیاده حرمت ایدر ، وصیتلرینی دائما یرینه کتیرمک
ارزو ایلردی . تصاویر اعززه عبادتی احیا تصورنده
بولوندینی حالده تردد ینه کندینی قورتاراماشدی .
فقط ناظرلری احوالک مهالکنی آکلاتمشلر ، رأیلرینه
اشترک ایتدیکی تقدیرده داخلی براختلال چیقاییله جکنی ،
بو اختلال نتیجه سنده اوغلنک تحت اقبالی پریشان
اولاجغنی سویله مشلردی . ته ئودورابوفلاکت قارشینده
هرشینی اونوتمش ، اعززه تصویرلرینه عبادتی احیایه
قرار ویرمشدی . بوقراری متعاقب اتخاذاولونان تدبیرلر
شایان عبرت ایدی : اعززه تصاویرینه عبادت یوزندن
حبس اولانلره مظلوم نظریله باقیلیور ، منفیلر کرییه
چاغریلیور ، کایسالدده آیینلر اجرا اولونیوردی .
ایمپراطوریچه بوتون کیجه (ولا کرنا) کلیساسنده عبادت
ایتمش ، ایرتسی صباح پسقپوسلر وکشیشلردن مرکب

محتشم بر آلابه آیاصوفیه کلیسا سانه گلشدی . او آقشام (مقدس سرای) ده راهبره مکلف بر ضیافت کشیده ایدلمشدی . بوتاریخدن اعتباراً کلیسا منازعه لری اورتادن قالمش ، کلیسانک استقلاللی فکر لری زائل اولمش ، کلیسا حکومت مطیع ، ایمپراطورک نفوذ روحانی سینه تابع بر حالده قالمشدی .

بیزانس سراینده اعزه تصاویرینه حرمت باقی اولدیغی کبی بوتون ایمپراطورلقده ده عین تمایل موجوددی . آفروزینی ، مناسترکوشه لرنده ته ئودورا کبی عین حسیاتی پرورده ایتمکده ایدی . حتی کندیسنی زیارت ایتمک ایچون ایمپراطورک قیزلری کوندرلدیکی زمان آفروزنی اونلره دائم مقدس تصویرلردن بحث ایدردی . ایمپراطور اکثریا بونلری صیقیشدیرر ، آغزلردن سوز آلمق ایستردی . نهایت برکون موفق اولمش ، ایچلرندن اک کوچوکی مناسترلرده کندیلرینه جیجی هدیه لر ویرلدیکی ، یمشردیرلدیکی ، حتی آنه سنک ایچی بیکرله طولو بویوک برچکمجه سی بولوندیغنی ، اکثریا همشیره لریه برابر بو بیکلری اوپدیکنی ، آنلره ده اوپدیردیکنی حکایه ایتمشدی .

ته ئودورا ، کلیسا اوزرنده بوضورتله نفوذ قازاندقن صوکر قوجه سنک ده کناهلرینی عفو ایتدیرمه یی

دوشونمىشدى . فقط بطريق مه طودىيوس ، كايسانك
 آنجق بر حيات كيمسه لرى عفو ايده بيله جكنى ، كناه
 ايچنده وفات ايدن لرى عفو ايتمك حقى حازر اولديغنى
 بيان ايدنجه ، ته ئودورا بريالان اويدورمش ، امپراطورك
 صوك دملرنده استغفار ايتديكنى سويله مش ، بوصورته
 قوجه سنى ده عفو ايتدirmek موفق اولمشدى . ته ئودورا ،
 حقيقى بر اورتودوقس ايدى . عزم و متاتى ، تدابير
 سياسيه سيله شهرت بولمشدى . حتى بولغارلرك براستيلاسى
 هنگامنده بولغار قرالنه خبر كوندره رك : « برقادينه غلبه
 ايدرسهك بو غلبه نك هيچ برقيمتى اولماز . فقط شايد
 مغلوب اولورسهك ، اوزمان عالمه رذيل اولورسك ! »
 ديمشدى . ته ئودورا اون درت سنه مدت حكومتى
 حسن صورته اداره ايتمشدى . دىنى منازعه لر اورتادن
 قالقمش ، حزر لرله بولغارلره اينجىلى تعميم ايله مش ،
 عربلره قارشى سوركلى موفقيتلر استحصال ايتمشدى .
 ته ئودورا ، غايت مقتصد ايدى . حكومتك احوال
 اقتصاديه سنى حمايه ايلديكى كى بالذات تجارتلده
 مشغول اولوردى .



ته ئودورانك زماننده حكومتك اك صاحب نفوذ
 آدمى ، سراى ناظرى ته ئوقتيستوس ايدى . ته ئودورا

ارزولرینی یرینه کتیرمک ایچون بوذاتی آلدہ ایتمش ، قیزلرندن برینی کندیسنه ترویج ارزوسنده بیله بولونمشدی . ته ثوقیتسطوس بوفرصدن بالاستفاده رقیلرینی برطرف ایتمکی تصور ایله مشدی . ایمبراتور میچلر ک قاردش لرندن په تروناس ایله بارداسی سرایدن اوزاقلاشدیرمق ایسته مش ، فقط کنج ایمبراتوردن ، اوچنچی میخا شیلدن کوره جکی معاملہ بی بر درلو دوشونہ مه مشدی . بوہنکامده ، ایمبراتور میخائل بویومکہ باشلامشدی . ته ئودورا ایله ناظری ، کنج ایمبراتورک تحصیلنه صوگ درجه اعتنا ایتدکلری حالده هیچ بر نتیجه آلدہ ایتمکہ موفق اولاماشلردی . ایمبراتورک اک زیاده مراق ایتدیکی شی ، آوه کیتمک ، آتہ بینمک ، یاریش یایمق ، تیاتر ولرده و کورشلرده بولونمقدی . حیات خصوصیه سی ایسه بوسبوتون ملوندی . بوتون کیجه لری سفاهت عالم لرنده کچیر ، عیش و عشرتله مشغول اولوردی . ته ئودورا ایله ناظری ، ایمبراتورک بو حالنه واقف اولدقلری ایچون کندیسنی اولندیرمک ایسته مشلر ، اودوقسیا اسمنده بر قیز آلمشلردی . فقط ایمبراتور بر هفته ایچنده زوجه سندن اوصامش ، اسکی دلیل کلرینه تکرار دوامه باشلامشدی . میخائل ، سرایده غایت سفیہانه بر حیات امرار ایدیوردی . یکانہ اکلنجه سی دوستلرینی پسقبوس

قیافته سوقق ، کره و منافی آداب السیله او قویاروق
سوقاق سوقاق طولاشمق ، حضرت عیسانک تقلیدینی
یا بمقدی . بعضاً سالونه بطریق قیافتده آدملا و طور تور ،
آنه سی ته ئودورانی قاندروب سالونه کوندریر ، بطریق
ألپسه سی آلتدن سرای مسخره لرندن بری اورتابه
چیقنجه قهقهه سندن بایلیردی .

ایمپراطور یجه نک قاردشی بارداس ، یکتک بو
ضعفلرنی بیلدیکی جهته ، کندینی عفو ایتدیرمه موقق
اولور اولماز ، کنج ایمپراطورک حالت فکریه سندن
استفاده ایتمش ، آنی دائماً خصمی ته ئوقیتسطوس علیه
تشویق ایله مشدی . نهایت ته ئوقیتسطوسک سرایدن
تبعیدینه قرار ویرلمشدی . برکون ناظر ، ته ئودورانک
یانه چیقارکن سرایده توقیف ایدلش ، ته ئودورا
وقعدن خبردار اولور اولماز ، صاچلری پریشان
سالوندن طیشاری اوغرامش ، ایمپراطور یجه نک بو حالی
ناظرک بوسبوتون فلاکتنه سبب اولمشدی . آرتق
سرای خلقی ته ئوقیتسطوسی صاغ براققلری تقدیرده
ایمپراطور یجه نک اونی تکرار مقامنه اصعاد ایده جکنه
قائل اولمشلر ، ناظرک وجودینی بسبتون اورتادن
قالدیرمایه قرار ویرمشلردی .

ته ئوقیتسطوسک صوک دفعه اوله رق بیدیکی قیلیج

ضربه‌سی، ته‌ئودورانك نفوذ و موجودیتنه قارشی قطعی
 و اَلیم برضربه یرینه قائم اولمشدی. ته‌ئودورا بوضربه‌نك
 آجینسی تماماً حس ایتمشدی. اوکون بارداسك قانلی
 جسدی سرای قوریدورلرنده یاتارکن، کورولتولر
 ایمپاطوریچه‌نك اوطه‌سنه قدر چیقمايه باشلامشدی.
 ته‌ئودورا بو قانلی وقعه‌دن صوڪ درجه دلکیر اولمش،
 قاتلرله لغت‌لرونفرتلر یاغدی‌ریش، بوحرکتی ایله قاردشی
 بارداسك عداوتی جلب ایله‌مشدی. آرتق ته‌ئودوراده
 یالکز بر اقلمش، قیزلی بر بررمناسترلره قاپادلمشدی.
 نهایت صره‌کندیسنه گلش، ته‌ئودورا بیهوده مقاومترله
 حکومتی ضعفه دوشورمك ارزو ایتدیکندن سلطنتی
 انناسنده تصرف ایتدیکی پاره‌لی سناتویه تسلیم ایدرک
 (غاسترییا) مناسترنده گوشه‌کزین عزلت اولمشدی.

ته‌ئودوراء مناسترده قیزلریله برابر دیندارانه برحیات
 امرار ایتمشدی. قاردشنه قارشی قلبنده برکین
 بسله‌دیکی جهتله بارداسی اولدی‌رتمك ایچون سرای ارکانی
 ایله اتفاق ایتش، فقط بوتشبتنده موفق اوله‌مامشدی.
 اوزمان ته‌ئودورانك بوتون اموالی مصادره ایدلش،
 دیندارته‌ئودوراء مناسترک مظلّم اوطه‌لرنده، کین واحتراس
 ایچنده ترك حیات ایله‌مشدی ...



ته ئوفانو

بیزانس ایمپراطوریمچهلری آراسنده ته ئوفانوده ته ئودورا درجه سنده شهرت قازانمشدی . ته ئوفانو ، فوق الطیعه کوزلکی ایله اوچ ایمپراطورک قلبنی تسخیر ایتمش ، یاشادینی فحش آلود حیات ایله ته ئودورایه جدأ رقابت ایله مشدی .

ته ئوفانو ، یدنجی قسطنطینک اوغلی ، کنج رومنه ازدواج ایتمشدی (۹۵۶) . غایت اسکی واصل بر قاملیایه منسوب اولدینی جهتله ایمپراطور ایله زوجه سی اوغللرینه بویله مستنی بر قادین بولدقلى ایچون پک زیاده ممنون اولمشلردی . فقط بیزانس مؤرخلرینک روایتته کوره ته ئوفانو بر میخانه جی قیزی ایدی . اصل اسمی آناستازو اولدینی حالدله ازدواجندن صوکرادها طنان بر اسمله ، ته ئوفانو تسمیه ایدلمشدی . ته ئوفانو خارق العاده جاذبه دار ، پارلاق بر حسنه مالکدی . ظرافت اندامی ، طور و اداسیله بوتون قادینلره فائقدی . ته ئوفانو بو مستنی کوزلکی ایله رومه نی تسخیر ایله مشدی . اساساً رومه نده غایت یاقیشقلى ، ایری یاری ،

کنیش اوموزلی ، سویملی سپایه مالک بر کنجدی . سوزلرنده بر جاذبه ، بر ظرافت حس اولتوردی . آوم واسپوره صوکه درجه مراقلی ایدی . آرقاداشلرینک فنا سوزلریله عامل اولدینی ایچون باباسنک غیرت وفدا کاریسنی دایما عقیم براقیردی . باباسی غایت دیندار ، مراسمه صوکه درجه رعایتکار ایدی . اکثریا اوغلنه نصیحت ویردیکی زمان : « ایشته بو سوزلریله رعایت ایدرسهک روما ایمپراطورلغنی حسن صورتله اداره ایدرسک ! » دیردی . حتی اوغلنک تحصیل و تربیه‌سنی اکمال ایچون (ایمپراطورلغک اداره‌سی) نامیله برده اثر وجوده کتیرمشدی .

او صیراده رومنه هنوز اون سکز یاشنده بولوندینی ایچون باباسنک وصایاسنه هیچ اهمیت ویرمه‌مشدی .

رومنه ، ته‌ثوفانوایله اولندکدن صوکره بر اوغلی ، ایکنجی واسیل ، دنیایه کلشدی . ته‌ثوفانو چوجنی طوغوردقندن صوکره سرایده برقات دها صاحب نفوذ اولمش ، یدنجی قسطنطینک وفاتی اوزرینه قوجه‌سی ایکنجی رومنه بیزانس تختنه جلوس ایتمشدی . او زمان ته‌ثوفانو اون سکز ، ایمپراطور یکریمی بر یاشلرنده ایدی .

ته ئوفانو وجهاً غایت ظریف اولقله برابر اخلاقاً
 صوك درجه ضعیف ایدی . حسنی کدکلر تسخیر
 ایدمك درجه ده ایدی . فقط طبعاً دوچار فساد
 اولمشدی . حتی ییزانس تخته بر آن اول جلوس ایتك
 ایچون قوجه سیله برك اولارق ایمبراطوری زهرلمك
 قدر جسارت کوسترمشدی . ته ئوفانو انسان زهرلتمكده
 او درجه ایلری یه کیتمشدی که ، کندی اولادلرینی بیله
 زهرلتمکدن کری طورمامشدی .

ته ئوفانو ییزانس تخته جلوس ایتدیکی زمان ، ایکنجی
 رومه نك افکاری اوزرینه بویوك برنفوذ اجرا ایدیوردی .
 بو نفوذه هیچ کیمسه نك اشتراك ایتسنه راضی اولمدینی
 ایچون اداره سابقه دن قالان بوتون رجال حکومتی
 دیکشدرمشدی . فقط اک زیاده اهمیت ویردیکی شی ،
 سرایدن قائن والده سی ألن ایله بش کوروجمسنی
 چیقارتمق اولمشدی .

ته ئوفانوك کوروجمعلری غایت ظریف ، بابالرندن
 غایت ابی تربیه کورمش قیزلردی . حتی بابالرینك زماننده
 سیاسی ایشلره بیله قاریشقلری اولمشدی . ایچلرندن
 آغات ، باباسنه کاتبك وظیفه سی بیله ایفا ایتمشدی .
 ته ئوفانو بو قیزلری بر درلو چکمه مش ، یالوارمالرینه ،
 یاقارمالرینه ، کوز یاشرلرینه قطعاً همت ویرمه رك هپسنی

بر مناسره قاپا تمشدی. یالکنز، قان والدہ سنک سرایده
 قالمسنه مساعده ایتش، اوده بر قاچ آی صوکرآ
 قهرندن وفات ایتشدی. کورو مجه‌لی ایسه مناسترک
 قارانلق کوشه لرنده صاچلرینک طوتام کسلدیکنی
 کورمشر، او دقیقه دن اعتباراً اونلرده معناً اولدک لرینه
 قائل اولمشردی. ته‌ئوفانو بوتون بو ظلملرینی مظفریت
 عد ایله مشدی.

امپراطور رومه‌ن آنسزین وفات ایتدیکی زمان (۹۶۲)
 ته‌ئوفانو، ایکسی اوغلان، ایکسی قیز، درت چوجنی ایله
 یکرمی ایکی یاشنده طول قالمشدی. او زمان درحال
 ایکی اوغلی نامنه اجرای حکومته باشلامشدی.
 او صیراده، ته‌ئوفانو کبی حریص بر قادین ایچون
 اداره حکومت پک مشکلدی. ته‌ئوفانو ناک ناضری،
 ژوزهف برینغاس ایدی. بوذات، رومه‌ن زماننده،
 حکومتی مستبدانه اداره ایتشدی. برینغاسک ته‌ئوفانو دن
 اداره حکومتی استرداد ایتسی قابلدی. دیگر جهتن
 آنا طولیده مظفر بر قوماندان، نیکه فوروس فوقاس
 واردی که، بو ایکی سیما، ته‌ئوفانو ایچون بویوک
 بر اهمیتی حائزدی.

قاپادوقیالی نیکه فوروس فوقاسی موفقیات
 و مظفریاتی ایله بویوک بر نفوذ اکتساب

ايله مشدى . عربلردن (كريد) ى استرداد
 ايتىش ، مظفر اردوسيله كليكيا حواليسنه قدر
 ايلريله مشدى . عسكرلكده ، اردو اداره سنده بويوك
 بر مهارته مالكدى . اردوسنك صوك درجه محبتي
 قازانمش اولدينى ايجون بيزانس ايمپراطورلغنده اك بويوك
 قوته مالك ديمكدى . نيكه فوروس اللى بر ياشنده ،
 قيصه صاقاللى ، متفكر و انديشه ناك سيمالى بر ذات ايدى .
 طبعى سرت و خشين اولدينى كبي صوك درجه ده
 سكوتى ايدى . زوجه سنك و اوغلك و فاتندن صوكرا
 متصوفانه بر حيات امرار ايتكه باشلامشدى . ككيشلارله
 كوروشمكدن حظ ايدر ، مناستر حياتندن ذوقياب
 اولوردى . ايكنجى رومه نك و فاتنده نيكه فوروسك النده
 مدھش بر سلاح بولندينى ايجون حكومتى ايسته ديكي
 كبي ائده ايدى بيليردى . حتى ناظر برينغاسك كنديسنه
 خصومت ايتديكنده واقفدى ؛ فقط طوغرو و عفيف
 بر عسكر اولدينى ايجون حكومته قارشى هيچ بر تشبندى
 بولونماش ، كنديسنى اك زياده تحريك ايدن ، يئنه
 تە ئوفانو اولمشدى .

ايكنجى رومه ن وفات ايدنجه ، تە ئوفانو نيكه فوروسك
 بويوك بر قوت صاحبي اولدينى ، برينغاسك نفوذىنى
 بو واسطه ايله قيرمق ممكن اولاجنى تماماً آكلامشدى .

ته ئوفانونك جاذب سیاسی بو وظیفه نك ایفاسنی فوق العاده تسهیل ایده بیلیردی . ته ئوفانو ، در حال نیکه فوروسی پایتخته کتیرتمش ، کوزلرینک جاذبه سیله قلبنی تسخیر ایده رک بوتون آرزولرینه موفق اولمشدی . ته ئوفانو نیکه فوروسی اصلا سومه مشدی ؛ فقط منافعی محافظه واحتراسنی ترویج ایتدیرمک ایچون نیکه فوروسک بویوک بر قوت تشکیل ایله دیکنی آ کلامش ، اک صوکنده کندیسيله ازدواجه قرار ویرمشدی . ته ئوفانو بو ائنده ناظر برینغاس علیهنده برچوق دسائسه آلت اولمش ، هیچ برنده کندیسنی میدانه چیقارمامشدی . نهایت نیکه فوروسله ازدواج ایده رک بوتون مقصدلرینه نائل اولمشدی .

نیکه فوروس (قیصری) اردو کاهنده ایمپراطور اعلان اولوندقدن صوکر ا قسطنطنیه یه پارلاق بر صورتده داخل اولمشدی . بوتون خلق یکی ایمپراطوری آلقشلا یور ، آیاصوفیه کلیساسنک اوکنده کچه جک یر بولونموردی . نیکه فوروس ، آئنده موم اولدینی حالد کلیسایه کیرمش ، رسم تتوجی اجرا اولندقدن صوکر ا (مقدس سرای) ه داخل اولمشدی . نیکه فوروس ، ته ئوفانویه صوکه درجه مجلوب اولمشدی . آره لرنده ایکی آیدنبری مناسبت جاری اولغه باشلامشدی . فقط بومناسبتی مشروع بر

شکلہ قویمق ایچون ازدواجلری یکی کلیساده پارلاق بر صورتده اجرا ایدلمشدی .

نیکه فوروس بو ازدواجدن فوق العاده ممنون اولمشدی . آرتق اسکی شدتلرینی ، دینی وعدلرینی کاملاً اونوتمشدی . آینوروز راهلرندن آناسطاش ، ایمپراطورک نقض عهدایتمش اولماسنه صوكددرجه حدت ایدرک پایتختہ کلش ، ایمپراطوری کندیسنه خاص برطورله آزارلامشدی .

ایمپراطور ایسه تہ ٹوفانو ایله قاردش کبی یاشادیغنی ، ازدواجنک سیاسی بر مقصدہ مبتنی اولدیغنی ، امور حکومتی یولنه قویار قویماز تکرارمناستره عودت ایدہ جکنی یمین ایدرک سویله مشدی . نیکوفوروسک ازدواجی پایتختدهده قیل وقالی موجب اولمشدی . حتی نیکه فوروس ، تہ ٹوفانونک چوجقلرندن برینه وقیله صاغدیجلق ایتدیکی ایچون بو ازدواجک کلیساجه ممنوع اولاجنی بیله ایلری سورولمش ، نیکه فوروس کلیسا طرفندن اتهام ایدلمشدی . یکی ایمپراطور ، نفسانی هوساتنه هرشیئی فدا ایتش ، یالانچی بر شاهد طوتارق چوجوغک صاغدیجی کندی اولمادیغنه یمین ایتدیرمشدی . فقط بو غیر مشروع ازدواج نہایت پک وخیم بر صورتده نتیجه لشمشدی .

نیکہ فوروس تہ ٹوفانوںک پارلاق حسنہ فوق العادہ
محبوب اولمش، اونک ایچون ہر شیتی فدا ایتمکی کوزینہ
آلدیرمشدی . طبعاً مقتصد و خسیس اولدینی حالہ
ایمپراطوریچہ ایچون اک پارلاق مجوہراتی، اک خارق العادہ
تریناتی آلمقدن کری طورمامشدی . ایمپراطوریچہ یی
عادتا زیتلرہ ، شمشعلرہ بوغمشدی . ایمپراطوریچہ
ایچون دنیایی کوزی کورمہ یور ، دیزی دیندن ہیچ
بر لحظہ آیرلق ایستہ میوردی . اردوسیله بر ابر حرکت
ایلہ دیکی زمان ایمپراطوریچہ یی دہ یانندہ کوتورییوردی .
نہایت ایکنجی عشقی ، عسکرلکی ، برنجیسنہ غلبہ
ایتمشدی . نیکہ فوروس ، عربلر ، بولغارلر و روسلرلہ
محاربه ایتک ایچون حدودہ قوشیور ، بوسفر تہ ٹوفانوی
برابر کوتورمہ یوردی . سوکرا ، ایمپراطورلق
وظیفہ سنی محق بر صورتہ ایفا ایتک ارزو ایلہ دیکی
ایچون دہ خلقک توجهنی ضایع اییدیوردی : اہالی ،
ویرکیلرک آرتماسندن ؛ رهبان ، نفوذلرینک قیرماسندن
شکایت اییدیور ، بطریق آچیقندن آچیغہ ایمپراطورہ
معارض بولونیوردی . نہایت پاتختدہ عربدلر وقوعہ
گلش ، ایمپراطور خلقک تحقیراتنہ ہدف اولمش ، حتی
طاشلانمشدی . بو حقارتلر ، نیکہ فوروسک دیندار قلبندہ
بو یوک بر اثر بر اقمشدی . نیکہ فوروس کیندکجہ مغبوم

اولمايه، ياناغنده ياتمامايه، حياتندن قورقايه باشلامشدى. حتى بو قورقونك تاثيريله (بو قوله ئون) سراينى برقلعه حالنه كترمشدى. نيكه فوروسك ته ئوفانو حقنده كى محبتى آلآن باقى ايدى. فقط ته ئوفانوك آرتق جانى صيقلمايه باشلامش، بوزكينك نهايت قانلى برصورتده نتيجه لشمشدى.

نيكه فوروسك يو آئيس زميسكس اسمنده بريكنى واردى. زميسكس قرق بش ياشنده، قيصه بويلو، ظريف وياقيشقلى ايدى. مائى كوزلىرى، صاريشين صاچلىرى، اينجه و ظريف بورنى، جرأتكار نظرلريله ته ئوفانويى تسخير ايدمك اوصافى حازدى. ته ئوفانو، نيكه فوروسله كچيرديكى مزعج حيات اينچنده زميسكسى سومشدى. زميسكس غايت حريص ايدى. كنديسى وقتيله اردوده خدمت ايتديكى حالده ايمراطور طرفندن عزل ايدلمش، بوتحقيرك انتقامنى آلمايه صوك درجه عزم ايتمشدى. خصوصيله ته ئوفانودن آيرى ياشامسى قلبنده بويوك برجرىحه آچمشدى.

بوصره ده نيكه فوروس سوريه دن دونمش، اطرافنده كيزلى كيزلى دولابار چويريلديكنى حس ايتمك باشلامشدى. ته ئوفانويه قارشى محبتى باقى اولدينى ايچون سو كيلي زوجه سنك نفوذينه تابع اوله رق زميسكسى تكرار

سراینه آلمشدی . ته ئوفانو ، ایمپراطوره عاشقنی مدح
ایتمش ، فقط عینی زمانده قوجاسنک شہلرینی ازاله
ایچون زیمیسکسه اقرباسندن برینی ویرمک فکرنده
اولدیغنی سویله مشدی . نهایت زیمیسکس قسطنطنیہ یه
کلش ، سوکیلیسی ایله سرایده بولوشمش ، ایمپراطور
علینده ترتیبات لازمه اتخاذه باشلامشدی . بوترتیباتک
غایه سی ، ایمپراطوری قتل ایتمکدی . زیمیسکس بوفکرینی
قوده دن فعله کتیرمک ایچون غیر ممنون جنراللری الده
ایتمش ، سرای قادینلری ده اغفال ایلدکدن صوکر
سرایه ، ایمپراطور یچہ نیک اوطنه سنه مسلح آدملر
صاقلانیمشدی . جنایتدن برکون اول برچوق ارککلر
قادین قیافته صوقولارق ته ئوفانوک دلالتیه سرایه
کتیرلمشدی . ایمپراطور بو تشبندن خبردار اولمش ،
سرای آرتدیرمش ، سرای ارکانی کاملاً اتفاق ایتمش
اولدقلری ایچون هیچ برشی بولدورمایه موفق اولامامشدی .
نهایت کیجه اولمش ، ایمپراطوری اولدیرمک ایچون
زیمیسکسک کله سنه انتظار ایلدلمشدی . اوزمان هرکسک
قلبنی برقوقو آلمشدی . ایمپراطور ، اوطنه نیک قابوسنی
قاپار ویاخود کورولتودن اویانوبده مقاومت ایدرسه ،
ته ئوفانو بو مانعکده اوکنی آلمق ایسته مش ، طوغری
نیکه فوروسک یاننه کیتمش ، کندیسسیله طاتلی طاتلی

کوروشمش ، سوکرا سرایده مسافر قالان بولغار
 قادینلرینی براز کوروب کله جکنی سویلیه رک قاپوینی
 قاپاماسنی رجا ایتمشدی . نیکه فوروس ، زوجه سنک
 سوزینی دیکله مش ، یاپ یالکز قانتجه براز دعا ایتمش ،
 سوکرا بیتاب برحالده اویقویه طالمشدی .

ساعت کیجه اون بره کلشدی . سو قعده بورام بورام
 قار یاغیور ، بوغاز ایچی فیرطینه لرله چالقانیوردی . بو
 صرمده زمیسکهس اوافق برقایقوله (بو قوله تون) سراینک
 دیوارلری حداسنه کمش ، کندیسنه اوزاتیلان سپده
 کیره رک ایپله حرم دائره سنه چکیلشدی . سرایه کیر
 کیرمز طوس طوغرو ایمراطورک اوطه سنه کیتمش ،
 اوطه یه کیروبده ایمراطوری یاتاغنده بولامانجه دهشت
 ایچنده قالمشدی . فقط خادم آغالرندن بری ایمراطورک
 عادتتی بیلدیکی ایچون کوشه ده ، قاپلان پوستی اوزرنده
 یاتان ایمراطوری کوسترمش ، اوزمان نیکه فوروس
 قانلی برتهاجم آلتنده ازیلش قالمشدی . قاتلر ایمراطوری
 زمیسکه سک آیاقلرینه قدر سورو کله مشلر ، صاقالی
 یولمشلردی . نهایت زمیسکهس ، قلیجیله ایمراطورک
 قافاسنی پارچه لامش ، ایمراطور قانلر ایچنده تلف
 اولمشدی . سرایده وقوعه کلن کورولتیلر اوزرینه
 خاصه عسکری قوشمش ، فقط ایش ایشدن کچمشدی .

عسکره ایمپراطورک قائلی باشی کوسترلدیکی زمان هر شی سکونت بولمشدی . حتی خلق ده ته ئوفانو کبی حرکت ایتمش ، اوده بوتون موجودیتی ایله زیمیسکه سک آغوشنه آتیلمشدی .



ته ئوفانو ، جنایتی سترایتمک ایچون هر شینی احضار ایله مشدی . فقط قسطنطینییه بطریقک اعتراضاته هدف اولاجغنی بردرلوعقلنه کایر مه مشدی . بطریق ، ایمپراطور ایله صووک درجه طارغین اولدینی حالده زیمیسکه سک ایمپراطور لغنی تصویب ایتمه مش ، حتی آیاصوفیه یه کیرمکدن منع ایله مشدی . بونک اوزرینه زیمیسکه س کندیسنگ جنایتده مدخلدار اولمادیغنی سویله مش ، حرص سلطنته ، معشوقه سنی ، ته ئوفانوی فدا ایله مشدی . ته ئوفانونک امللری آرتق کاملاً زیروزر اولمشدی . ته ئوفانو ، عاشقیله ازدواج ایدرک سلطنت سورمک ایسته مشدی ؛ فقط سلطنته خدمت ایتدیکی عاشقی شمدی کندیسنگ نکبته سبب اولمشدی .

ته ئوفانو حسنتک هنوز زائل اولمادیغنه قائل اولدینی ایچون عزم و متانتیینه محافظه ایتمشدی . بیکرمی طقوز باشنده ، بوتون کوزللیکنی محافظه ایدن بو حریص قادین ، حیاتی رخنده دار ایدن بوسقوطة اصلاً تحمل ایده مه مش ،

عجسدىن فرار ايدرك (آياصوفيه) يه التجا ايله مشدى .
 فقط يكي ناظر ، واسيل ، كليسا يه قطعياً حرمت ايتمه رك
 ته ئوفانوبى آياصوفيه دن چيقارتمش ، ارمنستانه نفي
 ايتمه ك قرار و يرمشدى . ته ئوفانو ، منفاسنه كيتمزدن
 اول صوك دفعه اوله رق عاشقى كورمك ايسته مشدى .
 ته ئوفانو ، اوغورنده هر شيشى فدا ايتديكى حالده كنديسى
 أليم بر صورتده ترك ايدن زميسكه سك قارشپسنة كلير
 كلز عاشقى شدتله تحقير ايتمش ، يومر و قلر يني صيقارق
 ناظر ك اوزرينه آتيلمش ، سالوندن كال مشكلات ايله
 چيقارلمشدى . اووقدن اعتباراً ته ئوفانوك حياتى
 ختام بولمشدى .

ته ئوفانو آلتى سنه منفا كوشه لرنده ياشامش ،
 زميسكه سك وفاتى اوزرينه تكرار قسطنطينيه ،
 چوجوقلرينك ياننه كلشدى . فقط غرورى منكسر ،
 احتراصى منطقي بولوندينى جهتله حكومتده هيچ بر
 نفوذ اجرا ايدمه مش ، سرايك بر كوشه سنده ،
 توجهلردن محروم ، حسنى پریشان بر حالده ترك حيات
 ايله مشدى .



زوئی

ما کدونیاالی خانداندن ایمپراطور سکزنجی قسطنطین پورفیر وکونه طوس، صوک دفعه اولمق اوزره خسته لاندینی زمان، کندیسنه بر خلف تعیننی دوشونمکه باشلامشدی. او آنه قدر بیزانس تختنه بر خلف تعیننی قسطنطینک عقلنه بیله کله مشدی. قسطنطین غایت مسرف، او یونه، هیودروم قوشولرینه مبتلی ایدی. کندیسنی ما کدونیاالی خاندانک صوک وارثی ایدی. فقط او یوندن باش قالدیرامادینی ایچون اکثریا سفرانی بیله قبول ایتکی اونوتور، وقتی او یون ایله، اکلنجه ایله کچیردی. قسطنطینک اوچ قیزی واردی؛ اوچی ده اولنمه مشدی: اودوقسیا، زوئی، تهئودورا. اودوقسیا ذکاجه، حسنجه وسط درجه ده ایدی. دها چوجقلغنده یوزی چیچک علتندن خراب اولمش، بیچاره قیز بو پریشان حسنی مناستر کوشه لرنده کیزله مشدی. بناءً علیه قسطنطینک وفاتنده بیزانس تختنه زوئی ایله تهئودورا کچه جکدی. فقط بو تاریخده (۱۰۲۸) زوئی اللی یاشنده، تهئودورا اوندن براز دون بر سنده ایدی.

ماكدونيالی خاندان دورنده ، بيزانسك وراثت مسئلهسى ده حل ايدلمشدى ؛ بيزانس اداره سنك قادينلر ائينه كچميه جكنه همان هر كس امين ايدى . بو سييدن ايمپراطور قسطنطين ده قيزى زوئى به بر قوجه آرامش ، قسطنطين دالاسنى ، ارمنى زادكانندن برينى انتخاب ايتمشدى . فقط بو ذاتك پايختدن بك اوزاقده بولونمايى ، ايمپراطورى بو فكرندن واز كچيرمشدى . نهايت ، شهر امينى رومانوس آركيوسى مناسب كورمشدى . رومانوس غايت ياقيشقلى ، آلمش ياشنده ، متأهل بر ذات ايدى . خصوصيله زوجه سنه فوق العاده محبتى واردى . زوجه سى ده كنديسنه پرستش ايدردى . ايمپراطور بو موانعى قطعياً نظر اعتباره آلامش ، رومانوسه يا زوجه سنى تطلق ايتمى ويا خود كوزلر يني اويديراجغنى سويله مشدى . بو خبر فلاكت ، رومانوسك زوجه سى اوزرنده مدهش بر صاعقه تأثيرى اجرا ايله مشدى . زواللى قادين ، زوجنى قورتارمق ايجون هر شئيّه تحمل ايتمش ، كنديسى مناستر كوشه لرينه قاپانمش ، رومانوس ده زوئى ايله ازدواج ايتمشدى . اوچ كون صوكر قسطنطين وفات ايدنجه ، زوئى ايله زوجه سى وهمشيره سى بيزانس ايمپراطورلغنى اداره ايتمكه باشلامشردى .

زوئی ایمپراطوریچہ اولدینی زمان ، اللی یاشنده ، فقط نظر فریب بر حسنه مالکدی . اوزون کیریپکلر آلتنده ایری کوزلری ، خفیف بر انخاییدا ایدن برونی ، نظر ربا ساچلری سپاسنه باشقه بر حلاوت ویریوردی . زوینک رنکی غایت بیاض ، اندامی صوک درجه متناسبدی . سنئی بیلمینلر کندیسنی عادتا کنج بر قیز ظن ایدرلردی . اوزته بویلی ، فقط متناسب وجودلی ایدی . یتمش ایکی یاشنه کلدیکی زمان بیله ، حسنک طراوتی اصلا بوزولمامشدی . زوئی ، سراپک آغر و صیرمه لی البسه سنه ، مجوهر لاله پارلایان تاجلرینه ، غایت ساده بر قیافتی ترجیح ایدردی . بونکله برابر لوانطیه ، قوزمه تیکه پک زیاده دوشکوندی . حبشستاندن و هندستاندن صورت مخصوصده قوقولر کیتیر ، دائره سنک بر قسمنده یوتون سنه خدمتچی قیزلره قوقولر اعمال ایتدیرردی . اکثریا بانچمده تفرجلر اجرا ایدر ، طراوت حسنئی محافظه ایچون صاف هوا تنفسی ایتکله غیرت ایلردی . زوئی ، صوک درجه جاهل ، فقط پک زیاده عصبی ایدی . بر چوق دفعه لر ، بعض کیمسه لک حیات و ممانته قرار ویرر ، فقط امور حکومتی ده سورونجمده براقیردی . زوئی ، آبدال ، هوئی مشرب ، مغرور ، مداهنه یه صوک درجه میال بر ایمپراطوریچہ ایدی .

عالمه سنك شان وشرقدن ، كنديسنت درايمن بحث اولونديني زمن ، سونجندن قوشوقلري قبايردي . قسي ايچون بك چوق پوزه صرف ايدر ، باشقه زرينده احقجه اسراقمه بولونوردی . زوتی ، عين زمانده دیندار ایدی؛ فقط دیندارنی اعزه رسملری اوکنده کونلك وموم یاقمندن عبرتدی . حکومت ایشلرندن حظ ایتمز ، قدین یشلرندن ایسه بوسبتون صیقلیردی .

زوتیده اخلاقسزلیق زوتی ایدی . یزاندده سفاهتی ایله شهرت بولان ایکنجی رومانوس ایله ته توه تونک بوساریشین خیدسی ، کوزتمککه وجاذبه منه صوک درجه مغرور ایدی . اکثریا کنجلکنک نه پوزلاق زمانلرخی حرمدده کچیردیکی ایچون متأثر اولوردی . زوجی رومانوس آرزکیروس ، زوتی ایله اولندکدن بر مدت صوکرا کندیرینه بر وارث یشدیرمنک ایسته مش ، زوجهمی ایله برابر مراجعت ایتمک نسخه ، علاج یراقمامشدی . فقط کندیسنک آلتمشده ، زوتینک آتیشنده اولماسی ، بو ارزونک خصوصه مانع اولمشدی . او زمان رومانوس ، زوتی بی بر طرفه یراقمش ، حکومت ایشلرخی جدیدته ایفایه باشلامشدی .

زوتی ، بو متروکیتدن بك متأثر اولمشدی . فقط

زوئی بی ممنون ایتمہین یالکنز بومتروکیت دکلدی ؛ نفسی
 حظوظاتنک تطمین ایدیلمہ مہ مسی اونی دہا زیادہ متأثر
 ایدیوردی . رومانوس ، زوئینک اسرافاتی دہ تحدید ایتمک
 ایستہ مشدی . زوئی ، اوزمان کنڈیسنی اکلندیرمک ایچون
 خارجدن تسلی آرامش ، ایمپراطورک اقرباسندن قسطنطین
 نامندہ بری ایلمہ ، دہا اولدہ ینہ برقسطنطین ایلمہ مناسباتدہ
 بولونمشدی . فقط بوتوجہ اوزون مدت دوام ایتمہ مشدی .
 نہایت زوئی ، سرای خادم آغالرندن یوآنینسک قاردشی
 میخائل کنڈیسنہ اک موافق بر عاشق اولق اوزرہ
 انتخاب ایتمشدی .

میخائل ، پارلاق نظرلری ، نظر فریب رنگی ،
 جاذب اندامیلہ بوتون شاعرلرک نظر مقتونیتی جلب
 ایلمہ مشدی . اولاً ، حسنی وشباییلہ ایمپراطورک خوشنہ
 کیدن میخائل ، بالآخرہ ایمپراطوریچہ نکدہ حسیاتتی .
 تحریک ایلمہ مشدی . زوئی ، اوزمانہ قدر خادم یوآنینسندن
 نفرت ایدرکن شمدی اوکا کینڈکجہ کولر یوز کوسترمکہ
 باشلامش ، نہایت قاردشدن پک زیادہ حظ ایتدیکنی
 سویلمہ مشدی . میخائل ، اولاً بو قبولدن برشی
 آکلاماشدی . یوزی قیزارہ رق ، محجوب بر حالہ
 زوئینک حضورینہ چیقیورہ ، زوئی اونی کینڈکجہ تشجیع
 ایتمکہ غیرت ایدیوردی . بعضاً ظریفانہ تبسملر

ایدیور، آره صره حسیاتی ده دوکمه باشلایوردی .
 نهایت میخائل ، قاردشک ایقازی اوزرینه جسارتی
 آرتدیرمش ، ملایمانه سوزلردن ایش بوسه لره قدر
 انتقال ایش ، سوکرا دها زیاده ایلرینه وارمشدی .
 اوزمان زوتی ، بو کنج عاشقنه بوتون قلیله مسحور
 اوله رق هر درلو تدیرسزلکلری کوزینه آلدیرمشدی .
 زوتی هر کسک قارشینده عاشقنی دز آغوش ایدیور ،
 آنکه دیز دیزه ، بر صندالیه اوطوریور ، عاشقنی بر
 صنم کبی سوسله مکه غیرت ایلوردی . حتی برکون ،
 ایمپراطورک تخننه اوطورتمش ، باشنه تاج کیدیرمش ،
 آینه ایمپراطورلق عصاسنی ویرمش ، کندیسی ده
 یانه سوقولارق :

— معبودم ، زهره جمالم ، کوزلمک سروری ،
 روحم تسلیسی !

دیهه در آغوش اتمکه باشلامشدی . او صره ده
 بالتصادف سرای ارکانندن بری ایجری به کیرمش ،
 بردنبره شاشلامشدی . فقط زوتی هیچ طورینی بوزمایارق :
 — بو آندن اعتباراً و بوندن بویله حقیق

ایمپراطور بودر !

دیمش ، میخائلک آیاقلری اوکنده ، ایجری کیرن
 ذاته دیز چو کدیرمشدی .

لزوم کورمہ مشدی . زوئی شمدی باشقہ شیلر
دوشونیور، میخائلی ایمپراطور نصب ایتدیرمک ایچون
تداییر اتخاذیلہ مشغول بولونیوردی .



سرای ارکانی زوئی بہ متادیاً نصیحت ایدیورلر ،
ارباب لیاقتدن بریلہ اولنمہ سنی توصیه ایلورلردی . فقط
زوئی متصل عاشقی دوشونیور ، خادم یوآنس ایسه
زوئی بی بوستون فیتیللہ یور ، « بو ایش تأخر ایدہ جک
اولورسہ ، محو اولدیغمز کوندر ! » دیوردی .
زوئی بونصیحتلری کاملاً دیکلہ مش ، نہایت برکیجہ
میخائلی سراہہ کتیرتمش ، ایمپراطور البسہ سنی آرقہ سنہ ،
تاجنی باشنہ کیدیرمش ، ایمپراطورک تختنہ او طورارق
کندی دہ یانی باشنہ کچمشدی . سوکرا ، بوتون حاضر ونہ
میخائلیک ایمپراطور لغنی تصدیق ایتلرینی تکلیف ایتدیکی
کبی ، کیجہ علی العجلہ بطریق دہ سراہہ جلب ایتمشدی .
بطریق ، رومانوسی کورہ جکم ظن ایدرکن زوئی ایلہ
میخائلی صیرمہ لی البسہ ایچندہ کورر کورمز تردد
ایتمشدی . فقط زوئی ، کندیسنہ ورہبانہ پارہ لر وعد
ایتش ، بطریق بو جاذب آلتونلرہ حسیات دینہ سنی
فدا ایلہ مشدی . زوئی ، بوموفیقی استحصال ایتدکن

صوکر، ایرتسی کون میخائلیک ایمپراطور لغنی سناتویه ده تصدیق ایتدیرمشدی . بوانشاده رومانوسک جسدی آچیق بر تابوت ایچنده ، یوزی طانیلامیه جق بر حاله مزاده کوتور ولیور، (مقدس) سرایک یالدی زلی او طه سنده ، سرای اکبر رجالی کمال حرمتله میخائلیک اوکنده دیز چوکیور ، مسعود توره دینک اللرینی او پیوردی . زوتی ، یکر می درت ساعت طول قالمشدی .

میخائلیک ایمپراطور اولدق دن صوکر، سرایک روحی ، خادم یو آنیس ایدی . یو آنیس سرعت قراره ، اقتدار سیاسی به مالک ، امور مالی به صوکر درجه واقفدی . پایتختک و مملکتک احوالنه تمامیله مطلع اولدینی کبی قوه حافظه سی ده مکملدی . بوسبیدن بوتون ذکاسنی قاردشک سعادتنه صرف ایدیور ، بوتون روحیله آنک رفاهنی تأمین ایتمک ایستیوردی .

میخائلیک ، ایمپراطور اولور اولماز ، زوتینک بوتون ارزولرینی یرینه کتیرمش ، واسیلیسانک خوشنه کیتمک ایچون هر درلو فداکارلنی اختیار ایله مشدی . فقط بالاخره قاردشی یو آنیسک تأثیریه تبدیل مسلیک ایتمکه مجبور اولمشدی . میخائلیک ، اول زوتینک کوزده لرینی برر برر سرایدن آشیرمش ، ایمپراطور یجه به حرمدن طیشاری به چیقماماسنی تابه ایله مشدی . بوندن باشقه ،

زوئینک الك زیادہ اعتماد ایتدیکی خادم آغالرایله قادینلری دم
 قالدیریور ، یرلرینه کندی اقرباسندن ، اعتماد ایتدیکی
 کیمسهلری قویوردی . میخائل ، زوئی بی اودرجه صیقی به
 قویمشدی که ، کندیسنی زیارته کلنلرک کیم اولدقلری
 تحقیق اولونیور ، امپراطوریمچه ایله نه کوروشه جکلری
 سؤال ایدیلوردی . امپراطورک مساعده سی اولمان
 بانچه به چقماسنه ، حتی حمامه کیتمه سنه مساعده
 ایدیلوردی . زوئی ، بو حالدن فوق العاده صیقیلور ،
 ینه تسلیمت کوستریور ، دوچار اولدینی حقارتله
 دائماً تحمل ایدیوردی . فقط بالآخره هیچ تحمل
 ایدمه جکی بر حال ظهوره کلشدی ؛ اوده ، میخائلک
 کندیسندن اوزا قلاشامی ، حتی کندیسنی هیچ
 کورمک ایسته مه سی ایدی . میخائل بو حیاتدن آرتق
 اوصانمشدی . اوته دن بری دوچار اولدینی صرعه علنی
 کیتدکجه تزاید ایدیور ، زوئی ایله برلکده ایشله دکلی
 جنایتدن وجداناً معذب اولیوردی . بوسیدن سراه
 دائماً پاپاسلری دعوت ایدیور ، کناهلرینی عفو ایتدیرمک
 ایچون آنلرله برابر دوشوب قالدیوردی . اکثریا
 پاپاسلرک آیاقلری اوچندن یاتیور ، باشنی بر طاشه
 طایایوب یاتیوردی .

زوئی ، میخائلک بو حالرینه تحمل ایدمه مش ،

نهایت اوده عصیان ایتمشدی . فی الحقیقه زوئی، شهرده حائر اولدینی نام و شهرته تامیله واقفدی . بوسیدن اولا باش و کیلی زهرله مک ، بصورتله میخائلنی بستون کندیسنه بند ایتمک ایستوردی . زوینک بوتشبی عقیم قالمش، فقط میخائله قارشى حس ایتدیکی اضطرابات برقات دها تزايد ایله مشدی . میخائل وجداناً کیتدکجه مضطرب اولمایه باشلامشدی . نهایت بواضطراب آلود حیاته نهایت ویرمک ایچون مناسترلردن برینه قاپانمش ، آرقه سنه پاپاس البسه سی کیمشدی (۱۰۴۱) .

بوخبر فلاکت حرمده شایع اولور اولماز ، زوئی تاثرندن دیوانه اولمش، حیاتندن زیاده سودیکی زوجنی، اسکی عاشقنی صوک دفعه اولمق اوزره کورمک ایسته مش، سلطنتنی و شرفنی اونوتارق ، بو حرکتک موقعنه قطعياً یاقیشمادیغنی تأمل ایتیه رک مناستر قابولرینه قوشمشدی .

فقط میخائل ایشله دیکی جنایتدن نادم، بوغدارقادینک هوساتنه تابع اولمقدن بیتاب بولوندیغنی ایچون زوئی بی قبول ایتمه مش ، کندیسنه پرستش ایدن ، کندیسنی جنایتلرینه تشریک ایله یز بوقادینی کورمک ایسته مه مشدی . برمدت صوکرا الیم بر صورتده وقائی ، زوئی بی صوک املندن ده محروم براقشدی .

دردنجی میخائلك قاردشی یو آنیس بو حادثه بی اولجه حس ایتدیکی ایچون لازم کلن تدابیری اتخاذا ایتمشدی. حتی قاردشك صاغلانده یکنی میخائلی سلطنته تشریک ایتدیرمش، بوتکلیفی زوئی ده قبول ایله مشدی. بناءً علیه دردنجی میخائلی وفات ایدر ایتمز بشنجی میخائلك ایمپراطور اولماسی ایچون هیچ برمانه تصادف ایدله مشدی .

بشنجی میخائلی بر قالفاتیجینک اوغلی ایدی . بو سیدن بیزانسلیلر بیتنده (قالفاتیجی میخائلی) نامیله شهرت بولمشدی . یو آنیس ، قاردشك وفاتی اوزرینه زوئی یه التفاتی آرتدیرمش ، کندیسی اولمادججه ایمپراطورلنگ اداره اولونامایه جفنی سویله مش ، نهایت میخائلی ده واسیله وس اعلان ایتدیرمشدی . فقط یکی ایمپراطور ، کندیسنه لطف ایدنلری پک فنا مکافاتلا . تدیرمشدی . اول امرده عموجه سی یو آنیسی باشندن دفع ایتمش ، یرینه دیکر عموجه سی قسطنطینی تعیین ایله مشدی . صوکرآ ، زوئی یه فوق العاده التفاتلرده یولونمشدی . زوئیدن بحث ایدرکن : « او بنم ایمپراطوریمچه مدر ، حکمدارمدر . بوتون موجودیم اونکدر ! » دیدیکی حالده ، بالآخره زوئی یه بوسوتون ایشدن آل چکدیرمشدی . میخائلی ، زوئی بی حرم

دائرة سنه قابآتمش، كنديسى ايله آچيقدن آچيغه اكلنمكه باشلامشدى . حتى شهرده حائر اولديغى شهرتدن استفاده ايدرك زوئي بي سرايدن دفع اتمكه بيله قرار ویرمشدى (۱۰۴۲) .

میخائل ، قرارینی موقع تطیقه قویق ایچون بر کیجه زوئي بي توقیف ایتدیرمش ، کندیسنى زهرله مک تمثیله اتهام ایله مشدی . زوئي بومفترياتدن متأثر ، انكارلر ، فریادلر ایدیور ، فقط هیچ بر تأثیرینی کورمه یوردی . نهایت ایمپراطورك امریله (بویوك آطه) مناسترلرندن برینه حبس ایدلش ، آرقه سنه راهب ألبه سی کیمشدی . زوئي ، صاری صاچلرینك غدار بر مقاص ضربه سیله کسیدیکنی کوردیکی زمان بوتون امیدلرینك محو اولدیغنی حس ایله مشدی . میخائل ، زوئي بي بو صورتله باشندن دفع ایتدکدن سوکرا ، سناتوی طوبلامش ، ایمپراطور یچه نك عزلی تصدیق ایتدیرمشدی . فقط خلقك ما کدونیا لی خاندانه محبتی بر درلو دوشونه مه مشدی . زوئي نك عزلی خبری شهرده شایع اولور اولماز عظیم بر واویلا قومیشدی . همان هرکس مایوس و متأثر سوفاقلرده طولاشیور ، بالخاصه قاینلر بومدهش سقوطدن سوکدرجه غلیانه کلیوردی . اودرجه ده که ، (قسطنطین فوروم) نده شهرامینی وقعه بی

اهالی یه بر بیاننامه ایله اعلان ایلدیکی زمان، بوتون خلق: « بز اوقالفا تاجینک ایمپراطور لغنی ایسته مه یز . اصل وارث مشروعی ، زوئی آنه مزنی ایسترز ؛ قهر اولسون قالفاجی ! » دییه فریاد ایدیوردی . بو فریادی عظیم برولوله تعقیب ایلیوردی . آرتق هر کس سلاح لانیور ، محبس لره هجوم ایدیلیور ، شهر لرده یانغینلر وجوده کتیر یلیوردی . نهایت خلق سراهه هجوم ایتمشلر ، میخائلی ارزولرینه رام ایدرک زوئی نی (بویوک آطه) دن مقدس سراهه کتیر تمشلردی . صو کرا ، آرقه سنده راهب البسه سی اولدیغی حالده (هیودروم) ه کوتور مشلردی . اهالی ، سوکیلی ایمپراطور یجه لرینی بو حزین قیافله کورر . کورمز بوسوتون غلیانه کلش ، ایمپراطوری کفر لره ، طاشلرله تحقیر ایتمک باشلامشدی . اودر جده که ، ایمپراطور سراهه دوتر دونمز فرار ایتمک ایسته مش ، فقط عمو جه سی قسطنطینک اصراری اوزرینه واز کچمشدی . بوسر ده آیا صوفیه ده یکی بر حاده حاضر لانیور ، زوئی نیک همشیره سی ته ئودورانک اجلاسی ایچون تدابیر اتخا ذ اولونیوردی . خلق ، زوئی موقع اقتداره کلیر کلز ینه بوتون قوتی میخائله تودیع ایده جکنی آکلامشله ، هیچ اولما زسه قاردشی ته ئودورای سلطنته تشریک ایدرک ته لکدنک اوکنی آلمق ایسته مشلردی . ته ئودوراء او

زمانه کلنجابه قدر خلیج ساحلنده، (بتریون) مناسترنده
 یاشامشدی. زوتی، قیز قاردشنی سلطته اهانت جرمله
 بورایه قاپاتمش، صوکرآ کیمسه طرفندن آرانامشدی.
 ۱۰۴۳ اختلالی ته ئودورایی ده موقع اقتداره کتیرمشدی.
 ته ئودورانک آرقهسنه درحال برسلطنت لباسی کیدیرلمش،
 یالین قیلجلر اده سنده، آلقیشلر ایچنده، آیاصوفیه
 کلیساسنه کتیرلمش، ما کدونیا خانداننه صادق بطریق
 طرفندن ایمراطور یچه لنی اعلان ایدلمشدی. بو ائنده
 سرای آلآن مقاومت ایدیوردی. بوتون کون سرای
 جوارنده محاربه ایدیلیور، بو عربده لرده اوچ بیک
 کشتی تلف اولیوردی. آقشامه طوغرو سرایک
 قاپیلری آچیلمشدی. بوسره ده ایمراطور ایله عوجه سی
 بر قایغه بینه رک (ستودیون) مناسترینه قاجیورلر،
 بوراده پاپاس البسه سی کیه رک حیاتلرنی بو صورته
 قورتارمايه موفق اولیورلردی.

همان بوتون بو خلق، بو مظفریتدن ممنوندی.
 شرقیلر اوونیور، دانسلر ایدیلیور، آلپهیلر تغنی
 اولونیوردی. فقط عین زمانده مجرملرک جزالاندرلماسی ده
 طلب ایدیلیردی. زوتی، قاردشنی شریک سلطنت
 اولارق قبول ایدیور، فقط مجرملرک عفوی جهتنی
 التزام ایلیردی. صوکرآ، سرایک بالقوننه چیقارق خلقه

تشکر ایدیور، مخلوع ایمپراطوردن بحث ابتدکی زمان
 بوتون اہالی : « او جانی کبوت . آلاغی قازیقلمہ
 چاق! آصدیر، کوزلرینی اویدر ! » دیہ باغیرییوردی .
 زوئی بو ترددلرلہ امرار وقت ایدرکن ، تہ ئودورا،
 میخائل ایلہ عموجہسنی مناستردن آدیوریور ، اہالینک
 حقارتلری ارہسندہ کوزلرینی اویدرییور ، بو صورتلہ
 خلقک غلیاتنی تسکینہ موفق اولیوردی .
 تہ ئودورانک بو حاکمتی زوئی بی پک متأثر ایتمشدی .
 زوئی ، قاردشندن صوگ درجہ نفرت ایدردی .
 تہ ئودورا اولماسیندہ ، اونک یرینہ بر سائس بیلہ
 کندیسنہ شریک سلطنت اولسہ ، راضی ایدی . فقط
 سناتونک قراری اوزرینہ ناچار قبول ایتمش ، او تاریخدن
 اعتباراً بیزانس ایمپراطورلغنی ایکی اختیار قادینک اداره
 ایتدیکی کورولمشدی . فقط بو ایکی ایمپراطوریچہ ، بو
 ایکی قاردش بیندہ پک بویوک فرقلر واردی : زوئی
 نہ قدر کوزل ، متناسب وظریف ایسہ ، تہ ئودورا او
 درجہ ناموسلی و آغر ایدی . زوئی مسرف ، تہ ئودورا
 ادارہ لی ایدی ؛ سوزدن حظ ایتمز ، اسرافی اصلا
 سومزدی . حتی ہیج اولئمہ مشدی . دائماً متواضعانہ
 حرکت ایدر ، وکوزل سوز سویلردی . بو ایکی
 ایمپراطوریچہ ہر کون رسمی البسہ کیہرک تحت اوزرینہ

اوپوررلر ، ییزانس ایمپراطورلنک امورینی اداره ایدرلردی . فقط بو حال اوزون مدت دوام ایله مه مشدی . زوئینک اسراف خزینه بی طام طاویر براقشدی . پاره آزالنجه ، صداقتده تدریجاً کیوشه مش ، ایش باشنده متین بر ارکک الی بولونماسنه احتیاج حاصل اولمشدی . زوئی بو درده بر چاره آرامش ، اوچنجی دفعه اولنمکدن باشقه چاره بولونمادیغنه قرار ویرمشدی . ایمپراطور بیچه بو ازدواجه قرار ویرر ویرمز ، مناسب بر زوج آرامایه باشلامشدی . زوئی بو ائنده آلتش درت یاشنده ایدی .



زوئی ، ازدواج فکریله بی آرام اولمایه باشلادینی کون ، بر وقتلر کندیسنه تزویج ایدلمک ایسته نیلن قسطنطین دالاسه نی خاطر لامشدی . فقط بو ذاتک اداره حکومت خصوصنده کی شرائطی خوشنه کیتمه مش ، بونک اوزرینه اسکی کوزده لرندن دیگر بر قسطنطین جلبه قرار ویرمشدی . قسطنطین ده ، رومانوس آرکیروس کی اولی ایدی . زوجه سی ، قوجه سنک باشقه برینه کیتدیکنی کورمکدنسه اولسنی ترجیح ایتمش ، زوجنی زهر لیه رک بو ارزوسنی برینه کتیرمشدی . نهایت زوئی دوشونمش ، طاشینمش ، اسکی

عاشق لرندن قسطنطین مونوماخوس ایله اولنمکه قرار ویرمشدی. قسطنطین، زوئینک ایلك قوجهسی اوچنجی رومانوس زماننده سرایده یاشامشدی. او زمانلر زوئینک فوق العاده خوشنه کیتمش، ایکنجی قوجهسی دردنجی میخائل زماننده سرایدن چیقارلمشدی. زوئی، قسطنطینی اصلا خاطرندن چیقارامش، ۱۰۴۲ عصیانندن بالاستفاده یونانستان والیسی نصب ایله مشدی. شمدی قسطنطینی زوجلکه آتخاب ایتمی، معیتکده خوشنه کیتمشدی.

قسطنطینک پایتخته دخولی بك پارلاق اولمشدی. قسطنطین آلفیشلر ایچنده شهره داخل اولمش، دساتیر دینه دن زیاده پاره بی دستور حرکت آنخا زایدن قسطنطینه بطریق بو اوچنجی ازدواجی ده تقدیس ایلیوردی. آرتق زوئی مرادینه ایرمشدی. زوجی قسطنطین، ارزوسنه صوگ درجه موافقدی. قسطنطین غایت یاقیشقلی، قوی البینه ایدی. دائما آته بینر، ادمان ایله مشغول اولوردی. ادبیاتدن حظ ایدر، اطرفنه دورینک بوتون عالم لرینی طوبلامقدن خالی قالمزدی. عین زمانده قادی نلری ده جذب ایتمک یولنی بیلیردی. قسطنطین، بیزانس تختنه جلوس ایدر ایتمز، قوه سلطنتی تسکین هوساتنه آلت ایتمک ایسته مشدی. اونک ایچون ایمپراطورلق، قادین جذب

ایلمکه بر واسطه ایدی. قسطنطین ایکی دفعه اولنمش، نهایت سیکله رهن اسمنده کنج بر قیزه دلداده اولمشدی. سیکله رهن او قدر کوزل دکلدی ؛ فقط صداسی ، تکلمی او قدر حلاوتلی ایدی که، کندیسنه منجذب اولماق قابل دکلدی. یوسیدن ، سیکله رهن ، هر کسک خوشنه کیدیوردی . حتی بر کون ، کندیسنی آلائی ائناسنده کورنلردن بری هومرهک : « خیر ، تر ووالیر ایله یونانیلرک بودرجه حسنا بر قادین ایچون او قدر فناقلره تحمل ایتملی عیب صایلاماز ، مآلنده کی بیتنی تکرار ایتمشدی .

قسطنطین ، وقتیه سیکله رهن ایله اولنمک ایسته مش ، فقط کلیسا بو اوچنجه ازدواجه مانع اولمشدی . نهایت قسطنطین ، معشوقه سیله برلکده یاشامش ، فلاکت دملرنده بیله کندیسندن آیرلامشدی . خصوصیه (مدلی) ده پک عاشقانه بر حیات امرار ایتملردی . قسطنطین ، پرستیده روحنی زوئینک قوللری آره سنده بیله دوشومش ، نهایت قسطنطینه یه کتیر تمکه موفق اولمشدی . حتی ازدواجک ایلمک کیجه سی زوئی یه ایثی براز آچمش ، مساعده سنی استحصال ایدر ایتمز سو کیلیسنی قسطنطینه یه دعوت ایتمشدی . قسطنطین درحال سیکله رهنه بر سرای انشا ایتدیریور ، انشا آته نظارت بهانه سیله سو کیلیسی ایله بر قاق ساعت امرار ایدیوردی .

برمدت سوکرا بومناسبت ده آچیفه اورولمش، سيقله رنه قوجاق قوجاق هديه لر کوندرلمشدي . هان هر کس ، زوئینک بو حاله تحمل ایده ميه جکني ظن ایتمشدي . فقط زوئی کنجک حرارتی ضایع ایلدیکی ایچون قوجاسنک هوائلکرینه تحملدن باشقه چاره کورمه متدی . زوئی آرتق هر شیدن بیقمشدي . اسکی شیق، ظریف، توالت مراقلیسی زوئی ، شمدي هر شیدن اجتاب ایدیور، عبادتله مشغول اولیور، اکثریا تأثرندن اعزه رسماری اوکنده یووارلانیوردی . زوئی ، قوجه سیله بر (مخلصت مقاوله سی) عقد ایتمش ، ایپراطوری هردرلو افعالنده سرپست براقمشدي . سيقله رنه سرایده بررتبه ویرلمش ، رسمی آایلرده خلقه کورونمسنه مساعده ایدلمش ، نهایت سرایده کندیسنه بر دائره تخصیص اولونمشدي . دها سوکرا، واسیلیسالی دم تصدیق ایدلمشدي .

فقط خلق بورذالندن سوکدرجه بیزار اولیوردی . اودرجه ده که، برکون قسطنطین، فاتحده، (سنت آپوتر) کلیسانه کیدرکن اهالی : « بزسیقله رنه ک ایپراطوریچہ لغنی ایسته میز . اونک یوزندن زوئی و ته ئودورا آننه مزک قهر اولدقلرینی ارزو ایتیمیز ! » دییه باغیر مشلر، ایپراطوری تلف ایتمک ایسته مشردی . ایپراطور ، سوکیلیسندن

بردرلو کچه مه مش ، وفاتنه قدر صادق قالمشدی .
 سيقله رهن وفات ايتديكي زمان ، قسطنطين بر چوجق
 کجي آغلامش ، انيس روحنه مزین مرقدلر انشا
 ايتديرمشدی . صوکرآ ، يکي بر مترهس آرامش ، بو
 سفرده بيزانس سراینده رهن طوران چرکس قیزلرندن
 آلانی یه عاشق اولمشدی . فقط بو عشقندن اودرجه
 استفاده ایدمه مشدی . کنج قیز ، اختیار ايمپراطوره
 سرايک مسخره سنی ترجیح ایتمش ، و اونکله مناسباته
 بولونمشدی . ایش اوراده یه وارمشدی که ، ايمپراطورک
 ندیمی مسخره لغه اورارق قیزه علناً اعلان عشق ایدیور ،
 ايمپراطور بو قومهدی یه فارشی قهقهه دن بایلیوردی .
 زوی بوتون بو حالره لاقید طور یوردی .
 آرتق اوده قوتدن دوشمشدی . اسکی غلیاندن اثر
 قالمش ، برمدت صوکرآ ، یتمش ایکی یاشنده اولدیغی
 حالده ، اوزون ودغدغه لی حیاته خاتمه چکمشدی .
 قسطنطين ، بوضیاعدن جداً متأثر اولمشدی : کندیسینی
 هردرلو حظوظاته نائل ایدن حریص واختیار زوجه سنه
 صوک بر خدمت ایفا ایتک ایستور ، زوی بی اعزه
 صره سنه قویمايه چالیشیور ، شهوتدن باشقه فضیلتی
 اولیان زوی نیک کرامتلرندن بحث ایدیوردی ...



آنا قومنه نوس

بیزانسه فکری و قلمی ، حسی و آثار یله خدمت ایدن ایمپراطور یجه، آنا قومنه نوس در. آنا قومنه نوس، ایمپراطور آله کسی قومنه نوسک قیزیدر. آنا قومنه نوسک تولدی بوتون بیزانسه کال سرور ایله آلفیشلانمشدی. عظیم بر دبدبه ایله آایلر ترتیب ایدلمش ، دها بشیکده ایکن باشنه ایمپراطور یجه تاجی قونولمشدی . صوگرا ، باباسی آله کسی قومنه نوسک هیچ بر فکر عدالته مستد اولمایه رق تختدن اسقاط ایتدیکی یدنجی میخائلک اوغله، کنج قسطنطین دو قاسه نشانلانمشدی . شو حالد آنا قومنه نوس ، بیزانس سر اینک تخت او طه سنده طوغمش، بیزانس سریر اقباله چیقما یی کندیسنه تأمین ایله مشدی. آنا قومنه نوس ، قائم والده سنک آنده بویومشدی. فقط والده سنه پرستش درجه سنده مر بوطیتی واردی . والده سنک اندام لطیفنه، بیاض وطاطلی رنگنه ، لطیف ومائی کوز لرینه بویوک برمفتونیت حس ایدردی. آنا بالآخره خاطر اتنده والده سنی تصویر ایتدیکی زمان شو طرزده بیان حسیات ایله مشدی: « وجود بشرده هیچ

بر وقت بودرجه آهنگ و تناسبك اجتماع ايتديكي
 كوروله مشدر . دها طوغروسى بو، ذى حيات برهيكل ،
 قلبنده حس بدايپرستى اولان هر فرد ايجون برپرستيدۇ
 جمال اينى . »

آناء، مستقبل زوجندن ده پك زياده حظ ايتمشدى .
 آناناك تعيرى وجه ايله قسطنطين « آلتون ايجنده
 پارلايان بر مجوهر كچي قومرال كيربيكلرى اورتاسنده
 پارلايان لطيف كوزلريه پنبه وصاريشين برچوجقدى . »
 فقط بيچاره ، دها ازدواج ايمه دن وقت ايتمش ، آناناك
 طاتلى املىرى محواولمشدى . آناء قسطنطينك خاطره سنى
 عمرى اولدجه اونوتما مشدى .

آناقومنه نوس غايت اساسلى برتحصيل كورمشدى .
 زماننده هه زييود ايله اوميروسك قصيده لرى شرح
 ايديليور ، افلاطون فلسفه سى بيزانسه انتشار ايديليور ،
 لسانده برتجدد ، برصقوت حاصل اولغه باشلايوردى .
 لسان و صنعتده حصوله كن بوحركت تجدد كارانه ،
 آنا قومنه نوسك تحصيل و تربيه سى اوزرينده اجراى
 تاثير ايله مشدى . آناء ، فلسفه ، تاريخ ، ادبيات ،
 جغرافيا و اساطير تحصيل ايتمش ، ازمنه قديمه نك اك
 بويوك شاعر لرنى اوقومشدى . اوميروس ، آريستوفائيس ،
 آريسطوته ليس ، ايزوقرائيس ، ده موسته نيس ، آنا

قومنه نوسك اك سوديكي مؤلفلردى . آنا ، ساپفو ايله
 بينداروسك شعرلرندن بويوك بر ذوق طوياردى . بر
 بالقجينك حسنه مفتون اوله رق عشقنى وآلمنى حزين
 شعرلره ترنم ايدن ، نظرلرينى دكزك مائى كنيشلكلرينه
 ديكه رك ششتارينك روحواز نغمه لرينه كوز ياشلرينى
 ترفيق ايله ين ، صوكرا عشقك آجى محروميتلرينه تحمل
 ايدمه ريك كندينى (مدللى) نك يالچين قايلارندن آطه لر
 دكزينك مائى آغوشنه توديع ايدن بو بد بخت شاعره ،
 آنانك حس و ذوقنى بك زياده اوقشامشدى .

آنا يالكز تحصيل كورمش بر قادين دكلدى ،
 علميله ده تميز ايتمشدى . اسلوبنك ظرافتى ، افكارينك
 متانت و تزاهتى ، اك مشكل مسائلى ايضاح ايتكمده كى
 اقتدار و قابليتى . معاصرلرينك حيرت و مفتونيتلرينى جلب
 ايله مشدى . آنا بوتون بيزانس قادينلرى كجى امور
 دينيه يه بك زياده واقفدى ؛ فقط دينى خرافاتدن تجريد
 ايدرك حقايق فينه دائره سنده ادراك ايتمكدن حظ
 آليردى . آنا بيزانس سراينك صفوت و تزاهت كسب
 ايتكمه باشلا دى نى زمانده يتشمشدى . آرتق زوئى دورينك
 فساد اخلاق ايله مملو ذوق و سفاهت لوحه لرى كاملاً
 اورتادن قالمشدى . بوزمانلرده ، بيزانس سراينك در
 وديوارينه عكس انداز اولان آهنگ ذوق و طرب يرينه

دينى الـهـيـلـك لاهوتى زمزمه لرى قائم اولمشدى .
 آنا قومنه نوسك افكارى اوزرنده بومحيطك نافع بر
 تأثيرى اولمشدى .

آنا قومنه نوسك اك مهم حالت روحيه سى، كنديسنه
 ونسبنه بك زياده اهميت ويرمى ايدى . آناناك
 بيزانس خاندانه بويوك بر حرمت ومفتونيتى واردى .
 اونك نظرنده بيزانس بوتون جهانك حاكمى ايدى .
 ديكر حكومتلارك كافه سى بيزانسك تابعلى مشابه سنده
 ايدى . مثلا اهل صليبي كمال نفرتله ياد ايله مشدى .
 آناناك ديكر بر خاصه سى ده ، كوزل دليقانليلره قارشى
 قلباً مجلوبيت حس ايتمى ايدى؛ فقط بومجلوبيت جدى
 وناموسكارانه ايدى . دها طوغروسى آناناك رقت
 قلبندن ايلرى كليردى . مثلا نشانلىسى كنج قسطنطين
 ايچون عمرى اولدجه كوز ياشى دو كمشدى . صوكرا
 سياسى بر مقصدله نيكه فوروسه تزويج ايدلش ، آنا
 بواز دو واجى ده عاشقانه بر رابطه شكلنه قلب ايله مشدى .
 بالاخره نيكه فوروسك وقاتى قلبنده أليم بر ياره حاصل
 ايتمشدى .

آنا قومنه نوس ، باباسى آله كسى كى، اورتا بويلى ،
 سياه ساچلى ايدى . كوزلرنده حس وذكالمعان ايدردي .
 خصوصيله عفت وناموسى، بيزانس سرايلرنده بك نادر

تصادف اولونان اوصافدن ایدی . یالکز ، احتراصاته صوڪ درجه میال ایدی . کوزی دائماً ایمپراطوریچہ اولمقده ایدی . قسطنطین دو قاسه نشانلانندی بی ایچون ایمپراطوریچہ اولاجغه آرتق تماماً امین اولمشدی . فقط والده سی ایرهن برمدت صوڪر ابرارکک اولاد طوغورنجہ ، آنا قومنه نوسک بوتون خولیلاری محو اولمشدی . آنانک نشانلیسی ایمپراطورلق حقوقنی ضایع ایتمش ، اوزمان آنا کوچک قاردشنه قارشى قلبنده بویوک بر عداوت بسله مکہ باشلامشدی . او تاریخندن اعتباراً آنا قومنه نوسک یکانه آرزوسی ، بیزانس تختی کندیسنه تأمین ایله مکدن عبارت اولمش ، آنا ایله قاردشى بیننده تخت وساطنت رقابتی حاصل اولمایه باشلامشدی . بورقابتہ بوتون سرای خلقی اشتراک ایله مشدی . فقط بو اشتراک هب آنا قومنه نوسک منافعه ایدی . خصوصیلہ والده سی ایرهن ، قیزینک ذکا و عرفاتی صوڪ درجه تقدیر ایدیور ، اوغلی یوآنیسک ضعف اخلاقندن نفرت ایله یوردی . بوسیدن یوآنسی تخت حکومتدن اسقاط ایچون آنا قیز مشورت ایتشلر ، بو مشورتلری سایه سنده آنانک ایکنجی زوجی نیکه فوروسک نفوذ و صلاحیتنی توسیع ایله مشلردی . آرتق بوتون سرای خلقی ، ایمپراطورک ضعفندن و اختیارلغندن استفاده

تصادف اولونان اوصافدن ایدی . یالکز ، احتراصاته صوڪ درجه میال ایدی . کوزی دائماً ایمراطوریچه اولمقده ایدی . قسطنطین دو قاسه نشانلانیدینی ایچون ایمراطوریچه اولاجفنه آرتق تماماً امین اولمشدی . فقط والدهسی ایرهن بر مدت صوڪرا ارکک اولاد طوغورنجه ، آنا قومنه نوسک بوتون خلیاری محو اولمشدی . آنانک نشانلیسی ایمراطورلق حقوقنی ضایع ایتمش ، او زمان آنا ، کوچوک قاردشنه قارشى قبلنده بویوک برعداوت بسله مکه باشلامشدی . او تاریخن اعتباراً آناقومه نوسک یکانه آرزوسی ، ییزانس تخنی کندیسنه تأمین ایله مکدن عبارت اولمش ، آنا ایله قاردشى بینده تخت وسلطنت رقابتی حاصل اولمایه باشلامشدی . بو رقابته بوتون سرای خلقی اشتراك ایله مشدی ؛ فقط بو اشتراك هب آناقومه نوسک منافعه ایدی . خصوصیه والدهسی ایرهن ، قیزینک ذکا وعرفاتی صوڪ درجه تقدیر ایدیور ، اوغلی یوآنسک ضعف اخلاقدن نفرت ایله یوردی . بو سیدن یوآنسی تحت حکومتدن اسقاط ایچون آنا قیز مشورت ایتمشر ، بو مشورتلری سایه سنده آنانک ایکنجی زوجی نیکه فوروسک نفوذ و صلاحیتنی توسیع ایله مشلردی . آرتق بوتون سرای خلقی ، ایمراطورک ضعفندن واختیارلغندن

استفاده ایده رک دامادینی القیشلامغه باشلامش لردی .
 هرشی آنا قومنه نوسك ارزوسنی تسهیل ایله یورکچی
 کورونیوردی . بو صیراده ایمپراطور آله کسینک وفاتی
 بویوک بر فاجه نك ظهورینه سبب اولمشدی .

آنا ، والدهسی ایرهن ایله اویوشدقن سوکرا
 ایمپراطورلنی صورت قطعیده زوجنه تأمین ایده چکنه
 قائل اولمشدی . فقط بو ناکهانی وفات ، اونو
 بوتون امللرندن محروم ایده چک کچی کورونمشدی .
 آنا قیز ، حال احتضارده بولونان ایمپراطورک اوطه سنه
 قوشمش لردی . ایرهن ، ایمپراطورلنی زورله دامادینه
 ویردیرمک ایچون اولوم دوشه کنده یاتان ایمپراطورک
 اوزرینه یورومش ، فقط یو آنیس ده اول باباسنک پارماغندن
 ایمپراطورلق یوزوکنی چکوب چیقارمش ، درحال
 آیا صوفیه کلیسا سنده کندیخی ایمپراطور اعلان ایتدیرمشدی .
 او زمان ایرهن ، حدتندن عصی بحرانلر کچیرمش ،
 دامادینی اوغلنک اوزرینه یورومک و کندیسنی
 ایمپراطور اعلان ایتدیرمک ایچون تشویق ایله مشدی .
 سوکرا ، محتضر برحاله یاتان ایمپراطورک کوکسی اوزرینه
 قاپانمش ، اوغلنک ده حیاتنده تخت ایمپراطوری پی
 غصب ایتدیکنی باغیرا باغیرا سویله مش ، دامادینک
 حقوقنی تصدیق ایتمه سنی استرحام ایله مشدی . او زمان

ایمپراطور، هیچ جواب ویرمکسزین آلرینی مبهم بر صورتده سایه قالدیرمش، مایوسانه، بیتابانه تبسم ایتمشدی. ایرهن حالت احتضاره کلن زوجنک سکوتندن غضب وحدث ایچنده قالارق: «ذاتاً یا شادینک مدتجه هپ حيله دن، فکریکی کیزله مکدن باشقه بر شی یا پاممشدک. شمدی اولوم دوشه کنده ده بو خوییدن واز کچمه یورسپک!» دیه ایمپراطورک یوزینه قارشی باغیرمشدی. بو ائاده ایمپراطور یو آنیس آنه سنه، قیز قاردشنه و آنشته سنه قارشی نه صورتله حرکت ایده جکنی دوشونمکه باشلامشدی. هرکس حرص و استقبال پیشنده ایدی. ایمپراطور اولمش، هیچ کیمسه بونکله اشتغاله وقت بولامامشدی. حتی جسدی برمدت اولدینی کبی قالمش، ایرتسی صباح ایرکندن، هیچ مراسم یا بیلمادن، علی العجله مزاره کومولمشدی.



آرتق آناقومنه نوسک دسیسه لری کاملاً عقیم قالمشدی. قاردشنک ایمپراطور اولماسی بو ذکی پرنسسه الیم برضربه یرینه کچمشدی. آنا، سنه لردن بری ایمپراطور یچه لکه کوز دیکمش، بو مرتبه یی کندیسسی ایچون محق و مشروع عد ایله مشدی. شمدی او پارلاق امللردن

هیچ اثر قالمشدی . یو آنیس قومنه نوسک جرأتی ، نیکه فوروس بریه‌نک ترددی ، آنا ایله ایردنک قیردینی ترتیباتی کاملاً بوزمشدی . آنا بو سقوطلر املدن بک چوق متأثر اولمشدی . حتی او سنه ایچنده ، بیزانس تختنی آله ایتمک ایچون برفساد جمعیتی ترتیب ایتدیره رک قاردشنی قتل ایتدیرمکه قدر تشبث ایله مشدی . فقط بو سفر نیکه فوروس ، قائم برادرینک حقوقنی تقدیر ایتدیکی ایچون زوجه سنک تشویقانه تابع اولماش ، ترددلر واندیشه لر ائناسنده بوتون تدابیر میدانه چیقمشدی . یو آنیس ، علیهنده دوندورولن دولابلری میدانه چیقاردینی زمان فسادجیلر دینه مشفقانه معامله ایتش ، ماللرینی حجز ایتمکله اکتفا ایله مشدی . حتی بر مدت صوکر ا قیز قاردشنه تکمیل اموالنی اعاده ایتدیرمشدی . آنا قومنه نوس ، امللرینک محو اولدینی دورده اوتوز آلتی یاشنده ایدی . صوکر ا یکر می طقوز سنه ده ا یاشامش ، بوتون حیاتی عبادت و مطالعه یه حصر ایتمشدی . بو دور ، آنا ایچون صوک درجه ماتم آلود اولمشدی . باباسنک وفاتی متعاقب آنه سی ایردنک ، ده ا صوکر ا قاردشی آندرونیکوسک وفاتی آنانی عظیم برضعف و آله دوچار ایله مشدی . آنا ، صوک موفقیتسز لکندن صوکر ا ، سرایدن اوزاقده ، اکثریا آنه سنک تأسیس

آيتديكي مناسترده ياشامشدى. وقتيله كنديسنه طالق او وقلق
ايدن نديملر ، باباسنك سو كيلى كوزده لرى شمدي برر برر
اوزاقلاشمش لردى . بو صيراده قارده شنك كيتدجكه
سلطنتنى تحكيم ايمه سى ، روحنده عذاب واضطراب
حاصل ايله مشدى . طبيعتى غم و المله دوچار ضعف
اولمايه باشلامش ، كنديسنى طالملك حقنر بر قربانى
عد ايله مشدى . آنا قومنه نوس (آله كسياد) ناميله
يازدىغى خاطرانده بو قسوتلى حياتى بوتون تفرعاتيله
تصوير ايله مشدى . فقط بو تصويورات ، صرف كندى
حسنه ، كندى منفعتنه كوره ايدى . آناناك بو اثرى
مهم بر وثيقه تاريخيه اولمقدن بك اوزاقدى ؛ چونكه
هر سطرنده ارزوى سلطنت و حرص انتقام موجوددى .
بيزانسك بو يكانه فضيلتلى پرنسى باباسنه قارشى
ايشله ديكي جنائتارى كاملاً قاپاشمش ، يالكز قلبنك
و احتراصاتنك تاريخنى يازمشدى . آنا واقعا تحصيل
و تربيه كورمش ، اولدججه ميز بر محيط داخنده ياشامشدى ؛
فقط هر شيدن اول برقاديندى . قادينلق حسى ، قادينلق
حاكيمتى ، قادينلق احتراصاتى ، كوردىكي تحصيل
و تربيه نك دماغنده پايدار بر متانت حصوله كتيرمه سنه
مانع اولمشدى . عظمت و دبدبه ، زينت و احتشام ، حس
نسوانىنى طاقت سوز بر تاثير آلتنده بولونديرمشدى .


آنا ، قاردشك حياتنه قصد ايتديكي حالده ينه عفو
 ايدلمشدى . فقط ديلاه ديكنى ياپديرمق ، دائما اوست
 اولمق كچي قادينلغه* خاص خيرچينلقلر كوزينه هيچ برشى
 كوسترهمش ، نظرى بيزانس تختك الماسلر و اينجيلر ،
 آلتونلر و فيروزه لره مزين شعشعه سنه معطوف ، قلى
 محروميتدن متولد آجيلرله پر ضربان ، ساچلرى الم
 وكدرله آغارمش ، روحى كويا طالعك حقسزلقنه
 دوچار اولقله پيرانمش بر حالده ، آلمش بش ياشنده ترك
 حيات ايتمش ، قلبنده كى احتراصاتى اولونجه يه قدر محافظه
 ايله مشدى .




فهرس مندرجات

صحيفه	
۳	بيزانس تاريخنه مدخل
۱۷	ايمراطور بيجه لرك طرز حياتى
۳۰	ته تودورا
۴۲	آته نايس
۵۴	ايرهن
۷۸	ديندار ته تودورا
۸۹	ته توفانو
۱۰۲	زوتى
	آسناقومنه نوس







انگلیسی طبعی

۱۳۳۱

تجزیاتی لغت - انگلیسی - فارسی

تالیف و تصحیح



تجزیاتی لغت - انگلیسی - فارسی - تالیف و تصحیح
تجزیاتی لغت - انگلیسی - فارسی - تالیف و تصحیح
تجزیاتی لغت - انگلیسی - فارسی - تالیف و تصحیح

تجزیاتی لغت - انگلیسی - فارسی

454

احمد رفیق

454

تجزیاتی لغت - انگلیسی - فارسی